

دينا عماد

رواية

قلوب مخلقة

سجل المكتبة
sa7eralkutub.com

قُلُوبٌ مُّغْلَقَةٌ

رواية

دينا عماد



دار الرسم بالكلمات

إهداء

إلى الذين كَسِرَتْ قلوبهم .. فأوصدوا باب القلب
افتحوا للحياة ذراعيكم
وللحُبِّ قلوبكم
فلن تتوقف الحياة
ولن يتوقف القلب عن الحُفْقان.

مُقَدِّمَة

تصيبنا يدُ القدر..
نظنها إصابة قاتلة..
ولكن تُولّد منها الحياة.

- 1 -

حين تكون وحيداً وسط الناس..
هناك شخصٌ ما سيفنيك عن العالم أجمع..

«حنان مصطفى حافظ»

ما إن استيقظت حنان من نومها.. حتى نظرت في ساعة العائط الموجودة في حجرتها.. فوجدتها الثانية عشرة منتصف الليل.

يوم جديد يبدأ في ليل حياتها الطويل الذي تعلم تمامًا أنه لن تشرق شمسها كما هو الحال في ليالي الأيام العادية.

أعادت ترتيب شعرها الأسود القصير بيديها. لاحظت أنه ازداد طولًا حتى وصل لأعلى كتفها.. زفرت بضيق. ثم نهضت من فراشها متباطئة رغم نحافة جسمها.. ووقفت خلف الباب تسترق السمع لما يدور في الخارج.. تنأى إلى مسامعها صوت التليفزيون المفتوح وضحك والدها ووالدتها على صوت الفيلم الكوميدي.

ضحكتها ترقص على صرخات قلبها المذبوح وحياتها الكئيبة.

قبل أن تعود لمكانها المعتاد فوق فراشها وقفت أمام مرآتها.. لم تطل النظر.. في درج تسريعتها عن المقص.. تناولته وقصّت شعرها. وألقته أمامها بإهمال.

رجعت مرة أخرى لفراشها وأمسكت بجهاز "اللاب توب". الخاص بها الذي أهدها لها شقيقها أحمد. وأوصلت به الساعات لتنفصل تمامًا عن الخارج.

دخلت على حساب الفيس بوك الذي بدأت استخدامه في الأونة الأخيرة بعد أن أغلقت حسابها القديم نهائيًا رغبة في عدم التواصل مع أحد يعرفها..

أخذت تتصفح بعض الصفحات والمجموعات التي تعرف من خلالها أخبار صديقاتها دون أن يعرفها أحد.. فوجئت بصور زفاف أعز صديقاتها من أسبوع مضى.. ابتسمت بحزن.. ابتسمت فرحاً لصديقتها وحزناً لأنها لم تعلم إلا بالصدفة.

وتذكرت كم من الأحلام رسمتها معاً لتكون كل واحدة منهما بجانب الأخرى في ليلة عمرها.. أحلام رُسمت تفاصيلها كثيراً في ليالي أحلامها بفارس الأحلام.. أحلام لم ولن تتحقق.

لم تعرف كم مضى من وقت عندما رأت باب حجرتها يُفتح، ويظهر سقيقتها، فخلعت السماعات من أذنها، وسمعت أحمد:

- خبّطت عليكى مردتيش فقلت اشوفك صاحبة ولا نايعة.

اقترب منها وجلس على حافة السرير وهي تود:

- لسه صاحبة من شوية.. بس لما سمعت صوتهم بره محبيتش أخرج.

تحدث إليها بالهم:

- لإمتي يا حنان هتسبلي قاقلة على نفمك كده؟

- كده أحسن.

- لا مش أحسن.. مش قادر اتغيل حنان اللي كانت الضحكة مبتفارقش وشها

وشعلة النشاط تبقى قادرة انها تقفل عليها بالساعات علشان تتجنب بابا.

- حنان بتاعة زمان ماتت وبابا اللي قتلها.

- بابا يا حنان؟

- أيوة يا أحمد... ومش هسامحه أبدًا.

بدأ صوتها بالاختناق وأغرورقت عينها بالدموع.

اقترب منها أحمد وهو يحتضنها:

- أنا آسف.. أنا نسيت أننا اتفقنا محدش يجيب سيرة الموضوع ده نهاني.

ورجع للخلف وهو ينظر لها:

- ها! انتعشي معايا ولا ادخل انام؟ بابا وماما ناموا.

ابتسمت حنان وهي تنهض من السرير:

- مش خلاص بابا نام.. يبقى نتعشى مع بعض.. أنا محدش بهون عليا حياتي غيرك. ربنا يخليك ليا.

أثناء تناولهما الطعام، شعرت حنان أن أحمد متردد بعض الشيء..

أحمد أخوها الوحيد الذي يكبرها بعامين هو بالنسبة لها الأخ والصديق والاب أحيانًا.. منذ طفولتهما ويطلق الجميع عليهما: التوأم. لا لتطابق الملامح بل لتواجههما دائمًا معًا.. لإحساسهما الدائم ببعض: فقبل أن ينطق أحدهما يشعر به الآخر.

ظلت تنظر له وهي تحدث نفسها:

- ياااااه لو كنت موجود يا أحمد الفترة اللي فاتت.. يمكن مكنتش حصل اللي حصل.. أكيد كنت هتحميني.

قطع صوت أحمد، صوت أفكارها:

- إيه مبتاكلش ليه؟-

- سرحت شوية.

- في إيه؟

- فيك.. حاسة أنك عايز تقول حاجة؟

وابتسم أحمد:

- طول عمرك فاهماني.

- أكيد.. إيه بقي عايز تقول إيه؟

- هما موضوعين يا حنان.. واحد يخصك وواحد يخصني.. أقولك إيه الأول؟

- اللي يخصك يخصني والعكس.. يبقى تبدأ بأي واحد فهم.

- أنا عايز نروح لدكتور.

فزعت حنان قلقًا على أحمد.. سألته بلهفة:

- خير يا حبيبي.. مالك؟

- متفلقيش أنا كويس الحمدلله.. أنا بقول دكتور ليكي.

سألت باستغراب:

- ليا أنا.. ليه؟

حاول أحمد التغلب على تردده.. وقال بسرعة:

- أنا قلقان عليك، إنتي على طول نايمة وقافلة عليك أوضتك وقطعتي
علاقتك بكل الناس اللي كنتي تعرفهم ومبتخرجيش خالص إلا لما بتحايل
عليكي تخرج شوية وكل فين وفين.. أنا خايف عليك.

ردت حنان مبتسمة:

- متخافش مش هتجنن.

- حنان.. أنا بتكلم جد.. انتي ممكن أوي يكون عندك اكتئاب ومش عيب لو
روحتي لدكتور.

- متخافش عليا أنا لو حاسة باكتئاب هروح لدكتور.

- طيب فسري لي اللي انتي فيه ده.. لو مش اكتئاب يبقى ايه.

- يا بني أنا بنام عكس ساعات توكم وبقي الوقت صاحية.. يساعد ماما وليا
اصحاب جداد.. طبعا ميعرفونيش بس اهو بتكلم معاهم.. بتابع كل اللي
بيحصل بره البيت وحواليا.. وبقي الوقت بقضيه في القراءة.

صمتت لحظات وأكملت بنبرة حزينة:

- كل الحكاية اني مش عابزة اشوفه ولا اتكلم معاه.. وقفل على الموضوع ده
وقول إيه الموضوع الثاني.

ارتسمت على وجه أحمد ابتسامة عريضة لم ترها حنان منذ فترة طويلة..
وتغيرت نبرة صوته وهو يسألها:

- فأكرة إسراء؟

رددت حنان الاسم وهي تحاول أن تتذكر:

- إسراء.. إسراء.. إسراء..... بتاعة الكلية.

- أيوة.. هي.

- أه افكرتها مالهآ؟؟ إيه اللي فكرك بيها دي زمانها اتجوزت وخلقت.

جاوبها أحمد بفرحة:

- لا متجوزتش.

نظرت حنان في عينيه، ولاحظت لمعاتها ببريق فهمت معناه.

- عرفت مين؟؟ احكي بسرعة.

بدأ يحكي بفرحة تمتزج بخجل:

- بصي يا ستي.. طبعًا انتي فاكرة لما قلت لك اني اتعرفت على إسراء في رحلة في

الكلية لما كنت في رابعة وهي في ثانية.

- أه فاكرة.. وفاكرة لما كنت بتحكي عنها وعن إحساسك بيها وبأما قلتلك صارحها.

- وقتها مكنتش ينفع اصارحها وأنا مش عارف رد فعلها إيه.. كنت مستتي

اخلص واشتغل وبعدين أقولها اني عايز اتقدم لها.

- كنت غلطان يا أحمد كان لازم تقولها.

- ما انا لما نويت أقولها لقبيتها اتخطبت وبعدها انا اتخرجت وحاولت اتساها

وتقريبًا كنت نسيتهآ.

- وإيه اللي فكرك بيها النهارده؟

- من يومين يا حنان مش النهارده.

- اشمعني؟

- بالصدفة لقيتها على القيس بوك.. مش قادر اوصفك حسيت بيايه لما شفت اسمها وانا لسه مش متأكد هي ولا لا.. قلبي بقى يدق يدق ولقيت الدنيا بتلف بيا وبنأخذني لأيام الكلية وكل اللي كنت حاسه زمان اتجدد في ثانية.. دخلت صفحتها لقيت كل المعلومات بتاعتها هي هي حتى أصبحها بتتوع زمان موجودين عندها.. اللي فرحتي أكثر اني لقيتها كاتبة الحالة الاجتماعية سينجل.. ببني وبينك اتددت ابعتها إضافة أو لا.. وحسنت تردددي وبعثتها إضافة.. قبلتها في نفس اللحظة وكلمتها اشوفها فاكراني ولا لا طلعت فاكراني ومن ساعتها واحنا بنتكلم وعرفت منها انها فسخت خطوبتها بعد 4 شهور وانها لسه متخطبتش ولا حاجة.

صمت أحمد وهو يراقب تعابير وجه حنان.. خاف أن يكون حديثه عن مشاعره يؤلمها بعد ما مرت به.. لكنه وجد سعادة على وجهها واهتمام وهي تحثه على متابعة الحديث:

- هاللا كمل.. وبعدين.

- مفيش.. أنا فرحان اني لقيتها تاني وان فيه فرصة اننا نقرب من بعض.

- بس كده؟

- لحد دلوقتي بس كده اللي حصل.

- وناوي نضيع وقت بروضه زي زمان.. مش انت بتحبها؟

- أه.

- خلاص قولها.

- خبط لرق كده.

- وش على طول.

- مكسوف.

- ميهيه بجد؟

- أه والله.. وخايف كمان.

- خايف من إيه؟

- أكون بالنسبة لها مجرد زميل عادي وخلاص.

- انت حاسس بإيه؟؟

- مش عارف.. زي ما قلتك. خايف.

- مينفعش تخاف.. لازم تقولها يا أحمد.

- طيب ما تماعديني؟

- أنا؟؟ أساعدك ازاي.. ما انا بقولك قولها.

- هحاول.. بس خايف اتصدم.

- طيب ما تلمح لها.. يعني مثلاً اسألها اتخطبتي بعد المرة الأولانية.

- ماهي قالت لأ.

- استعبط يا أحمد وجر كلام.. متقولك لأ قولها ليه؟؟ انتي بتحبي حد؟ كده يعني والكلام يجيب بعضه.

رد وهو ينهي عشاءه:

- طيب.. محاول.. ادعيلي.

- ربنا يفرح قلبك يارب.

- عقبال ما افرح بيكي يا نونا.

عبست حنان وهي تبدأ في لم الأطباق:

- متحطش أمل على حاجة مش متحصل.. خليتنا فيك انت.

نظر لها بالأم.. هم أن يرد عليها.

تظاهرت هي بعدم الاكتراث..

أخذت الأطباق للمطبخ

وذهب أحمد ليغسل يديه بعد العشاء قبل أن يتوجه لغرفته.. متمنيًا أن يجد إسراء.

* * *

- 2 -

أحياناً تأتينا مفاجأة تغير حياتنا تماماً

إسراء فوزي سلامة

لم تدرك إسراء كم مرة صرخت اليوم في شقيقتها الصغرى وهي جالسة على الكمبيوتر تلعب.. أعصابها على فوهة بركان، من الانتظار.. فالحوار تكرر بنفس الكلمات:

• قومي يا اسما.

• ليه أنا لسه قاعدة من شوية.

• مشوف حاجة واقعدي ثاني.

تقوم أسماء وتجلس إسراء مكانها.. تفتح أكونت الفيس بوك

تنظر في الشات.. تجد شات أحمد مغلقاً

تدخل في صفحته.. لا تجد أي جديد

تحبط.. تفكر..

• مدخلش ليه؟؟ ولأ يكون بيدخل أوف لاين.. طيب ليه؟

نقاطعتها شقيقتها:

• خلاص؟

تنسأل إسراء بشروود:

• خلاص ايه؟

• شفتي اللي عايزة تشوفيه.

تصرخ فيها إسراء: خلاااااااااااا ص شفت.. أتزعج.

تنهض بعصية وإحباط..

تري كم مرة تكرر هذا الحوار خلال اليوم

كل ساعة.. بل كل نصف ساعة.. لا.. تكرر كل ربع ساعة أو أقل.

تتظر إسرائ وهي جالسة أمام الكمبيوتر لشقيقتها المستقيمة على سريرها
تشاهد التلفزيون،

تشعر بأنها كانت قاسية معها على غير العادة.. فتناديها بتودد:

- ۱۰۰ -

تلتفت لها بتلقائية:

- نعم؟

- زعلاتہ منی؟

- لا.. ليه بتسأل؟

- یعنی انترفزت علیکی شویہ النهارده.

- لا عادى.

قالت يراة تناسب سنوات عمرها العشر.

تجلس إسرائا أمام شاشة الكمبيوتر وعيناها معلقتان على الشاشة.. كم هو ممل الانتظار: خاصة أن يكون انتظار بدون موعد محدد.

مرّ يومان كانا من أسعد أيامها لوجود أحمد في حياتها مرة أخرى بالصدفة.

أحمد.. تذكرت عندما تعرفت عليه لأول مرة وهي في السنة الثانية من الكلية، كانت في رحلة ليوم واحد للإسكندرية، لم تنس طوال السنوات الماضية ملامح أحمد، بعينه العسليتين وبشرته القمحية وشعره الأسود القصير جدًا.

عندما تلاقى نظراتهما لأول مرة يوم التعارف، شعرت بارتجافة قلبها لحظة.. كم تساءلت عن معنى تلك الرجفة التي شعرت بها وكأن نظرتك كانت تبارز كهربائيًا خفيًا، مسها ولم يؤذيها.

منذ ذلك اليوم وانضم أحمد لصداقة إسراء وصديقتها: ملك ورنا.

تتكرر المقابلات يوميًا في الجامعة.
 "أحمد شكله ببحبك يا إسراء!"

سمعتها من ملك ورنا كثيرًا.. كل مرة تهرب من الرد.. تمتت سماعها من أحمد.. طالبت الأمنية ولم تتحقق، وما كانت تنتظره من أحمد، فوجئت بسماعة من آخر: حين تقدّم لها عريس: أحد أقاربها من بعيد تعرف اسمه وعائلته من خلال والدتها.. أما هو فيعرفها جيدًا، وتقدّم لوالدها قبل امتحانات آخر العام بأسبوعين.

لم تستطع تفسير جمود ملامح أحمد حين أخبرته أنها ستخطب قريبًا.. تعلققت بأخر أمل وهي تنتظر أن يقول لها ارفضني، ولكنها سمعت كلمة أخرى بدون أي تعبير:

- مبروك.

تمنت أن تصرخ فيه وقتها.. تخيلت أنها تصفعه على وجهه لبرودة مشاعره.
 كرامة الأثني التي تعتبر الصمت رفضًا لها.

جعلها تتفنن تمثيل الفرحة انتقامًا لمشاعرها التي تعلقت بأملٍ وادٍ بضعة شهور، حتى آخر يوم امتحانات.. تقايلًا.. تبادلاً كلمات قصيرة روتينية وتمنى كلٌّ منهما للآخر حياة موفقة وانطوت صفحة أحمد من حياتها للأبد.. أو كانت تظن أنها انتهت للأبد قبل أن يظهر فجأة منذ يومين ويتواجد في حياتها ويوقظ ذكريات ظننت أنها انطوت مع الأيام.

يقاطع تفكيرها دخول والدتها الحجرة، تنظر لأسماء التي غلبها النعاس.

- أختك نامت.

تنظر إسرائ لسرير شقيقتهما.. تجد والدتها تُعدل من نوم أسماء.

- لسه نايمة من شوية صغيرين.

- انتي سهرانة؟

- أه قاعدة شوية.

- طيب انا داخلة انام الساعة داخلة على واحدة وعندي شغل الصبح. كلمت اخوكي ولسه بره إبقى عرفيني جه الساعة كام.

- حاضر.

- تصبجي على خير.

خرجت الأم من الغرفة وإسراء ترد عليها. في نفس اللحظة التي سمعت فيها إسراء صوت باب الشقة وصوت وصول شقيقها إسلام.

* * *

- 3 -

ما أصعب لحظات ما قبل الاعتراف بالحب..
وما أجمل غيرة الحبيب

دخل أحمد غرفته متلهفًا للحديث مع إسراء.. خمس سنوات مرت على
خبرجه.. على ضياع حبه الوحيد الذي سحق الصمت بذرتة قبل أن تنمو
سدفة أيقظت الحب من جديد.. بلهفة فتح اللاب توب، ابتسم براحة وسعادة
عندما رأى إسراء "أون لاين"، أرسل لها:

• أزيك؟

على الجانب الآخر، في وسط شرود إسراء، وجدت إشعارًا برسالة من أحمد..
كادت أن تطير فرحًا.. اتسعت ابتسامتها بمجرد ظهور حروف كلماته.. ردت
بلهفة:

• الحمدلله.. أزيك يا أحمد.

• كنت قلقان متكوئيش موجودة.

• أنا موجودة على طول.. إنت اللي كنت فين كل ده؟

• كنت في الشغل ولسه راجع.

• انت مش كنت بترجع الساعة 4.. أنا من العصر وأنا كل شوية اشوفك دخلت
ولا لا.

• النهارده أول يوم في الشيفت الثاني.. معلى نسيت أقولك.

• هو انت شغلك شيفتات؟

• أه، اسبوع من 8 ل 4 واسبوع من 4 ل 12 واسبوع من 12 ل 8 الصبح.

• مرتاح في شغلك؟

• أه الحمدلله.

سألته وهي تتمنى أن يجيبها بالنفي:

- أنت أكيد راجع تعبان وعاييز تنام.

ردّ أحمد بتلقائية:

- هو في العادي يرجع تعبان.. بس انا عاييز نقعد نتكلم مع بعض شوية.. إنتي عاييزة تنامي؟

- أبدا.. أنا خايضة تكون قاعد تعبان وعاييزاك توتاح.

- أنا كده مرتاح.. وفيه حاجات كتير عاييز أسألك عليها.. دول 5 سنين.

- عاييز تسأل على إيه ما انا حكيت لك كل حاجة.. أنا اللي عاييزة أسألك عملت إيه في الـ 5 سنين اللي فاتوا.. احكي لي.

- بصي يا ستي بعد ما اتخرجت حفيت على شغل طبعًا.. فضلت سنة اخبط من شغلانة للتانية، وبعدين لقيت نفسي لا عارف اشتغل شغل كويس ولا فيه مرتب عليه القيمة.. فقررت اسافر.

- هو السفر سهل كده.

- هو مش سهل بس فيه واحد قريبنا من بعيد بقاله 20 سنة بيشتغل في دبي وله معارف وعرف يلاقي لي شغل كويس الحمد لله، وسافرت بعد ما اتخرجت بسنة، وقعدت ثلاث سنين وجيت من سنة كده تقريبًا.

- كويس انك عرفت تقعد ثلاث سنين بس.

- مش قاهم قصدك.

- اللي اعرفه ان اللي يسافر الشغل والفلوس بيخلوه مش سهل يرجع.

- دي حقيقة بس انا رجعت علشان حنان.

صُدِمت إسرائ.. حنان؟؟!!

خطيبة أم حبيبة عاد من أجلبا، أكلت الغيرة قلبها ولم تستطع أن تكتب أي رد، وجدته يكمل بعد لحظات صمت وكأن شيئاً لم يكن:

- رجعت ودؤرت على شغل هنا، وبعد شهرين اشتغلت في المصنع اللي انا فيه حالياً ومرتاح الحمد لله.

لحظات كل منهما لم يجد ما يكتبه، إسرائ تشعر بالغضب منه وتحبث نفسها وهي تنظر لكلماته: "لما هو مرتبط بيلقني بيه ليه.. بتعملها تاني يا أحمد تعلقني وترفعني لسابع سما وفجأة تسيبني انزل لسابع أرض."

شعر أحمد بغياب إسرائ في الرد.. انتظر لعلها تكتب.. انتظر لعلها اضطرت للقيام لأي سبب كان.

دقائق مرت.. دون أي تواصل.. لم ينتظر أحمد:

- إسرائ.. انقي معايا ولا مشيتي؟

ردت إسرائ باقتضاب:

- أه هنا.

- روجتي فين.

- مفيش مستنياك تكمل.

- خلصت حكايي.. انتي قوليلي بقي اتخطبتي تاني؟

- ٧ -

- ليه.

أجابت متعمدة إشعاره بتغير حالتها المزاجية:

- فيه حد يسأل واحدة متخطبتيش ليه؟

رد مستدركًا: أنا أسف مقصدهش إضايكك.

ردت ببرود: خلاص مفيش حاجة.

شعر بجفائها، فحاول إيضاح عدم قصده.

- إسراء بجد أسف مقصدهش والله.

أرادت أن تنهي الحديث قبل أن يمتد وتتعلق به أكثر:

- خلاص يا أحمد... يالا قوم نام انت تصبح على خير.

تفاجأ وسألها: انتي متقفلي؟

ردت بتعجب: انت عايزني في حاجة؟!

سألها بلهفة صادقة: مالك؟

بعد لحظات.. خشيت إسراء أن ضيقها يُقَسِّر من قِبَل أحمد على حقيقته،

وأن يشعر بحبها له وغيرتها عليه.. ارتباطه بأخرى يقف حاجزًا بينهما..

اضطرت أن تتظاهر بعدم الاكتراث:

- أبدًا يا أحمد مفيش حاجة ومتضايقتش منك.. متعنترش.

- إسراء..

- نعم.

- عايز أقولك حاجة وخايف تفهميني غلط.

- حاجة إيه؟؟ قول.

- أنا نشمي أشوفك.. انتي وحشتيني.

قالها أحمد بعد أن استجمع شجاعته من أول حديثهما.. قالها ملقياً بمشاعر صادقة بين يدي إسراء منتظراً ردّها.

أما إسراء فقد استقبلتها بارتباك جعل ضربات قلبها تتسارع.. ربما لو قالها قيل ذكر سيرة حنان كان ردّها سيكون بلا تفكير.. تريد أن تلقاه.. ولكن لم تستطع أن تترك نفسها للظنون.. فسألته:

- أحمد انت خطبت؟

استغرب أحمد لسؤالها:

- لأ.. لو كنت خطبت كنت حكيت لك.

- أومال مين حنان؟

لم يتمالك أحمد نفسه من الضحك.. ضحك عاليًا حتى سمعته حنان وجاءت على صوت ضحكاته: دخلت حجرته ووقفت جواره:

- انت صاحي يا أحمد.. بتضحك على إيه؟

- فرحان يا حنان.. تعالي شوفي.

بدأت حنان قراءة الرسائل المتبادلة بين أحمد وإسراء.

إسراء أقلقها غياب أحمد في الرد، فكتبت بسرعة:

- واضح ان سؤالي ضايقك.. لو مش عايز ترد براحتك.

حنان قرأت الرسالة.. ربت على كتف أحمد وهي تنصحه:

- رد عليها بسرعة يا أحمد وقهمها.. فرصة تقولها على كل مشاعرك.. لما تخلص
تعال احكي عملت إيه.

خرجت حنان، وأغلقت الباب خلفها لتترك له حرية الحديث.

رد أحمد على إسراء:

- أولاً أنا ما اتضايقتش منك ولا أقدر اتضايق منك أبداً.. حنان تبقى أختي
الوحيدة وتوأم روحي وأقرب حد لي في الدنيا.. وأنا كمان بالنسبة لها أقرب حد
ليها في الدنيا.

قرأت إسراء رد أحمد بفرحة.. اطمأنت.. ثم سألته:

- ورجعت علشانها ليه؟

- ده موضوع طويل نبقى نتكلم فيه بعدين.. إنتي مجاوبيني على الأهم.

- إيه؟

- ينفع اشوفك؟

* * *

- 4 -

إن أردت أن تنتحر دون أن تموت..
اترك نفسك لروتين يوميّ قاتل يُفقدك الحياة وأنت مازلت
تتنفس.

مكذا فعلت حنان منذ أن قررت عزلتها عن العالم أجمع.

كانت تدور في روتين يومي ما بين تنظيف الشقة، تحضير الطعام مع والدتها، قراءة وتصفح للإنترنت.. ساعات قليلة من نوم متقطع يبدأ عصرًا أو قبل المغرب بقليل. ينتهي عند منتصف الليل. محاولات فاشلة من والدتها وأحمد بدمجها معهما في الحياة إلا أن أغلب المحاولات كانت تُقابل بالصد.

أما والدها، فأتز عدم المواجهة؛ حفاظًا على ماتبقى من هيئته.. كثيرًا ماتردد أن يطلب منها السماح، ولكنه كان يعدل عن قراره على آخر لحظة.

بينما حنان مع والدتها في المطبخ في حوالى الثانية ظهرًا، سمعت صوت أحمد يخرج من الحمام

ذهبت إليه وتبعته إلى حجرتة:

- صباح الخير يا أحمد.

- صباح النور ياحنون.

- قعدت استنالك امبارح بعد ما تخلص تيجي تحكيلى عملت ايه.

- معلش نمت على طول أول ما خالصنا كلام.

- طب ايه؟؟

- مفيش.

- ما قولتنهاش؟

- لا.

-ليه؟

- مش عايز أقولها كده وكل واحد فينا في حنة.. عايز لما اتكلم معاها أكون شايف تعبيرات وشها.. عايز احس برد فعلها أيًا كان.. إنما كده، إفرضي قتلها ومردتش.. وأنا عارف حظي، أنا لا جمل النور يقطع ولا أنت يفصل وأنا بكلمها.. ممكن قلبي يقف.

- إخص عليك متقولش كده.. ربنا يخليك لينا.. مطلبتش تقابلها؟

- أه طلبت.

- هاللا.

- مدتنيش رد، وقالت انها مبتخرجش لوحدها إلا كل فين وفين، ولما ألحيت عليها قالت هتفكر.

- وانت شايف إيه؟

- قلقان ومش شايف حاجة.

- وسمعت حنان صوت والدتها تناديه، فانسحبت بسرعة مليية نداء والدتها وهي تظلمن أحمد:

- متقلقش، إن شاء الله خير.. هروح اشوف ماما عايزاني في إيه.

- ذهب حنان لو والدتها في المطبخ تسألها عما تريد.

- عايزاني في حاجة ياماما.

- اقضي هنا خلي بالك ع الفار لحد ما انشر الغسيل.

- ماتخليكي واروح انشر انا.

- لا انا اتحررت واتغنقت من صهد المطيخ.

خرجت والدة حنان وهي تمسح عرقها وتهوي وجهها بيديها كالمروحة: لعلها تجد نسمة رقيقة تنسم بها قبل أن تصل للشرفة.

أكملت حنان طهو الطعام وهي تفكر في أحمد وتنتظر رد إسراء مثلما ينتظره أحمد.

تذكرت فرحة أحمد عندما يحكي عن إسراء.. ابتسمت.

سمعت باب الشقة يُفتح وصوت والدها يلقي التحية عند دخوله.

عبست.. سمعت خطواته تقترب من المطيخ.. أخرجت سماعات الموبايل بسرعة من جيبتها ووضعتها في أذنها متظاهرة بسماعها.

دخل والدها المطيخ.. رآها وظهرها له، وضع الأكياس التي كان يحملها، ونطق بصوت هامس:

- سلامو عليكو.

انسحب من المطيخ بهدوء عندما فهم أنها لم تسمعه.. قابلته زوجته في طريقها للمطيخ:

- إنت جيت يا مصطفى.

ولاحظت شروده وانكساره.. قلقت:

- مالك يا مصطفى.

- مفش.. الفاكهة عندك في المطبخ يا هدى.. أنا داخل أغبر هدومي..

وقفت هدي حائرة ما بين أن تتبعه أو تسأل حنان

دخلت المطبخ وسألت حنان:

- إيه اللي حصل؟

لم ترد حنان؛ فقد كانت شاردة رغم بدء احتراق اللحم الذي تطهوه.

هزتها هدی من کتفها:

- حناان.

ومدت يدها لتفلق البوتاجاز.. خلعت حنان السماعات من أذنيها:

• معلى ياما ما سرحت.. الحمد لله اللحمه متحرقش.

- أبوي مالہ؟

254

- هو حصل حاجة؟؟ خارج من المطبخ مسهم كده.

.. مو كان هنا.. مشفتوش ولا سمعته.. أنا داخلة انام.

- مش هنتغدي.. أخوكي هيتغدي قبل ما ينزل الشغل.. عايزين نتلمع الغدا زي

زَمان.

رَدَّتْ حنان بألم وهي تغادر المطبخ:

- ياريت گنا فضلنا ڙي زمان.

* * *

- 5 -

السعادة ليست في أن تمتلك كل شيء...

بل السعادة في الرضا

بما قسمه الله لنا

وبما حُرِّمنا منه

نداري

«عمر محمد سليم»

شعور عمر بالرضا بحياته هو الذي شجّعه على خوض تجربة اليوم رغم تردده منذ شهور؛ فالיום سيذهب ليتقدم لخطبة نيفين.. أجمل فتاة رأها في حياته. من المؤكد أن الكل سيعجسه الليلة لأنه فاز بتلك الفتاة التي يعلم أنها فتاة أحلام كل من يراها.

ينظر في المرأة وهو جالس على طرف سريريه. يربط رباط العنق وهو جالس مكانه، يُعدل منه أكثر من مرة.. يتساءل: هل أحبته نيفين كما أحياها في المرات القليلة التي تقابلا فيها للتعارف قبل قراءة الفاتحة.. من المؤكد وإلا لم وافقت؟

ولكن كيف ستحبه؟.. رغم أنهم جيران في نفس الشارع منذ سنوات طويلة، إلا أنه لا يتذكر أي مناسبة جمعتهم معًا من قبل.

هو يتذكرها طفلة تلهو مع مثيلاتها في العمر عندما كان طالبًا في الثانوي.. فالسنوات الثماني الفرق بينهما جعلت فرق المراحل العمرية بينهما كبيرًا إلى حدٍ ما.

وقتها لم يكن ينتبه لها؛ فهو كغيره من المراهقين كان يبعث عن الحب في علاقات عابرة لم تتجاوز يومًا لمسة يد الحبيبة، وبدخوله الجامعة بدأ مرحلة من النضوج؛ فلم يتجرف لأي علاقة عاطفية لا عابرة ولا دائمة.. على عكس أومن صديق عمره الذي كان يهيم عشقًا دائمًا ويخفي عن صديق عمره من هي معشوقته التي يهيم بها حُبًا ليلاً ونهارًا.

أيمن.. شعر عمر بفصحة في قلبه عندما تذكر أيمن.

تذكر عمر عندما قرر أيمن عقب إعلان نتيجة تخرجهما أن يصرح له مَنْ هي الحبيبة التي سلبت عقله منذ سنوات، وأن الحب بينهما لا يزيد عن نظرات ومشاعر لم تصل لحد التصريح.

تعجب عمر وقتها من الحب الصامت الذي يعلم مدى قوته من خلال معرفته بأيمن، كانت مفاجأة حقًا عندما أخبره أيمن وهو يتصبب عرقًا ويتعلم في مقدمات طويلة، أن الحبيبة هي علا شقيقته، وأنه يريد أن يأتي في زيارة رسمية مع والديه وشقيقه لطلب يدها.

ظل عمر يضحك لدقائق.. وقتها ظن أيمن أن هذه الضحكات سخيرة من طلبه، فسأله بضيق:

- يضحك على إيه؟ أنا فيا حاجة مش عاجباك؟

توقف عمر عن الضحك وقال له مطمئن:

- لا طبعا.. أنا بضحك إني ازاي ملاحظتش حاجة زي دي قبل كده.

- متلاحظ إيه بس يا عم عمر.. هو فيه حاجة تتلاحظ، أنا كنت بخاف ابص

لها لاحسن انت تحسن واخسرلك.. ومكنتش أقدر اتكلم قبل كده.

- وانت عايز إيه دلوقتي.

- أنقدم لها.

قاطع أفكار عمر صوت باب حجرته وهو يُفتح.

دخلت روان ذات السنوات الست:

- خالو.. خلصت لبس؟

- أيوة.. ماما وتيتة فين؟

- تيتة زعقت لماما، وماما بتعيط وأنا بزعل لما ماما بتعيط.

دخلت والدة عمر

فجأة:

- يالا يا عمر.. هنتأخرع الناس.

ووجه عمر كلامه لروان:

- روجي ياروان بوسي ماما وصالحها لحد ما احي اصالحها.

خرجت روان ووجه عمر كلامه لوالدته:

- ايه اللي حصل.. مالها علا؟

جلست الأم بجوار عمر:

- أنا مش عارفة اعمل معاه ايه.. نزلنا من كام يوم اشترينا طقم لها وطقم

لروان علشان يحضروا بيه النهارده. لقيتها لابسة طقم قديم من عندها.

وقال ايه بتقولي مش هقدر ألبس وانزل كده.

- ليه ماله؟؟ ومش هي اللي اشتريته.

- اسألها.. أنا خلاص أعصابي مبقتش مستحيلة وأنا شايفاكم كده.

بكت أم عمر وهي تتكلم.. رد عمر:

- مالنا بس يا ست الكل.. ما احنا زي الفل اهو.

- كلمها يا عمر ينوبك قيا ثواب.. خلعها تحس بيا شوية.

- حاضر.

تقدّم عمر بجذعه ليقترّب من عكازين بجانب سريره.

استند على عكازه اللذين لا يستطيع أن يمشي بدونهما، وغادر حجرته متجهًا لحجرة علا. طرق الباب طرقتين متتاليتين.. فتح الباب بعدهما، وجد علا جالسة تبكي وبجوارها روان تجلس صامتة.

جلس عمر على أقرب كرسي لعلا ووضع عكازه بجواره:

- مالك يا علا؟

مسحت علا دموعها:

- مشيش يا عمر.. مبروك رينا يتمم لك بخير.

- الله ببارك فيكي.. بس قوليلي زعلانة ومزعلة ماما ليه؟

وردت علا بانفعال:

- مزعلة ماما!! هي اللي مش حاسة بيا.

- في ايه بس؟

- دلوقتي ماما مصممة ألبس طقم جديد، وانا مش قادرة ألبسه وانزل بيه كده.

- ليه ماله؟ مش انتي اللي شارياه.

- اشتريته يا عمر من زن ماما عليا وزعلها وقلية وشها لما قلت مش عايزة همدوم.

- مش فاهم برضه الطقم ده بالذات.. ماله؟

- فاقع.. لوته فاقع وانا مش هلبس الألوان دي.. أنا قلعت الأسود من زن ماما عليا اللي تعبت منه.. بلبس غوامق ماشي إنما ألوان وأفرح وأعيش حياتي زي ما ماما عايزة مش قادرة.. بجد مش قادرة.

- وأجهشت علا بالبكاء.. اقتربت منها روان واحتضنتها.. ضمعتها علا أكثر لصدرها.

ربت عمر على كتفها:

- طيب قومي اغسلي وشك وانزلي باللي يعجبك.

مسحت علا دموعها نظرت لعمر:

- أسفة يا عمر اني نكدت عليك في يوم زي ده.. والله انا فرحانة لك من قلبي بس ماما ضغطت عليا أوي.

قام عمر مستندًا على عكازيه:

- أنا فاهم.. مترعليش انتي بس وبالا اجهزي.

خرج عمر من غرفة علا.. وجد والدته تنتظره في الصالة. سألته بلهفة:

- هاللا.. هتلبس الطقم الجديد؟

- ماتسيبها براحتها ياماما.

- أسبها الحزن ياكل في سنين عمرها كده وهي ساكنة وانا بتفرج.

- أعزبها.. متنسيتش كانت بتحب أيمن أد إيه.

- منسيتش.. بس هتدفن شبابها معاها.. اللي أذها لسه متجوزوش وأنا نفسي
أفرح بيها.

- وروان ياماما.

- روان اهي معايا.. أو تبقي معاها.. بس هي توافق تتجوز.

- ياماما الحاجات دي مينفعش فيها زن.. سيبها براحتها علشان خاطري.. مش
كل شوية نلاقكي جايبة لها عريس اللي أكبر منها بـ 20 سنة واللي متجوز
وعايز يتجوز على مراته.. مش كده يعني.

- واثت فاكرا إن وهي قاعدة في البيت كده حد هيشوفها.

جاءت علا بعدما غسلت وجهها.. ردت:

- ياماما أنا مش هتجوز.. مش هسيب بنتي واتجوز.. مش هنسي أيمن الله
يرحمه.. سيبيني براحتي أيوس إيدك.. لو متضايقه من وجودي أنا وبنتي هروح
عند أهل أيمن بس متضغطيش عليا.

وانفعلت الأم وهي تُشَهِد عمر:

- شايف؟؟ بتقول انضايقت من وجودها.

وارتفع صوت عمر:

- أنا تعبت مش معقول كده.. إيه اللي جرالكم سايبين اليوم كله وجاين
تتكلموا واحنا نازلين.. مش فيه ناس مستلئينا.
قامت الأم: أنا جاهزة.. يالا.

* * *

- 6 -

قيل قديماً إن الضغط يولّد الانفجار..
ولكنه أحياناً يولّد الاستسلام

«نيقين سعيد حلمي»

نيقين الابنة الصغرى المدللة الجميلة. والتي تخرجت العام الماضي من الجامعة. فوجئت بوالدتها منذ أسبوعين مضيا تخبرها بتقدّم عريس. سألها بلهفة وسعادة:

- عريس؟! مين هو؟؟

- عمر.

- عمر مين؟

- عمر ابن ام عمر اللي قابلناها من فترة واحنا راجعين من عند نهي. وقعدت تسأل عليك وعلى اختك.

حاولت نيقين أن تتذكر. وتساءلت لمزيد من التأكد:

- أصحاب العمارة اللي ع الشارع الرئيسي؟

- هما بعينهم.

ردت ألفت على ابنتها وانشغلت بتوضيب أطقم وملابس في شتط "هاند باج" متوسطة الحجم. ألفت التي تعمل دلالة يعرفها أهل الحي والأحياء المجاورة.

سيدة مصرية بسيطة لم تكمل تعليمها بسبب زواجها المبكر. كانت تعيش حياة مستقرة مع زوجها "سعيد" الموظف البسيط بعد أن جاء من الصعيد ليعمل سعيد في القاهرة.

أنجبت نهي، ثم بعدها بثلاث سنوات أنجبت نيفين في ولادة متعسرة. قيل وقتها إنها لن تنجو منها.. ولكنها نجت هي وابنتها. وقد حذرها الطبيب من خطورة الحمل مرة أخرى.

ظهرت بعدها المشاكل مع زوجها.. فكان دائماً ينعته بأُم البنات والأرض البور التي لن تنجب له الولد الذي يعلم به.

وبعد أقل من سنتين، قرر الزواج من أخرى لتنجب له الولد.

في البداية كان يعدل بين البنتين. ولكن مع حمل زوجته الثانية وضيق ذات اليد. أرسل لألفيت ورقة طلاقها في يوم لن تنساه أبداً: حيث كانت تستعد للذهاب إليه لطلب القليل من المال لكي تتمكن من شراء طعام لطفلتها؛ فمزلها كان يحاول من الطعام والمال. الحطمت وقتها دموعها بدموع بناتها الجوعى.

sa7eralkutub.com

جرحها لم ينسها كرامة تريت عليها. فكرت كيف ستصرف لمواجهة حياتها من الآن. وجدت دبله زواجها بيدها. أخذت ابنتها في يدها وذهبت لتبيع دبلتها واشترت بعض لوازم البيت. ولكنها قضت ليالي تفكر فيما ستفعل بعد نفاد مالها القليل.

بحثت عن عمل. ولكن لم يكن متاحاً لها سوى العمل كخادمة.. حاولت. ولكنها لم تستطع العمل والاعتناء ببناتها في نفس الوقت. حتى توصلت لفكرة التجارة البسيطة لأهل الحي.. باعت حجرة نومها لتتخذ من ثمنها بداية لرأس مال بسيط تبدأ به تجارتها.

بدأت عملها من خلال تعاطف الناس معها.. ومع الوقت، اكتسبت حب الناس وتوطدت علاقتها بكل بيوت الحي ومنها للأحياء المجاورة. ومن خلال عملها استطاعت أن تربي بناتها وتعلمهم.. اكتفت نهى بدبلوم التجارة، بينما لم تكتف نيفين بمؤهل متوسط وحصلت على ليسانس أداب.

عندما أخبرت نيفين برغبة عمر ووالدته في التقدم لها.. شعرت أن ابنتها لم تسعد كما كانت تتوقع.. تجاهلت إحساسها وأكملت عملها خلال اليوم، حتى جاءتها نيفين قبل أن تنام. وجلست بجوارها:

«ماما.. أنا مش عايزة عمر ده.

اعتدلت ألفت في جلستها، وبنيرة لم تحمل أي إشارة بموافقة أو عدم موافقة:
ليه؟

«أنا عارفاه.. ده... ربنا يعافينا يعني.

فماطعتها ألفت:

«الراجل ميعيبوش حاجة.. عمر ميتعيبش.

ردت نيفين مستنكرة:

«وانا ليه اتجوز واحد بعاهة.. ناقصني إيه؟

ابتسمت ألفت بمرارة:

«إسمعي يا عين املك.. إنتي ناقصك حاجات كتير أوي يمكن تكوني مش أخدة بالك منها بس لازم تفتكرها كويس.

- لا يا ماما، أنا مش ناقصني حاجة.. بنات كثير أقل مني في الجمال وبيتجوزوا جوازات حلوة.. وأنا متعلمة ومعاي شهادة عالية وشاطرة وبدؤز على شغل، ولما اشتغل أكيد مقابل ناس أحسن من عمر ده.

- وجمالك وشهادتك دول مشفعولكيش ليه عند اللي اتقدمولك قبل كده.

صممت نيفين تبعث عن ردّ مناسب.. أردفت ألفت:

- بصي يا بنتي احنا ناس على أد حالنا أوي، وزى ما شفتي قبل كده اللي كانوا بيتقدمولك منهم اللي كان بيمشي لما يعرف ان ابوكي سايبنا من زمان، ومنهم اللي بيمشي لما يشوف بيتنا البسيط ده، ومنهم اللي بيمشي لما بيعرف شغلتى.. أنا مش عايزاكي تخيي خيبة اختك وتتجوزي جوازة ماشية بالزرق زي جوازتها.. شوقي أهل جوزها عاملينها خدامة ازاى وجاين عليها علشان عارفين ان مالهاش شهر.. عمر إن كانت رجله تعبانة شوية فهو ابن ناس طيبين عارفين حالنا وشارين.. كفاية ان عنده شقة وعربية وبيهم ملك.. وابوه الله يرحمه كان مبسوط وتلافي سايبه كثير.. إتجوزيه علشان ينتعك من الفقر اللي عيشتي فيه طول حياتك.

واستسلمت نيفين لوالدتها.. استسلافاً أكثر منه اقتناعاً وتقابلت مع عمر أكثر من مرة لم تتجاوز الثلاث مرات.

في كل مرة كان يقوم بزيارتهم في منزلهم مع والدته محملاً بالهدايا.

كانت ترى نظرات الإعجاب في عينيه، نظرات تعودت أن تراها في عبون كل من يراها، فكرت كثيرًا في الرفض.. حتى الليلة الماضية.. ليلة قراءة الفاتحة.. ولكنها اقتنعت بكلام والدتها، وأن عمر حقاً فرصة لن تتكرر إذا ضاعت منها.

سمعت نيفين طرقات باب البيت وهي في حجرة المنزل الوحيدة التي تتقاسمها مع والدتها.. بجوارها نهى تضع اللمسات الأخيرة لإتمام زينتها.

الفت: أنا هروح افتح واقعد معاهم. وبعدين اطلعوا هاتوا الصينية اللي في المطبخ وتعالوا قدموا.. تقدمي لحماذك الأول يا نيفين، وبعدين العرس وبعدين أخته وبناتها.. ربنا يتمم بخير يارب.

أمنت ألفت كلامها بسرعة قبل أن تغلق باب الحجرة على بناتها وتذهب لاستقبال الضيوف.

سألت نهى، نيشين:

مالك يا عروسة.. شكلك مش مبسوطة.

تبسط على إيه.. أنتي مش عارفة عمر يعني.

عارفاه.. وان كان على موضوع رجله معلش ياستي بكرة لما يجيبلك كل اللي نفسك فيه مش هتحسي انه ناقصه حاجة.

يا نهى أنا مش عارفة ممكن امشي معاه في الشارع ازاي.

امشي!! وإيه اللي يمشيكي وعنده عربية.

افرضي نفسي امشي مع خطيبي.

اسكتي ياختي.. مشينا لما رجلنا دابت أخذنا إيه يعني.. يالا افردى وشك كده وافومي علشان تطلعي للناس.

أنفاء جلوس الأسرتين معًا. كانت نظرات عمر لنيفين تعبر عن الحب والفرحة.
أما نيفين فكانت تشيح بوجهها عنه طول الوقت.

وبعد كلمات الترحاب الشديد من ألفت. بدأت أم عمر بالكلام:

- قوليلي يا ألفت نقرأ الفاتحة الأول. ولا تقوليلي طلباتك الأول.

ألفت بفرحة: نقرأ الفاتحة.

قرأوا الفاتحة جميعًا.. وأكملت أم عمر:

- طلباتك إيه يا ألفت؟

ألفت: ولا حاجة.

نظرت لها نيفين شذرا.. لم يلحظ أحد تلك النظرة حتى ألفت.

- لا ازاي ولا حاجة.. دي نيفين نجيبها أحسن حاجة.

- بصي يا أم عمر.. نيفين اعتبرها أخت علا.. اللي عملته مع علا إعمله
لنيفين. وأنا كفاية عليا إني ابقي مطمئة عليها مع ناس طيبين زيكم.

عمر: اطمني على نيفين.. هسبيلها في عينيا.

ألفت: مطمئة يا حبيبي، ربنا يسعدكم.

نظر عمر لنيفين، وأخرج من جيبه علبة صغيرة.

عمر: بعد إذنك يا طنط أنا جيت دبله وخاتم بسيط. والشبكة ان شاء الله
تبقى نيفين تختارها براحتها.

أم عمر: أنا بقول نعمل الشيكه وكتب الكتاب والدخلة كله مع بعض.. شقة
عمر في العمارة جاهزة ومش ناقصها إلا حاجات بسيطة.
الفت: إن شاء الله.

والخلقت منها زغرودة عالية.. فيما كانت أم عمر وعلا تباركان لعمر ونيفين.
اي: ربنا يتمم بخير.. مبروك يا نيفين. مبروك يا عمر.

أم عمر: تعالي يا نيفين اقعدني جنب خطيبك يلبسك الديلة.

انقلعت علا من مكانها بجوار عمر لمقعد آخر، وجلست نيفين بجواره.

فتح عمر العلبة، ومدَّ يده ليد نيفين، وضعت نيفين يدها في يد عمر ببرود،
وضعت دبلته في يدها، وقبل أن يضع الخاتم أبعدت يدها، وبصوت خافت بينما
الموجودون يتحدثون سوتًا:

انت ليه جيت الخاتم لوحدهك؟

ليه

مكننش لوحدي.. ماما وعلا كانوا معايا.

هما مامتك وعلا اللي هيلبسوه؟

ارتبك عمر من عدم فهمه لما تقصده نيفين.. وأردف:

مش عاجبك؟

روى نيفين وهي تشيح بوجهها:

الله

مش عاجبي.

طلعت يد عمر ممدودة بالخاتم.. أخرج.. أعاد العلبة لجيبه مرة أخرى.

لاحظ الجميع أن هناك شيئًا ما بين العروسين.

أم عمر: إيه يا ولاد مالكم؟

ألفت بمحاولة للتفطية على ما شعرت به من نفور نيفين:

- معلش تلاقها مكسوفة شوية بس.

عمر مبتسمًا محاولًا التغلب على إحراجة:

- ممكن يا طنط أخذ نيفين ونخرج نتعشى بره؟

ألفت بفرحة: وماله يا بني.. زينا يسعدكم.. قومي يا نيفين مع خطيبك.

عمر لوالدته: هتقوموا ولا قاعدين؟

ألفت: خليكي يا أم عمر متوراني.

أم عمر: معلش هنمشي احنا.. إبقى هاتي نهي وتعالى زورونا.

* * *

- 7 -

أحياناً تكون الحقيقة واضحة، ولكننا نتجاهلها..

لأننا لا نريد أن نفقد سعادتنا..

جلست نيفين في السيارة. وأغلق عمر الباب، ثم اتجه للجانب الآخر ليركب
بحوارها. كانت تنظر له وهو يجلس في السيارة ويضع عكازيه في الخلف.
سألته بحيرة: انت بتسوق ازاي؟

رأ مهتمًا: علشان رجلي يعني.. دي عربية لذوي الاحتياجات الخاصة.

هزت رأسها والتفتت لتنظر من الشباك بينما تحرك عمر بالسيارة. كان
يبتلع النظرات لها وهي تتجاهله تمامًا.

نيفين.

أعم.

مش ملاحظة انك ملبستينيش الدبلة لحد دلوقتي.

عادي.. ممكن تلبسها دلوقتي.

وانتي مش هتلبسها لي.

ردت بضيق: هاتها اليمسالك.

شعر عمر بضيقها، فأردف:

أنا عارف انك متضايقه علشان الخاتم معجيكيش.. قبل ما تروح أي حته
هاروح نغير الخاتم وتختاري اللي يعجبك.

الاسمت نيفين بفرحة.. فرحة انتصار لإرادتها.

أبوة كده.. أخيرًا شفت ضحكك الحلوة.. أنا عايزك تبقي مبسوطه على
الاول ومتضايقيش أبدًا.

- المهم انك متضايقتنش.

- أنا اضايقتك؟؟ انتي متعرفيش انتي بالنسبة لي إيه؟

- إيه؟؟ تصدق عايزة اسألك السؤال ده. أول ما ماما قالت لي انك عايز تتقدم لي.. اشمعني انا؟ وليه؟

- إيه السؤال الغريب ده؟

- غريب ليه؟ فيها إيه لما اعرف خطبتني ليه.

- حبيتك.

ضحكت ساخرة:

- من إمتى؟

فسّر عمر ضحكها أنها فرحة، وردّ فرحاً:

- من ساعة ما ماما قالت لي عليكي وبدأت اخد بالي منك. ولما شفتك الكام مرة اللي جينا لكم فيها حسيت اني اتعلقت بيكي أوي. وفرحت لما عرفت انك وافقتي.. إن شاء الله يانيقين مش هتندمي أبداً. وهعمل كل حاجة تغليكي سعيدة.

ابتسمت نيقين.. ولكن تلك المرة بفرحة وأمل في مستقبل ربما يعمل لها سعادة حومت منها.

ولقد نيقين أمام مجموعة من الخواتم تختار من بينهم، ظلت تنتقي وترتدي
والذي حتى استقرت على أحدهم:

أيه رأيك في ده يا عمر.

علو.

فلاص.. هاخده.

أمطته للبائع يزنه.. وأخرج عمر الخاتم الذي بحوزته، وأعطاه للبائع:

هتبدل ده بده لو سمحت.

أهه البائع الخاتم.. وزن الاثنين.

البائع: كنده فيه فرق 1200 جنيه.

أبدل عمر ونيقين نظرات سريعة.

نظرات عمر رجاء من نيقين أن تنقذه من المأزق قبل أن يطلب.

نظرات نيقين كلها تحدي وكأنها على شفا حرب.

ظل الصمت سيد الموقف، والبائع حائر ماذا يفعل.

البائع: ها يا استاذ.. حضرتك هتاخذ الخاتم ولا تشوف واحد تاني.

سألها عمر بتوسل:

أشوفي واحد تاني.

ولدت بتعدي:

- بس ده اللي عاجبني.

تدخل البائع وهو يرد لهما خاتمهما ويسحب خاتمه على الميزان:

- طيب فكروا مع بعض وأنا تحت أمركم.

تنحى البائع بعيد قليلًا.. وانتقل بزيانن آخرين.

مال عمر في اتجاه نيفين، التي كانت ثابتة ونظراتها مثبتة على عمر.

- تختاري واحد تاني؟

- ده اللي عاجبني.

عمر متلعثمًا:

- بس أنا مش عامل حسابي.. ومش معايا المبلغ ده دلوقتي.

وعلا صوتها قليلًا:

- اااه يعني الحكاية حكاية فلوس.

نظروا عمر حوله محرجًا.. وذكروا:

- نيفين.. الغاس هتسمعنا.

- خلاص يا عمر مش عايزة حاجة.. أنا فهمت انت ليه روحك انت واهال

اشترتوا خاتم على مزاجكم.. استرخصتوا خاتم أي كلام وجبتوه.

- لا طيفًا مش ده اللي حصل.. ولا بصينا لفلوس خالص.

- ماهو واضح.. يالا بدل مش هنشتري الخاتم.

تهبضت نيفين من مكانها.. تهض عمر مستنداً على عكازيه.

نادي للبائع:

- لو سمحت.

اقرب منه البائع

- تحت أمرك.

- هو انا ممكن ادفع جزء من الشرق دلوقتي واحي بكرة اكمل الفلوس واخذ الخاتم.

- أه ممكن.. وهكتب لحضرتك إيصال بكده.

- متشكر.

الفرجت أسارير تيفين.. وابتسمت لعمر.

اعتقد عمر أنها ابتسامة رضا، ولكنها كانت كالابتسامة السابقة.. ابتسامة انتصار لإرادتها.

أغلق عمر باب المنزل خلفه.. وجد المنزل هادئاً.

اتجه لغرفته مباشرة، وبمجرد جلوسه على طرف السرير ليبدأ خلع ملابسه، سمع طرقات خفيفة على الباب.

- اتفضلي ياماما.

دخلت علا:

- ماما نامت هي وروان وانا كنت في أوضتي سمعتك جيت.. أنا كنت واقفة في البلكونة من ساعتين كده لمحت عربيتك قدام بيت نيفين بس مفسرتش مين ركب ولا مين نزل.. انت كنت عندهم.

- لا انا وصلتها وروحت قعدت في المحل شوية.

- وصلتها ساعة ماشفتك؟؟ يعني ملحققوش تتعشوا.

خلع عمر الجاكيت وهو يرد:

- لا ملحقناش.. منعوضها بكرة ان شاء الله.

احضرت علا ملابس البيت لعمر من الشماعة. ووضعتها بجواره على السرير. وجلست أمامه على الأرض تساعد في خلع حذائه.

أبعد قدميه عنها:

- علا.. لا يا علا. أنا بقدر افك الرباط.. شكراً.

نهضت علا وسحبت كرسيًا وجلست في قبالة:

- ولو ان مفياش حاجة ومش أول مرة اساعدك يا عمر بس المهم عندي راحتك.. قولي إيه اللي حصل؟

- محصلش حاجة.

- عمر.. أنا لاحظت ان انت ونيفين كنتوا مش مبسوطين ساعة الدبل.. انتوا اتخافقوا بره علشان كده رجعتها البيت.

- لا متخافناش.. هو حصل موقف معرج بس.

- إيه اللي حصل.

- الخاتم معجهاش فقلت مش مشكلة اغبرمولها.. روحنا نغيره لقيت اللي عجها بفرق 1200 جنيه وانا مكنش معايا غير 500 فأخرجت أوي.

- 1200 جنيه فرق ليه يا عمر.. الخاتم اللي احنا جايبينه مش رخيص.. هي اختارت واحد ثقيل أوي للدرجة دي.

- مش عارف يا علا، أنا مبفهمش في شرا الذهب وحاجة الستات دي، أنا بس بقيت مش عارف اعمل إيه وهو ده اللي عاجبها.

- وبعدين إيه اللي حصل؟

- دفععت للراجل ال 500 جنيه اللي معايا، وقلت له بكرة اكمل الفلوس وناخد الخاتم، وقلت لها بكرة الضهر نروح ناخد الخاتم ونتغدا مع بعض.

- ميسوط يا عمر؟

- رد ميتسفا: الحمدلله.

- نهضت علا، وأعادت الكرسي مكانه، وقالت وهي مغادرة الحجرة:

- الحمدلله يا عمر.. ربنا يسعدك يارب وألف مبروك.. محضر لك العشا لحد ما تغير هدومك.

- رغم الضيق الذي شعرت به علا من تصرف ليفين وقلقها إزاء موقف الأخيرة، إلا أنها لم تستطع أبداً أن تكسر فرحة عمر وتوجهه لما شعرت به.

دخلت أم عمر حجرته، فتحت الشباك واتجهت لعمر توقظه:

- عمر.. عمر.

وينصف بقطة رد عمر:

- الساعة كام.

- 10 ونص.. انت مش رايح المحل.

ردّ وهو يفرك عينيه ويعتدل في جلسته:

- أه.. هقوم اهو.

قالت بعده: فوق كده وقوم كلمني.. أنا مستنياك بره.

خرج عمر من حجرته بعد أن ارتدي ملابس

بأدبته والدته

- منعملش حسابك ع الغدا؟

- أيوة.. متغدا مع نيفين بره.

وبانفعال سأله والدته:

- أختك حكّت لي على اللي حصل أمبارح.. ازاي تهاودها كده.

- أماود مين؟؟ علا؟؟ انتي لسه بتنكلمي في موضوع اللبس ده ياماما.
- لیس ایه وزفت ایه.. أنا بتكلم على نیفین.. رایح تجیب لها خاتم تاني لیه.
- أنت علا من المطیخ على صوت والدتها.. استاءت من انفعال والدتها، وخافت أن يتصور عمر أنها قصدت الوقیعة بینهما.
- ارادات علا تلطیف الجو المتوتر:
- ایه یا ماما بس.. شها ایه لما یجیب لخطیبتہ خاتم.
- أم عمر: أومال هو مكنش جایب.. وبعدين احنا جایبین خاتم غالي یغیره وبعیب اغلی منه لیه؟
- عمر: مفيهاش حاجة ياماما.. محبتش اكسر بخاطرها في أول طلب تطلبه.
- علا: ماما انتي مكبرة الحکایة أوي.
- لحدثت أم عمر بنيرة اهدأ وبدت أنها تفكر وهي تجلس:
- إحنا لسه قدامنا هم ما يتلم.. شیکة وعفش وجهاز وأکید متطلب فرح.. اللي منهقي مش هيكفي كل ده. ولو كفی هنعیش متبن وإيجار العمارة إيجار قديم. وكل اللي حيلتنا راح.
- تبادل عمر وعلا نظرات سريعة.. ردد بعدما عمر وهو يتجه للباب:
- ربنا هیدبرها إن شاء الله.. سلامو علیکو.
- الملق عمر الباب خلفه.. جلست علا بجوار والدتها وقالت:
- شکله زعل.
- بزعل من ایه.. الحق عليا إني بفكره ان قدامنا مصاريف كثير.

- أنا خائفة يكون فهم غلط.

- غلطت ازاي.

- يعني يكون افتكرك انك تقصدي انك زعلانة إن كل قلوبنا راحت على علاجه.

- معقول يا علا يفكر كده.. ده انا كنت ممكن ابيع عفش البيت واشوفه واقف على رجليه تاني.

- يبقى بالهداوة يا ماما ومن غير عصبية.. انتي مشفتيش كان فرحان ازاي امبارح.. ربنا يسعده كمان وكمان.

- آمين يارب ويسعدك يا بنتي ويرزقك بابن الحلال ايلي يعوضك خير.

رَدَّت علا بانفعال وهي تعود للمطبخ مرة أخرى:

- تاني يا ماما!!!! مش معقول كده بقى.

وصل عمر للمحل الذي ورثه عن والده، والذي أعاد تشغيله بعد إغلاقه، وبعد أن غيّر نشاطه ليعمل بيع وشراء وتصليح أجهزة الكمبيوتر واللاب توب،
رأه حمدي.. الشاب الذي يماثله في العمر ويعمل في المحل، فأخذ مقعدًا بسرعة، وقابله على الباب:

- اتعد هنا خمسة بس لحد الأرض ما تنشف.

جلس عمر وهو يسند عكازيه على الحائط، وحمدي يتحرك في المحل بسرعة وخفة لثروتيه. وبعد قليل جاء حمدي بمقعد آخر، وجلس بجواره أمام المحل:

- مبروك يا عريس.. الدبلة منورة.

ابتسم عمر وهو ينظر لدبلته:

- الله يبارك فيك.. عقبالك.

- إن شاء الله.

صمت حمدي قليلاً، ثم قال لعمر:

- عمر.. بقولك إيه، لو انت مش عارف تجيب حد ممكن اشوف انا.

صمت عمر.. في الأسابيع الماضية تحمّل حمدي وحده العمل في المحل بعد ما ترك زميله الآخر العمل.. طلب حمدي أكثر من مرة البحث عن زميل له حتى يساعده في العمل الذي يستمر طوال اليوم ولساعات متأخرة.. أما عمر فقد استراح من راتب عامل آخر.

جلس على مكتبه شاردًا.. يحمد الله في كل صلاة على نعمة السر.. فلا أحد سوى والدته وشقيقته يعلم حقيقة مستواهم المادي: فالظاهر أن حياتهم لم تختلف عن أيام الرخاء في حياة والده.. ولكن مالا يعلمه أحد أن كل ما تركه والده من مالٍ وعقارات لم يعد موجودًا بعدما تم صرفه على علاج عمر بعد الحادث.

الحادث.. هز رأسه لينفض ذكرى أسوأ يوم في حياته على الإطلاق.. الحادث الذي طرحه الفراش عاجزًا عن الحركة لسنوات.. الحادث الذي أودى بحياة أيمن صديق عمره وزوج شقيقته، عندما كانا عاندين من زفاف أحد أصدقائهما.

قاطعه حمدي قائلاً:

- أنا عندي مشوار بالليل على الساعة 7 كده.. هتفضل لوحدي؟

- وهتجع ثاني إمتى؟

- مش عارف.

فكر عمر قليلاً.. ثم قال:

- عندي فكرة يا حمدي عايز اخد رأيك فيها.. بقول لو تغليك انت لوحدي في المحل وأنا معاك طبعاً.. وهزودك 50% من المرتب.

أراد عمر أن يوفر نصف مصاريف راتب عامل آخر.. دون ظلم حمدي.. أما حمدي فقد صمت قليلاً يفكر في العرض.. نصف راتبه زيادة لم يحلم بها.
قال عمر: فكر يا حمدي ورد عليا.

- ماشي.. فيه جهاز عايزك تبص عليه لحد ما اخلص الجهاز اللي كنت شغال فيه امبارح.

- خليها لما ارجع.. أنا عازم خطيبتي على الغدا. هخلص وارجع اقعد عليه لحد ما اخلصه إن شاء الله.

بعد بضع ساعات. كان عمر وتيفين جالسين في أحد المطاعم.

مطعم شهير للمأكولات البحرية.. كما طلبت تيفين. كانت تيفين تنظر حولها في رضا تام عن المكان.. سعيدة لدخولها مكان لم تكن تحلم بدخوله وحدها أو من دخل والدتها البسيط.

كانت تعلم تماماً أن جمالها يؤهلها أن تتراد الأماكن التي تحلم بها.. يؤهلها أن ترتدي ماتورديه أغنى النساء.. كانت تنتظر الرجل الذي يحقق لها أحلامها.

عندما وقعت بعينها على عمر وهي تستدير في المكان، توقفت نظراتها على العكازين المسنودين بيتهما فعوجت شفتها استياءً وهي تبعد نظرها عنهما، فاصطدمت بنظرات عمر لها.

على عكسها تماماً كان تفكير عمر.. غير مصدق أن تلك الجميلة الرقيقة تجلس معه، وستكون زوجته ومعه بقية عمره.

كان يرى نظراتها لما حولها.. استنتج سعادتها من لمعة عينها التي تدور في المكان حتى استقرت عيناها عليه، ولكنه لاحظ استياءً ما، سألها:

«عجبك المكان؟»

«أه.. حلو أوي.»

«فيه حاجة ضايقتك؟»

«لا.. هو محدش جالنا ليه يشوف طلباتنا.. إيه الخدمة دي.»

ارتفع صوتها.. فأخرج عمر:

«بالراحة يا نيفين.. دلوقتي حد يبجي.»

بعد انتهاءهما من الطعام، رأت نيفين إحدى زميلات الجامعة تدخل المطعم برفقة رجل، خطيبها أو زوجها لا تعلم تحديداً، ولكنها ظلت تنظر لهما؛ وخاصة للرجل الذي برفقة زميلتها.. نظرت لوسامته وأناقته وجسده الذي يبدو عليه الصحة، وفارقت بينه وبين عمر الذي أنهكه المرض رغم وسامته الشاحبة.

لم يمس صدرها حزناً على فقرها الذي جعل والدتها ترى في عمر الفارس المنتظر.

تلاقت عيناها بعيني زميلتها، فأشارت لها الأخيرة بالتحية، فردتها نيفين بابتسامة، وهزت رأسها. التفت عمر في الاتجاه الذي تنظر فيه نيفين، ثم سألها:

- تعرفين؟

- كانت زميلتي في الكلية.

- لو عايزة تقومي تسلمي عليها اتفضلي.

- لا مفيش داعي.

مدَّ عمر يديه ليتناول العكاز، فسألته نيفين:

- على فين؟

- مقوم اغسل أيدي.

ردَّت بسرعة:

- لا مش لازم دلوقتي.

سألها بتعجب:ليه؟

اختلفت نظرة سريعة لزميلتها.. لا تريد أن ترى عمر وعاهته.

ردت برجاء وابتسامة مصطنعة:

- خلينا قاعدين مع بعض شوية.

كلماتها وصوتها أثارا الخدر في أوصاله فصمت في حضرة جمالها.. يسمعها فقط وهو يراقب شفرتها تتحدثان إليه.

انقضت ساعة تثرثر فيها نيفين.. ازدحم المطعم فشعر عمر بالحرج.
 - نيفين يالا.. احنا خلصنا أكل من زمان، وفيه ناس غيرنا عايزين يقعدوا.
 اختسلت نيفين النظر لزميلتها مرة أخرى.. فالتقت عيونهما لحظة وتباعدت،
 لم ينتظر منها عمر ردًا.. أشار للجرسون يطلب الحساب.
 لا مفر.. تفض عمر وهو يستند على عكازيه.. ونيفين تتبعه بحسرة.
 نظرت لزميلتها التي نظرت بشفقة لعمر؛ فأثارت شفقتها النار في صدر نيفين
 التي زفرت قائلة:
 - يالا بقي.. الناس بتتفرج علينا.
 سُدَّ لحظات أفاقتهما فيها نيفين على كلماتها الجارحة، فصبححت مستدركة:
 - اوعى تفهمني غلط.. أنا قصدي ان الكلام خدنا وقعدنا لحد ما الناس أخذت
 بالها مننا اننا قاعدين نتكلم ومش بناكل.
 هز عمر رأسه مصدقًا مبررها الماذج حتى لا يفسد فرحته بها.
 خرج معها وهي تسبقه بخطوات حتى السيارة.

* * *

- 8 -

فقدان الأمل فيما تمنيناه لا يعني بالضرورة فقدانه للأبد..

قد يحين أوانه في وقتٍ لم نكن ننتظر حدوثه فيه

لم تتخيل إسراء أنها ستكذب على والدتها يوماً للقاء حبيب.. فالحب في قاموسها مشاعر تظل حبيسة حتى تظهر في إطار رسمي يخلو من الخوف والاختباء في الظلام. ولكن بمجرد أن طلب أحمد لقاءها.. اخترقت كلماته قلبها وسلبت عقلها وسقطت في دوامة تخيلات لقائها به وما قد يدور في هذا اللقاء.

ظلت تفكر في الحجة التي تستطيع أن تخرج بها وحدها من المنزل.. فكل طلبات البيت تأتي بها والدتها أو والدها.. أما طلباتها هي أو شقيقتها فدائماً تذهب معها والدتها لشراؤها.. وعلاقتها بصديقتها ملك ورنا أصبحت مقتصرة على المكالمات بعد زواجهما.

لم تجد بُدّاً سوى اللجوء لصديقتها التي فكرت معها في حل بعد أن قصّت عليهما التطورات الجديدة السريعة التي حدثت.

sa7eralkutub.com

فكرت الثلاث حتى وصلن لفكرة واحدة: هي: أن تأتي رنا في زيارة لإسراء وتحكي عن حاجتها لها لشراء بعض المفروشات الجديدة لوالدتها، وأن والدتها غير قادرة على ترك شقتها لإشرافها على أعمال التجديد والطلاء واضطرارها للتواجد مع العمال طوال اليوم، وفي آخر اليوم تكون منهكة غير قادرة على النزول للشراء.

نُفذت رنا واسراء الخطة.. وافقت والدّة إسراء بدون تردد، رغم تعجبها من عودة الزيارات فجأة بين رنا وإسراء ولكنها لم تتوقف عند ملاحظتها كثيراً.

كاد أحمد أن يصرخ فرحاً عندما أخبرته إسراء أنها تستطيع أن تلتقيه في أقرب وقت يحدده تبعاً لمواعيد عمله. أخبرته وأكدت عليه أنها غير معتادة على الخروج وحدها.. فكانت رسالة استقبلها جيّداً وطمأنها أنها لن تندم.

في الموعد المحدد. ذهب كل منهما للمكان.. يطوي الشوق بالخطوات ويطلق
لهفته تحت قدميه حتى يصل في أسرع وقت.

سبقها أحمد بلحظات مرت كدمر. حتى وجدها تأتي من بعيد. لم يستطع
انتظارها.. فنهض وتقدم نحوها حينما أسرع خطواتها هي الأخرى.

تصافحا.. لم يكن تصافحاً بالأيدي فقط.. بل عناق لقلوبهما أيضاً وكل منهما
يرتوي من عيني الآخر بعد ظمأ السنين.

فرت الكلمات من فيهما.. وانتبها على وقوفهما لحظات دون كلام. قابلتها..
وأشار لها أحمد للطاولة التي كان يجلس عليها فتقدمته.

أجلسها وجلس قبالتها.. وحاول أن يبدأ كلاماً عادياً:

- عاملة إيه؟

- أنا الحمد لله.. انت عامل إيه؟

- عمري ما كنت مبسوط زي النهاردة.

فتصنعت عدم الفهم وسألته بحياء:

- اشمعني؟

- علشان شفتك بعد ما فقدت الأمل إني اشوفك تاني.. كنت بقول زمانها
معاها طفل ولا اتنين.

فأرادت تغيير الحديث بعدما شعرت بسخونة الدم في وجنتها:

- ملك معاها بنتين ورنا معاها ولد.. وبسلموا عليك أوي.

- الله يسلمهم.. سلمي عليهم كثير وقوليلهم شكلنا هنتقابل قريب.
فمُتت كلماته على أنه يريد لقاءهما كما أراد لقاءها.. مجرد زمالة قديمة..
فصمتت.

جاء الجرسون يسألها عن مطلبها.. فسألها أحمد:

- تشربي إيه؟

- اي حاجة.

قالتها وهي تنظر لبعيد.. فطلب أحمد لهما ثم سألها

- مالك؟ فيه حاجة؟

- أبدًا.. مفيش.

- أنا فرحان أوي اني شفتك النهارده يا إسراء.

- شكراً يا أحمد.. بس ياترى فيه حاجة محددة كنت عايزني فيها؟

- هو مش كفاية نشوف بعض؟.. انتي متضايقه انك جيتي؟

- لا أكيد كنت عايزة اشوفك طبعًا.. بس اللي مضايقتني اتي كذبت على ماما
علشان احي اقبالك.. مبعيش اعمل حاجة غلط ومعنى اتي خفت أقولها بيتي
انا بعمل الغلط.

- أنا أسف اتي خليتك تكذبي عليها.. ووعدت هنتقابل ثاني من وراهم.

طعنتها كلماته.. شعرت أنه لعب بمشاعرها. وأنها أيضًا مسئولة عن لعبه بها
حينما استسلمت لمشاعرها هي الأخرى.

نهضت منهية الحديث:

- أحمد معلش هستاذن.. فرصة سعيدة أوي اني شفتك وهيتي اطمئن عليك من على الفيس.

تعجب أحمد ونهض هو الآخر مستجدياً أن يبقيا.

- استنى.. احنا ملحقناش فتكلم.. وبعدين إيه اللي حصل علشان تقلبي فجأة كده.

عادت مرة أخرى.. جلست وجلس هو الآخر، فقالت بضيق:

- عايزني في إيه يا أحمد؟

تردد قليلاً.. حاول انتقاء الكلمات التي أعدها من قبل وأعاد تسميعها مراراً، ولكنه فشل في أن يتذكرها.. فقال:

- أنا نسيت بصراحة الكلام اللي كنت محضّره.. بس هعمل زي ما حنان قالتلي.

- وحنان قالت لك إيه؟

- قالت لي أقولك الكلام اللي عايز أقولهولك خبط لرق كده.

بدأت إسراء تشعر بالصدق والحب في كلماته. ولكنها أرادت أن تتأكد فسألته:

- طيب ما تقول.

- أنا كنت بعبك من واحنا في الكلية.. وقبل ما أقولك لقبك بتقولي على العريس اللي جالك.. اتفاجئت وزعلت واتفرقنا.. بس لما اتقابلنا تاني على الفيس رجعت احبك زي الأول ويمكن أكثر كمان.

قامطعته إسراء:

ليه متكلمتش وقتها.. كنت وفرت عليا وجع القلب.

سلامة قلبك من أي وجع.. اتوجعتي من خطيبك؟

لأ.. اتوجعت منك انت.

أنا؟؟

أه.. انت.. لما قتلتي مبروك حسيت إحساس وحش أوي.. حسيت ان نفسي انكسرت.

يعني كنتي حاسة بيا؟

هزنت إسراء رأسها إيجاباً.. فقال أحمد:

أنا أشف على كل حاجة ضايقتك بسببي.. بس أكيد ربنا عمل كده علشان حكمة احنا مش عارفينها.. يمكن علشان اعرف اني محبيتش حد غيرك.. يمكن علشان اقدر اسافر وارجع وانا واقف على رجلي إلى حد ما.. أصل وقتها لو كنت اتقدمتلك كان هيحصل حاجة من اتنين.. يا هترفض علشان محيلتيش حاجة.. يا مش هقدر اسافر وابعد عنك وافضل برضه محيلتيش حاجة.

قالت إسراء بفرحة وهي تطمئننه وتشجعه:

الحمد لله اننا اتقابلنا تاني.

مش عايز اضيع وقت.. كفاية اللي ضاع.. أنا عايز اتقدملك.

عادت إسراء والفرحة تسيقها: فبمجرد دخولها المنزل شعنت فيه البهجة والسعادة التي جاءت بها. كانت كالفراشة وهي تنتقل بين أرجاء المنزل بخفة وابتسامتها تملأ وجهها وصوتها يكاد يصدر أحياناً عذبة.. تقبل شقيقها وتعانق والدتها.. تلي طلبات شقيقها دون جدال.

لاحظت والدتها أن سعادتها وعينها المتأللة يخفيان شيئاً ما سعدت له الأم ورفرف له قلبها.. رغم خوفها وقلقها على بكرتها.

في المساء، وقبل عودة الأب من عمله.. بينما كانت الأم في غرفتها تطوي الملابس.. نادى على إسراء التي جاءت مسرعة.

- نعم يا ماما.

- بتعملي إيه؟

- ولا حاجة.

- تعالي طيب طبقي معايا الغسيل.

جلست إسراء قبالتها تطوي معها الملابس.. ظلت الأم صامتة تراقب إسراء من تحت عينها.. وجدت إسراء تطوي الملابس وهي شاردة تارة ثم تبتسم ثم تتذكر والدتها التي تجلس أمامها فتجمد ملامح وجهها.

تركت الأم الملابس من يدها.. وسألت إسراء:

- كنتي فين النهارده؟

فوجئت إسراء بالسؤال.. فقالت وهي تنكر التهمة الموجهة لها

- كنت مع رنا.

بمن؟

«بسمت إسرائ قليلاً.. فاستدركت الأم لظمأنتها:

- إحكى يا إسرائ.. محدش هيفرح لك أدي. وفي نفس الوقت محدش
هينصحك ويخاف عليكي زي.. انتي تعرفي حد؟

احمرت إسرائ خجلاً.. وحاولت انتقاء الكلمات حتى لا تؤكد كذبتها هي ورنأ..
فبالت:

- أصل النهارده وانا مع رنا، قابلنا واحد كان زميلنا في الكلية. الكلام جاب
بعضه وكان فاكرتي اتجوزت. أصله اتخرج أيام ما اتخطبت.. وبعدين لما عرف
الي مش مخطوبة قال عايز يتقدملي.

سرخت الأم بفرحة:

- والتبي صحيح؟؟ طيب هو بيشتغل إيه. وأهله كويسين وأخلاقه إيه؟.. انتي
تعرفيه كويس يعني؟

ردت بخجل: أعرفه زمان كزميل يعني.. أخلاقه ممتازة جداً وهو بيشتغل حالياً
محاسب في مصنع، وبإياه موظف مش فاكدة فين له أخت واحدة.. ده كل الي
اعرفه عن أهله.

- وهو قال هيتقدم ولا عايز كلام وبس؟

ابنسمت إسرائ بفرحة ممزوجة بالخجل:

- عايز يتقدم وانا كنت مكسوفة مش عارفة أقولكم ازاي.

مدت الأم ذراعها لتحتضن إسرائ وهي تقول:

- أنا اللي أقولك مبروك يا حبيبتي، وبارب يطلع ابن حلال ويسعدك.

ارتفعت إسرائ في أحضان والدتها وقلتها يدق بشدة من السعادة، وسألت:

- طيب هتقولي لبابا ايه؟

- هتصرف.. وهقولك على معاد بيعي يقابلنا فيه.

- متأكدة إن بابا مش هيعترض؟

سألت الأم بقلق: هو فيه حاجة تقلق وتغليه يعترض؟

ردت إسرائ بسرعة وحسم:

- أبدا والله.. أنا بسأل عادي.

- اطميني.. هو بس بيعي يقابلنا ونشوفه ونسأل عليه وعلى أهله وبعدين نقرر..

مرت الأيام التالية بسرعة ويسر في كل الأمور؛ فلم يعترض والد إسرائ على مقابلة أحمد.. وأتى أحمد ووالداه للتعرف على أهل إسرائ.. وفي أول زيارة تمت قراءة الفاتحة بناءً على طلب أحمد

عاد أحمد ووالداه للمنزل قبل منتصف الليل بقليل.. نظر الأب في صمت للباب المغلق الذي تقبع خلفه حنان ثم دخل غرفته.

اتجهت الأم لغرفة حنان، فاستوقظها أحمد:

- خليني أقولها انا.

صمتت الأم وربتت على كتفه وهي تقبله:

- مبروك يا ابني.. حاول تغلبها تخرج من اللي هي فيه ده شوية.

الله يبارك فيكي يا ماما.. من غير ماتقولي بحاول.

دخلت الأم غرفتها، واتجه أحمد لباب غرفة حنان وطرقه، لم يتلق ردًا؛ ففتح الباب وأطل برأسه ليجدها كما عهدتها دومًا؛ جالسة على سريرها، أمامها اللاب توب، السماعات في أذنها.

ما إن رآته حتى ابتسمت وخلعت السماعات. وسألته:

إيه الأخبار.. احكي لي؟

ابتسم فرحًا وهو يجيبها

الحمد لله.. قرينا الفاتحة.

أبعدت حنان اللاب توب عنها وانثنت تقبل أحمد بوجنتيه:

ألف مبروك يا حبيبي، ربنا يسعدك.

ردًا بألم: سعادتي كانت تكمل بوجودك معانا.

لم ترد.. واكتفت بابتسامة حزينة.. أردف أحمد:

- الناس سألوا عليكي قلنا انك تعبانة من امبارح وبتاخدي علاج بينيمك..

الكلام ده ميدخلش على حد يس هنقول إيه؟؟ وافرضي صدقونا المرة دي..

بعد كده هنقول إيه؟ بعدك ده هيثير تساؤلات كتير.

- معلش.. سيبيني براحتي.

- لا يا حنان مينفعش اسيبك.. أنا حاسس بالذنب.

- ذنب!! مش انت اللي المفروض تحس بالذنب. هو مش حاسس وهو فعلاً ذنبه كبير أوي.

- بابا برضه يا حنان.. قلبك اسود للدرجة دي.

- مش قلبي اللي اسود.. أيامي وسنيتي اللي جاية هي اللي بقت كلها سواد.

- شفتي بقي انا ليه حاسس بالذنب.

- ليه؟

- مش قادر افرح ولا اشوف الدنيا حلوة وانتي شايقاها كده.

كم مؤلم ما يطلبه منها.. حاولت من قبل أن تخرج للعالم، ولكنها تغطي الناموس.. تغطي مواجهتهم حتى لا تسمع ما يثير شجونها.. لا تريد رؤية الناس.. يجب أن تبقى كما قررت.. سجيناً في بيتها.. لا بل في غرفتها.. من شاشة حاسوبها تطل على العالم وتظهر ما تريد وتخفي ما تريد.. هي المتحكمة في ما تظهر وما تبطن.. آمنة هي في غرفتها.. ولكن أحمد.. وفرحته التي يترتها بقياتها عن تلك المناسبة رغم محاولاته في أخذها معه.

لمعت في رأسها فكرة.. اقتنعت أنها الحل الأمثل الذي يرضيها معاً.

- هات رقم إسراء.

- ليه؟

- هكلمها ابارك لها.

- طيب إيه رأيك تخرجي معنا بكرة؟

- أجايت بحسب: أنا هكلمها وانت اخرج معاها.. ريتنا يسعدكم.

أرر أحمد طلبه من حنان.. بتوسل ورجاء:
 علشان خاطري.. اخرجي معانا وغيري جو.
 علشان خاطري أنا متضيقش عليا وسيبني براحتي.
 فشل أحمد كمرات كثيرة سابقة.. كان على أمل أن توافق كالمرات القليلة التي
 استطاع فيها أن يخرج بها من عزلها.
 بهش متكمشاً رأسه.. بفروحه المبتورة.. أعطاها رقم إسراء واستأذن متجهاً
 لغرفته.

اطالت إسراء النظر للنيل وهما جالسان على الكورنيش.. هممن أحمد في
 الدنيا:

أبيه اللي أخذك مني؟

النفقت له وأجابت:

انت..

قال مازحاً: تلاقيكي بتقولي إيه الراجل البخيل ده اللي مقعدني على
 الكورنيش.

رأت بجدية: مش أنا اللي طلبت.. يبقى ازاي هفكر كده.

سألها بحيرة: ليه صممتي نقعد هنا.. كنا روحنا أي مكان حلو نقعد فيه.

أجابت وهي تنظر لصفحة النيل:

- أنا عايزة أعيش معاك كل الحاجات اللي كان نفسي فيها.. كنت كل ما اشوف اتنين حبيبة على الكورنيش أقول نفسي أقعد كده زيم مع اللي بحبه.. أنا وهو وقدامنا النيل ونتكلم لحد ما الوقت يسرقنا وابص في الساعة ألاقيني اتأخرت أقوم أجري زي سنديلا.

قاطعها أحمد باسمًا: وأنا مكنش في الأحلام دي.

ضحكت وهي تفسر أحلامها:

- الأحلام دي من ثانوي. قبل ما اعرقك.. حلم اتأخر تحقيقه وكنت فقدت الأمل إني احب واتحب.. يمكن تفكير عيالي شوية بس انا مبسوطه أوي أكثر ما كنا نقعد في مكان مقفول وحوالينا ناس كتير وكله يراقب بعضه وصوت التليفزيون أو الموسيقى عالي وعامل دوشة.. مفيش أحلى من الهدوء ده.

ضغط على يدها التي بين يديه وهو بعدها:

- احلمي بس وقولي علي أحلامك واعدك اني هتفذللك كل اللي بتحلمي بيه.

قالت بترودد: أنا عايزة اسألك سؤال بس تجاوبني بصراحة.

ردًا مؤكدًا: أكيد.. أسألي.

- أختك واقضاني ليه؟

ردد متسائلًا: حنان!! رفضاكي؟؟ طيب ازاي.. فيه حاجة حصلت لما كلمتك في التليفون؟

- مقالتش بوضوح.

- مش فاهم؟

- يعني كلمتي وقالتي مبروك وكلمتين كده وخلاص.

- طيب ما الكلام عادي اهو.

- خلاص يا احمد... إنت بتدافع عن اختك وخلاص.

- مدافع عنها ليه وهي مش غلطانة في حاجة.

- بص.. أنا عارفة انها ممكن تكون غيرانة عليك.. أو متضايقه علشان متخطبتش مثلاً.. بس مش لدرجة انها متحضرش قرابة الفاتحة.

شعر أحمد بالضيق من أجل حنان.. مظلومة هي دوماً.

قال حاسماً: متكلميش عنها كده تاني.. انتي متعرفيش حاجة.

- معرفش إيه؟

تردد.. هل يخبرها حتى تلتمس لها الأعذار فيما بعد وتحترم عزلتها.. هل يصمت ويكتفي فقط بالدفاع عنها وتظل مظلومة كما ظلّمت من قبل.

أردفت إسراء:

- أحمد.. فيه حاجة مخيبها عليا؟

تحدث بالأم: حنان مرت بظروف صعبة خلّتها قافلة على نفسها دايمًا.. يعني متوقعيش انك هتلاقها عايشة حياتها زي أي واحدة في سنّها.. هي تقربنا عايشة في أوضاعها وبس.

تعبّعت إسراء من كلام أحمد.. صمّنت قليلاً وتذكّرت:

- أه صحيح.. انت قلت لي قبل كده انك رجعت من السفر عشانها.. ليه؟؟ هي مريضة ولا حاجة؟

نألات الدموع في عيون أحمد.. لاحظتها إسراء فشعرت بالذنب.

توفعت أن حنان مريضة بمرض ما ميتوس من علاجه وهو سبب عزلتها وسبب حزن أحمد.

قالت بصوت يملؤه الحزن:

- أنا أسفة مكنتش أعرف انها تعبانة للدرجة دي.

مسح دمعته التي قرت من عينيه رغمًا عنه.. وصحح:

- هي الحمد لله صحيحًا كويسة إلى حَيٍّ ما.

- صحيحًا كويسة!! أومال مالها يا احمد.. لازم تفهمني على الأقل عشان لما اتعامل معاها مضايقهاش وانا مش قصدي.

قرر أحمد أن يتكلم.. ليزيح الهم الجائم على صدره ولا يستطيع إزاحته.. ربما خففت عنه إسراء ولو قليلًا.. فبدأ يحكي:

- حنان كانت شخصية مرحة واجتماعية جدًا.. في آخر سنة في الكلية اتقدم لها ابن صاحب بابا.. إحنا مكناش نعرفه لأنه كان بيشتغل بره بس باباه وبابا اصحاب أوي.. فطبعًا بابا رَحَّب جدًا وماما كمان رَحَّبت. بس كان المهم عندها ان حنان بنتها الوحيدة متسافرش وبالفعل هو كان أخذ قرار إنه مش مسافر ثاني وجاي يستقر هنا.. آخر حد فكروا في رأيه كان حنان.. في البداية رفضت لأنها مش عايزة تتجوز كده بس بابا قالها إن متفكرش انها هتتجوز بطريقة

الاية غير كده ومعندوش حاجة اسمها إنها تحب وان لو ده حصل ميرفضه
 بهما كان كويس.. ماما اقنعتها انه مناسب ولقطة ومش هتلاقي زيه.. وافقت
 وهي فلقانة من غير سبب.. اتخطبوا شهرين خلصت فيهم حنان الامتحانات
 وهو كان جهز الشقة واتجوزوا.. من أول اسبوع في الجواز واكتشفت انه مش
 طبيعي.. مدمن ولما بيشر ببييقاش في وعيه يضرها.. يعذبها.. يهدلها.. وهو
 خارج من البيت يحبسها.. ويهددها لو اتكلمت هي موتها.

سألت إسراء باستنكار:

ايه ده؟؟ وهي ازاي سكنت.. وصدقت تهدده؟؟!!

مكلش تهديد وبمن.. لما اتكلمت مع ماما وحكت انه بيضرها وبابا اتكلم معاه.
 عمل مشقة في صالة الشقة وقالها انه هيقتلها ويقولهم انها انتحرت..
 فافتت. وبعد ما تحايلت عليه بسببها وانها مش هتتكلم ثاني سايبها وهو بيزيد في
 تهدده ليا لو اتكلمت ثاني.

وسكنت؟

أبوة.. بعدها بكام شهر عرفت انها حامل.. استغلت القروصة وقالت لماما
 اهددها عندها علشان تعبانة.. هي في الحقيقة كانت عايزة تهرب من العيشة
 معاه.. ماما عرضت عليه رفض وحنان قالت لبايا يقوله فكان رد بابا ان اللي
 جوزها يقول عليه هو اللي يمشي.. فانت شهور الحمل وهو قتل الضرب أو
 يعني أصبح كان ضرب من غير عتف شديد فكانت بتستحمل وتسكت.
 وعاشت لحد مرة جه مش في وعيه وهجم عليها يضرها زي الأول عرفت تهرب
 من تحت ايده وراحت على بيت بابا.. حكمت لبايا وقالت له إنها مش عايزة
 يرجع ثاني وعايزة تتطلق.. بس للأسف بابا غلظها ورَجَّعها البيت ثاني يوم.

قالت إسراء وهي غير مصدقة:

- يعني كل اللي حصل ده وباباك رجّعها برضه؟؟ حاجة غريبة جدًا.

- بابا متربي على إن الطلاق عيب.. بالإضافة ان جوزها كان بيكذب وبابا بيصدق.. وكان بيقول ان هي اللي بتستفز وتشتمه وتغليه يمد إيدته عليها.

- والإدمان؟

- شوية ينكر.. وشوية يقول مبطل.

- وبعدين؟

- لما رجعت بيتها هو اتأكد انه مهمما يعمل فيها هترجع له.. قالها كده إنها متفضل في بيته لحد ما تموت.. وضربها تاني ضرب مبرح وخرج بعد ما قفل عليها بالمفتاح.. جالها نزيف وأغمى عليها.. ولما رجع بعد ما خلص سهرته لقاها في الأرض ودمها سايح ومفیش نبض.. افتكروها ماتت اتصل ببابا وقاله مش عارف مالها واتا كنت برده.. اتصلوا بالإسعاف ولما اتنقلت المستشفى قنبروا ينقذوا حياتها على آخر لحظة بعد ما كان بينها وبين الموت لحظات.

- وطبعًا الجنين نزل.

- مش الجنين وبس.. الدكتور اضطر يستنصل الرحم علشان يقدر ينقذ حياتها.. وانتهى حلمها إنها تكون ام ثانيا.

- والمجرم جوزها ده عملتوا معاه إيه؟

- المستشفى بلّغت عن اللي حصل.. وهي تمسكت بأقوالها عن اللي حصل رغم ان بابا قالها تنازل هي قالت هتنازل لو طلقها وصممت على كده واتطلقت.

هي ظروف صعبة فعلاً.. بس مش مستاهلة انها تحبس نفسها بالطريقة دي.

هي نفسها اتأثرت من اللي حصل.. كان كتير عليها أوي وخصوصاً موضوع استئصال الرحم ده وفقدانها لابنها اللي كانت مستنياه.. وباريت بابا قدر ده الله وسأبها في حالها.

ايه اللي حصل ثاني؟

بعد ما خلصت العدة على طول قالها انه جايبها عريس.. أرمل في الأربعينات وعنده ولاد.. هي بلا نقاش رفضت.

معاهها حق.. كبير عليها أوي وكمان ملحقتش تفوق من صدمتها.

لما رفضت.. بابا سمعها كلام مقدرتش تستحمله وجالها انهيار عصبي منه.

كلام ايه؟

التي جيتي لنا العار والفضيحة بطلاقك.. انتي تحمدي ربنا ان حد رضا بيكي.. أنا ماشي ادلل عليكي لحد ما لقيت حد مناسب.. انتي مش بس اتطلقتي لا ده اني كمان عمرك ما متخلفي.. كلام صعب كده وهي ردت وقالته إن هو السبب وانها بنكرهه ويتكره حياتها بسببه وكلام كتير انهارت في آخره ودخلت المستشفى تتعالج من الانهيار العصبي.. وقتها مكنتش قدامي إلا اني ارجع وابس جنهما.. والحمدلله لما رجعت ولفتني معاهها ربنا قواها وخفّت.. مكنتش مايزة ترجع البيت علشان بابا بس انا أكدت لها انه مش هيفصّب عليها ثاني في جواز.. هي رفضت بقى فكرة الجواز ثاني عمومًا.. وقررت تنعزل عن كل الناس ولما طعت بابا واتفقنا كلنا إن محدش يجيب سيرة اللي فات ولا حد يكلمها في جواز.

صممت إسرائ.. تحولت مشاعرها تمامًا تجاه حنان.. فبعد أن كانت مستاءة
 منها وتشعر أنها لا ترغب في وجودها، أشفقت عليها وتألمت كثيرًا لها، وقررت
 بصمت أن تحاول مساعدتها؛ فهي إن لم تكن تعرفها من قبل فيكفيها أنها
 شقيقة أحمد.. حبيبها.

* * *

- 9 -

يُضَعِفْنَا الْحُبُّ.. أَمْ تُضَعِفُنَا الْحَاجَةُ لِلْعَب؟

مضيت شهور قليلة على خطبة نيفين وعمر.. يتحدثان يوميًا في الهاتف..
 يتشابلان كثيرًا، يشعر عمر أن العلاقة بينه وبين نيفين قوية كثيرًا في وقت
 أقل مما توقع.. دائمًا ما تخبره أنها تشعر بأنها مسئولة منه فترداد سعادته..
 تطلب منه كل ما تريد.. كل ما تشتهيها نفسها من مأكّل أو ملابس تطلبه من
 عمر ويأتي طلبها على الفور.

العلاقة بينهما يتخللها أحيانًا نوبات غضب وعصبية غير مبرّرة من جانب
 نيفين، ولكن في كل مرة يستطيع عمر احتواءها.

يومان مضيا وهي لا ترد على مكالماته.. يتصل بوالدتها ليطمئن عليها فتجيبه
 والدتها أنها نائمة.. يومان نائمة؟؟!!

يحاول أن يتذكر هل أغضبتها؟؟ في آخر مكالمة بينهما لم يحدث ما يؤدي إلى
 تجاهلها له بهذا الشكل.

قرر أن يذهب إليها قبل عودته للمنزل ليلاً.

قبل منتصف الليل بقليل، طرق باب بيت ألفت، جاءه صوت ألفت خائفاً:

- ميبين؟

ردّ محرجاً: أنا عمر.

فتحت الباب وهي تضع طرحتها على رأسها:

- أهلاً يا عمر.. اتفضل.

دخل وهو يعتذر:

- أنا أسف اني جيت متأخر فجأة.. بس نيفين مبردش عليا وتليفونك غير متاح فقلقت عليكم.

- كتر خيرك يا ابني.. اتفضل لحد ما انا ديلك نيفين.

جلس عمر.. بعد أن لاحظ أن ضوء غرفة النوم أطفئ فجأة بعد وصوله.

دخلت ألفت لنيفين التي أشارت لها بالسكوت.

همست ألفت: قومي.. عمر بره.

- قوليله نايمة.

- قومي يا بت بلاش تناكة ع الفاضي.

- والتي سيبيني في حالي واطلعي قوليله نايمة.

- يخربيتك هتكسفيني.. وربنا المعبود لو ما خرجتي له لاهقوله يجيلك هنا.

- هنا يا ماما؟

- أه.. قومي يا بت.

نهضت نيفين وهي تتمتم كلمات غاضبة من والدتها.. مشطت شعرها سريعاً، وخرجت لعمر

جلست دون أن تحدنه.. فبادرها بالسؤال:

- ازيك يا نيفين.. إيه مبردش على تليفوناتي ليه؟

- كده.

- كده يعني إيه؟

فرصتها ألقت في كتفها وهي تردد:

«معملك شاي يا عمر.

«خلت المطبخ.. فقالت تيفين:

«عايز الصراحة ولا أكذب عليك.

قال عمر بدهشة:

«قولي الصراحة.. فيه ايه؟

«متضايقة منك وزعلانة ومش طايفة اكلمك.

«فوجئ عمر بكلماتها.. فسألها باهتمام:

«ليه؟؟ أنا عميلتك ايه؟

«يعني مش عارف؟

«والله ما اعرف.

«شوف بقالي اسبوع بقولك ايه وانت مطلقش.

«فكر قليلاً.. ثم تذكر.. فقال بانكسار:

«مش مطلقش.. استني بس عليا شوية.

«قالت بعصبية:

«استني ايه؟؟ قلتك الكمبيوتر بتاعي قديم وعايضة لاب توب وانت ولا انت

هنا.. ما المحل عندك مليون مستخسر فيها واحد.

- يا نيفين مش كل المعروض ده بتاعي ودافع فلوسه.. فاستني شوية اضبط
أموري المادية واجيهولك.

- مكننش فاكراك بخيل كده.

- بخيل؟؟

- أيوة.. اللي يستخسر حاجة في خطيبته المسئولة منه بيبقي إيه؟ بُص يا عمر..
أنا مقدرش اعيش مع حد بخيل كده.

دخلت غرفة النوم وتركته.. ألفت سمعت كل حديثهما وفضّلت ألا تتدخل..
ولكن عندما دخلت نيفين وتركت عمر وحيداً.. خرجت ألفت بالشاي لعمر.
- اتفضل يا عمر.

وضعت الشاي أمامه، وأكملت:

- مترعلش يا حبيبي.. أنا هدخل لها واخليها تعتذرلك.

صدم عمر من كلمات نيفين.. تهمه بالبخل وهو لا يبخل عليها قط مهما كانت
طلباتها: ففي تلك الفترة البسيطة صرف آلاف الجنيهات في الهدايا
والخروجات لمجرد أن يسعدوها.. لم ينتظر شكراً، ولكنه أيضاً لم يتوقع اتهامه
البخل وعدم تقدير ما يقدمه لها.

انتابه شعور بالضيق وعدم تصديق ما سمعه.. أراد أن يغادر البيت فوراً،
ولكنه انتظر لعلها تخرج تعتذر له.

يحيا لذلك يغفر لها ثقلباتها.. يريد إسعادها كما أسعدته بموافقتها على
الزواج منه.

في غرفة نيفين.. جلست ألقت بجوارها وجذبتها من ذراعها وأجلستها.. قالت
وهي تخفض صوتها قدر استطاعتها:

- إيه الكلام السم اللي قلتيه ده؟

لم ترد.. فقط رفعت شفيتها امتعاضًا.. فأكملت ألقت

- بطلي طريقتك دي متطفشيش الراجل.

- سيبيني بس اتعامل معاه بالطريقة اللي تريحتي.

- يا بت قومي متكسفنيش.

رفعت نيفين صوتها عمدًا.. قائلة:

- ماشي يا ماما.. هطلع علشان تبطلني تزني عليا.

خرجت نيفين من الغرفة بعصبية.. جلست أمام عمر دون أن تتكلم أو تنظر
له.. جاءت خلفها ألقت وهي تنظر لكوب الشاي الذي لم يتحرك من مكانه:

- الشاي برد.. هعملك غيره.

- لا يا طنط شكراً.. أنا متكلم مع نيفين كلمتين وامشي على طول.

- البيت بيتك.

دخلت ألقت غرفة النوم.. لعل نيفين تصلح ما أفسدته بكلماتها

ظلت نيفين على حالها لدقائق.. لا تنتظر لعمر ولا تحدثه. فبادرها عمر قائلاً:

- مطلعتيش تقعدني معايا غير علشان طنط؟

- أيوة؟

- وهتفضلني كده؟

- آه.. لقد ما احسن انك متحمل للمسئولية بجد.. مش أقولك الكمبيوتر قديم وكل شوية بيعطل وأنا زهقانة وساييني ولا سائل فيا، وكمان مستعسر فيا لآب توب من المحل عندك.

قالت كلماتها وأشاحت بوجهها وهي تزفر بضيق.. صمت عمر يفكر قليلاً.. ثم أخرج هاتفه واتصل منه

تعجبت نيفين من تصرفه.. ولكنها انتظرت كما هي.. حتى سمعته.

- ألو.. انت لسه في المحل ولا رَوحت؟.. وانت مروّح جبيلي لآب توب من عندك ع البيت.. قدامك أد إيه؟.. طيب هسناك.. مع السلامة.

نظرت له نيفين متسائلة:

- كنت بتكلم مين؟

- مسمعتيش يعني؟

- عايزة أناكد.

- كنت بكم حمدي يجيب اللاب اللي انتي عايزاه.

- انت بتقوله يجيك على البيت.

- بجهولي واسهرلك عليه اظبطهولك.. واحبيه الصبح قبل ما اروح المحل..
مبسوطة؟

ابتسمت واقتربت منه جلست بجواره وربتت على يده:

- طبعاً.. كده مبسوطه.. ماتتصل بيه تقوله يجيبه على هنا الأول اتفرج عليه.

وأكملت بدلال وهي تلتصق به:

- علشان خاطري.

طوال فترة خطبة عمر ونيفين ووالدته تسأله عن يده الاستعداد للزواج وبدء ترتيباته.. يراوغها في إجابته تارة.. وتارة أخرى يخبرها أنه سيبدأ في التجهيز قريباً.

جاءت علا من المطبخ وجلست أمام والدتها.. وقالت
sa7eralkutub.com

- الأكل جاهز.. هنتغدا احنا ولا عمر جاي؟

- كلميه.. أسأليه.

اتصلت علا بعمر.. كلمات قليلة قالتها ثم أغلقت الخط.

سألها والدتها. قالك إيه؟

- بيقول هيتغدا بره مع نيفين.

مصمصت الأم شفيتها وهي تقول بعدم رضا:

- من ساعة ما خطبها معملش أي حاجة جديدة في الشقة ولا جاب حاجة من اللي عليه.. كل يوم خروج وفسح وهدايا أد كده ومفيش ملهم بيتعطف في الشقة.. الأيام بتجري وهو مش حاسس انه بيكبر.

- معلش يا ماما.. سيبه يتفصح ويخرج ويعيش شوية.. ده يا حبيبي اتحرم من حاجات كتير السنين اللي كان فيها في السرير.

- ما يتجوز ويعدين يعيش حياته زي ماهو عايز.. هو الفرح بس هيدخل بيتنا إمتى؟

تحاول علا نسيان حزنها.. تحاول أن تأقلم حياتها على ذكرياتها.. حديث والدتها قلب عليها المواجه التي تحاول نسيانها.. منذ وفاة أيمن والفرح لم يدخل قلبها.. فهل يدق الفرح بابهم بزواج عمر.. أم أنه تركهم بلا عودة.

حاولت الأم ألا تتحدث مع عمر عن زواجه وتتركه يقرر ما يريد.. ولكنها لم تستطع الصمت طويلاً.. فدخلت لعمر غرفته قبل نزوله للمحل.. جلست أمامه وسألته:

- إيه يا عمر.. عملت جمعية زي ما قلت؟

- لا يا ماما لسه.

- ليه؟ طيب هتجوز منين؟

- ماما.. أنا اتفقت مع تيفين هناجل الجواز شوية.

سألت الأم بقلق:

- ليه يا ابني.. انتوا مش مبسوطين مع بعض؟

- الحمد لله مبسوطين.. بس يعني مالوش لازمة الاستعجال.

«ولستعجلش ليه؟»

«بعتي.. أحلى أيام بتكون أيام الخطوبة قبل المسئولية والخلفة.. واهو كمان اجيب حاجتي على مهلي.»

«هل أن ترد.. قاطعتهما علا:

«عمر انت نازل توصلني معاك ولأ انزل أنا.»

«سألها عمر: رايحة فين؟»

«ردت والدتها: رايحة تزور حماتها.»

«عمر: طيب استنيبي هوصلك.. 5 دقائق اكمل لبسي.»

«دخلت روان تقول لعلا:

«ماما عايضة اشترى حاجة حلوة.»

«علا: طيب لما ننزل.»

«روان: اسبقك أنا.»

«علا لعمر: هنزل مع روان اجيبلها حاجة حلوة واستناك في العربية.. هات المفتاح.»

«ناولها عمر المفتاح.. خرجت علا وروان تركض أمامها.»

«انحنى عمر يرتدي حذاءه.. عندما سمعا صرخة مدوية بصوت علا الملتاع.»

«ركضت والدته وهي تصرخ أيضاً قبل أن تعرف ما حدث. وتبعها عمر مستنداً على عكازيه

وجدا باب الشقة مفتوحاً.. وعلا مازالت تصرخ وتبكي.

خرجوا.. ليعجدا علا منكفئة على روان التي ترقد بلا حراك أسفل درجات السلم.

منذ أن علمت إسراء بحقيقة ما مرت به حنان وهي أخذت على عاتقها أن تساعد.. دون أن تخبرها بأنها تعلم كما طلب منها أحمد.

لم يمر يوم دون أن تتصل بها إسراء لتطمئن عليها وتسالها عن أحوالها.. إن وجدت نائمة كررت الاتصال في وقت لاحق.. لا تطيل مكالماتها حتى لا تشعر حنان بالملل والضيق منها.. فقط تتبادل كلمات بسيطة عادية في أمور عامة.. كما تفعل مع حماتها حتى تبدو مكالماتها لهم طبيعية في إطار الود.

تبادل مع حنان الصور والأخبار والتعليقات عبر فيس بوك.. ويكملان حديثهما في الشات عبر العالم الافتراضي الذي تجد فيه حنان نفسها أكثر من عالمها الواقعي.

حنان.. أحبت إسراء قبل أن تراها.. أحبتها من حب أحمد لها.. وبعد خطبتهما، وبعدما بدأت تقترب منها إسراء.. أحبتها أكثر.

كانت خائفة من حبها لها.. رغم احتياجها لوجود صديقة مقربة.

كانت خائفة أن تخرجها إسراء للعالم الحقيقي الذي أمقته ولا تريد أن تعود له مرة أخرى.. ففي غرفتها الأمان فقط وأي مكان سواها لا أمان فيه.

رغم خوفها، وجدت في إسراء الصديقة التي تحتاج فقررت أن تستثني إسراء من عزلتها كما تستثني أحمد.

في خلال شهور قليلة، توصلت العلاقة بين حنان وإسراء، حكمت حنان لإسراء
عن تجربتها وتفاجأت إسراء كمن تسمع لأول مرة.. سعدت كثيرًا أن حنان
حكمت لها واعتبرت أن اكتساب ثقتها بداية لمساعدتها والخروج بها للحياة مرة
أخرى.

فشلت إسرائ في إقناع حنان بالخروج سويًا مرة كل أسبوع أو أسبوعين. ولكنها نجحت في الخروج بها مرات قليلة خلال الأشهر الماضية.

انعكست العلاقة بين إسراء وحنان على أسرة الأخيرة: فزادت قيمتها لديهم وازداد حبها في قلوبهم.. حتى والد حنان الذي كان يشعر بالذنب طيلة الفترة الماضية.. شعر أن الله أرسل لهما إسراء لتساعد حنان.. لعلها تعود للحياة مرة أخرى.

ذات ليلة. وحنان جالسة كعادتها أمام حاسوبها. ظهرت لها رسالة من إسماء:

حنان!!!!!!

ودت حنان بسرعة: كنتي فين يا بنتي.. مظهرتيش خالص النهارده.

كنت مع ماما عند خالتو.. بصي بقي انا عابزاكي في حاجة مهمة.

خالتو جابت لي صفحة من جرنال شافتها بالصدفة.. إعلان لمدرسة هتفتح جديد وطالبة مؤهلات كثير جدًا لموسم الدراسة الجاي.

- وعدین؟

- عايزة اشتغل.

- طيب كويس.. مبروك مقدما.

- أنا عايزاكي معايا.

- سألتها حنان بتعجب:

- معاكي فين؟

- نقدم انا وانتي في المدرسة دي.

- قديمي يا إسراء وربنا يوفقك.. أنا لأ.

- لأ ليه؟

- لأسباب كتير أوي.

- قوليلي سبب مقنع واحد.

- محدش بيقتنع بأسبابي.. كفاية انا مقتنعة ومرتاحة كده.

- بدمتك أنتي مرتاحة.

- على الأقل متطمنة.

- والشغل هيعوقك في إيه؟

- الناس وحشة يا إسراء.. وحشين أوي أكثر مما تتخيلي.

- ليه؟؟ أنا من الناس.. أحمد من الناس.. أنتي كمان من الناس.. كلنا وحشين؟

صممت حنان لأنها لم تجد إجابة تجيب بها على إسراء.. حقًا إسراء وأهلها لم تَر منهم ما يؤكد خوفها من الناس.. ربما لأنهم لم يعلموا بما مرت به.. من المؤكد لو علموا لقالوا عنها كما قال والدها من قبل: "اللي اتطلقت دي تبقي

هي اللي معرفتش تحافظ على جوزها وبيتها.. الست هي اللي تقدر تخلي جوزها كويس معاهما أو يزهد منها ويطلقها.. انتي بعارك ده متخليني امشي من البيت اللي بقالنا فيه أكثر من 25 سنة علشان مش هستحمل اللي الناس متقولوا علينا".

- حنا:|||||||ان.

التيهت حنان أنها شردت ولم ترد على إسماء.. فأجابت:

- إسماء.. متقليش عليا المواجه.. إفرضي سمعت كلامك ونزلت والناس بقوا يتكلموا عليا.. انني متعرفيش الناس بيقولوا إيه على المطلقة.. إذا كان بابا نفسه كان بيقول كلام محدش يتخيله يبقى الناس هيقولوا إيه؟

- يا حنان والله انتي فاهمة غلط.. مش كل الناس زي باباكي ولا تفكيرهم كده.. تقربنا محدش بيفكر بالطريقة دي دلوقتي.. طيب انا اقولك حاجة.. عمتي مطلقة من زمان جدًا وعايشة هي وولادها في بيتها لوحدهم.. وطول عمرها بتشتغل وتتعامل مع الناس وعمر واحد ضايقها بكلمة لأنها واثقة في نفسها.. نفي في نفسك شوية يا حنان.

- الناس لو عرفوا حكايتي هيتقسموا اتنين.. يا هينشوفوني معيوبة زي ما بابا قال.. يا هيقاخوا متي على ولادهم لاحسدهم علشان عمري ما هخلف أبدا.

- وانتي حاطة الناس قدامك أوي كده ليه.. مايولعوا الناس بكلامهم الفارغ.. تعالي نزل نقدم على الشغل يمكن نتقبل.. يا ستي اعتبرها فرصة تغيري جو بدل قعدتك جوه أوضتك.. اعتبرها فرصة نشوف بعض كل يوم.. اعتبرها فائدة هتفيدي بها ناس غيرك وتكسي منها ثواب.

صمتت حنان.. تفكر.. هل من الممكن أن تعود للحياة مرة أخرى دون أن
تعرض لكلام يؤلمها.. أو نظرات تقتلها.

كتبت إسراء بحسب:

- حنان.. بكرة هنزل مع ماما وهي رايحة الشغل.. هنتقابل قدام المجمع.. لما
توصلي كلميني.. متأخرين عن 10.. يالا تصبجي على خير وهستفاكي.. لو
مجيتيش هزعل منك من قلبي.. سلام.

شعرت حنان أنها وُضِعت أمام الأمر الواقع.. فكتبت مستدركة:

- طيب استني شوية كام يوم افكر.

- لا مفيش كام يوم.. آخر معاد للتقديم بكرة.

* * *

- 10 -

مُسَيَّرُونَ..

أَمْ مُخَيَّرُونَ؟؟؟

نزل عمر درجات السلم بأقصى ما يمكنه من سرعة.. لكن خطواته مهما كانت سريعة فهي أبداً كثيراً من والدته التي سبقته وظلت تسأل علا:

- مالها الهت؟؟ إيه اللي حصل؟

ردت علا بصوت ملتاوع وهي تبكي:

- وقعت قدامي.. أخذت السلم كله من أوله لآخره وملحقتهاش.

وصبل عمر لروان التي مازالت لا تتحرك.. جلس على أول درجة سلم.. في حين كانت علا ووالدتها تبكيان وتحاولان إفاقتها.

علا: روان.. ردي عليا يا حبيبتي.

نظرت لعمر وهي تتساءل:

- مبتردش؟؟ هي كمان هتسيبيني؟؟

مدَّ عمر يده لرقبة روان.. وقال بسرعة مطمئناً علا وصوته يصرخ بالقلق ووالدته تبكي وهي تحاول إفاقة روان بهز يديها ولطمها على وجهها:

- متخافوش.. هتصل بالإسعاف حالاً.

سألته علا بفرع:

- فيه نبض ولا لأ؟

ردَّ سريعاً والهااتف على أذنه:

- أبوة.. والله اطمني فيه نبض بس يارب متكونش الوقعة أثرت على راسها.

سمع أصواتهم باقي سكان الشقق القليلة في العمارة.. فزلوا مسرعين.. حاول
أحد الرجال حملها وهو يقول لعمر:

- ننقلها المستشفى بالعربية يا عمر ومنستناش الإسعاف.

فرفض عمر بشدة.

- لالالا.. محدش يحركها يمكن يكون فيه كسور.. الإسعاف هي اللي تشيلها.

أوقات عصبية يمرون بها جميعًا.. علا تستند على الحائط بجوار غرفة
الأشعة ودموع صامته تجري على خديها.. تتذكر أيمن.. تشعر باحتياجها له..
تتمنى أن تستند على صدره الدافئ بدلًا من ذلك الجدار البارد.. تحن ليديه
لترت عليها كي يطمئن قلبها على ايبتها.. تحتاج لوجوده.. تحتاجه أكثر من أي
وقت آخر.

ويجلس عمر منكسرًا، مستندًا على عكازيه واضعًا رأسه عليها، ناظرًا للأرض،
يخفي وجهه كي لا يرى أحد دموعه التي تنساقط قلقلًا على رواق.. ينظر
لقدميه العاجزين ويدعو الله ألا يحكم عليها بالعجز أبدًا.. رحمة بطفولتها
وبوالدتها.. بل رحمة بهم جميعًا.

أما والددة عمر فقد ظلت تبكي بصوت ملتاغ جعل كل المارة يتلفتون عليها..
تبكي خوفًا وقلقلًا وحبًا: فروان هي البسمة والضحكة التي تشع السعادة في
المأزل الذي تلاحقت عليه المصائب.. لن تتحمل فجيرة أخرى في حفيدتها
الوحيدة.. لن تتحمل أن ترى ايبتها تذبل أكثر أمامها.. ستموت حزنًا إن حدث
لروان ما تخشاه.

سمع عمر صوت ألفت:

- سلامو عليكمو.. إيه اللي حصل يا حاجة؟

رفع رأسه قليلاً ليجد ألفت وبصحبها نيفين.

ردت والدة عمر ببيكانها:

- البت يا ختي وقعت من ع السلم محطتش منطق.

دبت ألفت صدرها بيديها:

- يا حبيبي يا بنتي.. وهي فين دلوقتي؟

- بيعملوا لها أشعة.

ألفت بحزن وهي تقترب من علا تحتضنها:

- رينا يلفظ بيها وينجها لك يا حبيبي.

وقفت نيفين أمام عمر.. لم يتكلم.. فبادرته:

- مقلتلش ليه؟

- ملحقنش.. انني عرفتي ازاي؟

- هو الشارع فيه حاجة بتستخى.. الناس قالوا لماما.

صمت عمر وهو يهز رأسه.. لم تكن لديه قدرة ولا رغبة في الكلام.. فقط يريد

أن تمر لحظات الانتظار سريعاً، ولكن سألته نيفين:

- هي في غيبوبة ولا إيه؟

انزعج عمر.. فقال مصحفاً:

- بعد الشر.. لا فائدة الحمد لله.

- أومال الناس قالوا انهم حطّوها في الإسعاف زي الميتة.

التفت عمر لوالدته ولعلا ليتأكد أنهما لم تسمعا نيفين.. ثم قال:

- كان مغمى عليها وفاقت في الإسعاف.. نيفين خلي بالك من كلامك شوية ماما وعلا مش مستعملين حاجة.

ردت وهي ترشح حاجبها وتضع يدها في خصرها:

- نعم.. كلام ايه اللي مش عاجبك.. ماهو انا غلطانة إني سمعت كلام ماما وجيت اعمل الواجب.

تهض عمر.. وهو يجلسها مكانه:

- كتر خيرك ومتزعليش مني.. اقعددي بس واستهدي بالله أنا مقلتش حاجة تزعلك. أنا بقولك خلي بالك من كلامك مش أكثر.

انفتح باب غرفة الأشعة.. فهرول الجميع للداخل. انحنى علا على رزان تقبلها، ووالدتها تقبّل يد الصغيرة. حينما سأل عمر فني الأشعة:

- خير؟

أجابته: فيه كسور.. شوف دكتور العظام موجود ولا لا هو اللي يفيدك أكثر.



أراد عمر سيارته وهو شارد يستعيد أحداث اليوم.. جراحة عاجلة تلزم روان كي تتمكن من المئتي مرة أخرى وتقل آلامها.. لم يتردد عمر كما لم تتردد علا ووالدتهما.

ثم فتح غرفة العمليات فوزاً.. بعدما أودع عمر كل ما كان يجيبه من نقود مقدماً للعملية في حسابات المستشفى.. المبلغ المتبقي يستطيع تغطيته من رصيده البنكي.. وبالأدق.. ما تبقى منه.

توقف عمر بسيارته أمام منزل نيفين.. فازلت نيفين وألفت.

وقفت ألفت أمام نافذة والدته عمر:

- إن شاء الله شدة وتزول وتقوم وتبقى زي الفل.

والدة عمر: إن شاء الله.. شكراً يا ألفت تعيناكي معانا.

- تعب إيه بس.. والله لو كان ينفع ابات مع علا كنت قعدت معاهما.. إنما المستشفى بقى هي اللي مانعة.

- أنا سايباها على عيني.. يالا سواد الليل وهروح لها الصبح.

- وأنا مخلص كام مشوار شغل ورايا ومجيككم على طول.

- كتر خيرك يا اختي.. متتعيش نفسك.

- تعب!! ده احنا أهل.

طوال الحديث ونيفين واقفة بجوارها. لا تتكلم.. مستاءة من والدتها التي أجبرتها على الذهاب معها للمستشفى.. وقضاء اليوم كله بجوار عمر وأسرته

حتى انتهاء موعد الزيارة.. لم تجد أهمية لوجودهما، ولكنها لم تستطع أن نعه
وحدها للمنزل ووالدتها مع أهل خطيبها.

لاحظت صمت عمر، وعدم اهتمامه بها، فاستدارت حول السيارة ووقفت
بجوار نافذته وهمست:

- هي دي شكرًا بقاعتك؟!

ردًا حزينًا: شكرًا يا نيفين.. معلش أنا النهاردة تعبانة أوي.

- كلنا تعبانيين وكلنا واقفين من الصبح.. أنت حتى مكلفتش خاطرك وشكرتني
زي مامتك ما شكرت ماما.

- المفروض ان بيئي وبينتك مفيش شكر.. أكيد انني أكثر واحدة حاسة بيا.

في الحقيقة.. لم تكن تشعر بشيء سوى التعب والإجهاد.. والاستياء من
والدتها.. أما ما يتحدث عنه عمر، فهي حتى لا تعلم عن أي إحساس يتحدث.

جلس عمر مع والدته لتناول العشاء.. رغم أنه لم يتناول أي طعام خلال اليوم
إلا أنه مازال فاقدا شهيتة للطعام والحياة.

لاحظت والدته التي تشعر بما يشعر به أو يزيد

- كل لقمة يا ابني.. إنت مدوقتش طعم الزاد.

- مليش نفس ياماما.. منظر روان مقطّع قلبي.

بكت والدة عمر وهي تدعو لروان:

يارب اشقيها.. يارب تقوم لنا بالسلامة.

رث عمر على يد والدته.. واستند على عكازيه ونهض:

أنا هنام.. عايزة حاجة قبل ما انام؟

مفلتليش.. هتكمل فلوس العملية منين؟

مجيهم من البنك الصبح إن شاء الله.

برودت قليلًا.. ثم قالت:

أحكك كاز، متبقي معاها حوالي 5 آلاف جنيه.. هخليها تسحبهم وانت كمل عليهم.

رد عمر حاسمًا وهو يتذكر مصاريف علاجه التي التهمت الكثير مما تركه والده.

لأ.. الفلوس اللي معاها خلتها لها، مش كفاية أغلب ورثها ضاع وسط مصاريف علاجي والباقي ساعدتني بيه افتح المجل.

وانت هتعمل إيه.. انت متبقي معاك كام؟

رد عمر محاولًا طمأنتها:

متشيليش هم.. مستورين إن شاء الله.

زينا يسترنا يا ابني.. انت مكلمتش طارق تقوله ع اللي حصل.

انلقه عمر أنه لم يتذكر نهائيًا أن يتصل بشقيق أيمن ليخبره ما حدث لروان..
أردت متسائلًا:

- واثني مكلمتيش أم أيمن ولا علا كلمتها؟

- لا.. اتليخنا في اللي حصل.

- وهي مسألتش مراحولهاش ليه؟

- أختك مكنتش قايلة لها انها رايحة، واجب فتصل بيهم نعرفهم ليزعلوا.

- بلاش دلوقتي، هيقلموا ع الفاضي، الصبح قبل ما نزل كلمها وعرفها.

انتهت ألفت من العشاء.. نهضت وهي تتأوه:

- رجلي وجعتني من الوقفة طول اليوم.. لي العشا واغسلي المواعين أنا مش قادرة.

انفجرت نيفين بعد كبح غضبها طوال اليوم:

- أنا مش فاهمة.. علينا من ده بايه.. قلتي نروح نطمن على البيت الصغيرة قلت ماشي.. إنما نفضل طول اليوم معاهم ليه.. وقال إيه عايزة تباتي معاهم في المستشفى.. انني بتقلي قيمتنا كده ليه؟

فوجئت ألفت بكلمات نيفين.. لم تتوقعها.. كانت تشعر أنها أنت رغمًا عنها، ولكن لم تعلم أن قلبها قاسٍ لهذه الدرجة.. تجرحها.. لم تجرحها وهي التي أفنت عمرها لتربيتهما هي وشقيقتها.

سألتهما والدموع تتلألأ في عينيها.. وتجلس مرة أخرى:

- أقبل قيمتنا؟ ليه انا عملت إيه غلط لما وقفت معاهم.

عمالة تراضي دي وتداي دي وتجري معاهم كأننا خدامين عندهم.

خدامين إيه؟؟ انتي مجنونة؟؟؟ دول أهلك.

أهلي منين؟؟

أهل خطيبك يعني أهلك.. دول اللي باقيين لك لو جبرالي حاجة.

ضحكت نيفين بسخرية:

خطيبي.. خطيبي ده اللي حاسة ان عنده سبعين سنة.. على طول شايل الهم وسرحان.. بخيل اللي بطلبه بيحبيولي بعد ما اطلبه مش من نفسه.. خلتيني وافقت عليه غصب عني وكان مقيش غيره.. انتي دفنتيني بالحياة مع واحد روحه ماتت في الحادثة اللي عملها.

رددت ألفت كلماتها وهي غير مصدقة:

بخيل؟؟ والهدايا اللي مغرقت بيهم.. 70 سنة والفسح اللي كان بيفسحها لك كل يوم والثاني.. مقيش غيره.. أيوة مقيش غيره كان هيرضي بحالنا من غير ما يعايرك.. اللي شايل الهم ده راجل متحمل المسئولية.. راجل تطمئي على نفسك واتطمئي عليكي معاه.. بقولك إيه.. مش عايزاه انتي حرة بس افتكري إن كل العز اللي شفتيه معاه الأيام اللي فاتت دي خلاص بح.. فنيئو.. أنا علمتك بالعافية وما صدقتك انك خلصتي.. سيبه واهو تبقي وفرتي عليا جوازتك اللي مش عارفة كنت هجيب مصاريها منين.

صممت نيفين وهي تفكر في كلام والدتها.. محقة هي في أنها عاشت مع عمر ترفاً لم تحياه من قبل.. كل ما تطلبه يلئي.. هل ستممكن من الاستغناء عن كل ما قدّمه لها؟.. لو لم يكن عاجزاً.. لو كان بكامل صحته وحيويته وشبابه.. كانت

الأمر تبدلت كثيرًا.. ربما استطاعت أن تحبه.. كلما خرجا معا ظلت حبيسة السيارة.. نعم في سيارة، ولكنها حبيسة بداخلها، تخشى المشي بجواره حتى لا يرى الناس مشيته وعكازه اللذين يستند عليهما بدلًا من أن يمسك بيدها وتستند هي عليه.. تخشى نظرات الإشفاق التي تتلفت عليهما إن مشيا جنبًا إلى جنب.

قطع صوت تفكيرها طرقات الباب، توفعت أنه عمر فهبت واقفة ودخلت لغرفة النوم.. وجدت ألفت لم تنم بعد. سألتها ألفت: مين؟

ردت بثقة: تلاقيه عمر.. قومي افتحي وقوليله اني نمت.

- يا بنتي حرام عليكى ما صدقت افرد جسمي ع السرير.

- قومي افتحي ومشيه من ع الباب.. أنا عايزة افكر مع نفسي هكمل معاه ولا لا.

لم تتوقف طرقات الباب، نهضت ألفت بإجهااد، بينما ظلت نيفين مكانها تستمع في هدوء.

وقفت ألفت خلف الباب تسأل: مين؟

فجاءها صوت نهى: أنا ياماما.

فتحت ألفت بلهفة وقلق:

- نهى؟؟ مالك.

نظرت خلفها لترى هل جاءت وحدها أم بصحبة زوجها.. بمجرد أن رأت عينها وأثر البكاء عليهما.. أيقنت أنها ليلة لن تنتهي الآن.. وحلمها بالنوم والراحة

أصبح صعب المنال.. ارتمت نهي في حضنها تبكي.. وجاءت نيفين على صوت شقيقتهما تتساءل:

نهي؟! مالك في إيه؟

أجابت نهي بعد أن جلست وهي تمسح الدموع:

اتخفقت وتعبت وزهقت.

رأت ألفت بنقاد صبر:

إيه اللي حصل يعني؟

أجابت نهي بدموعها:

بقالي شهرين بقول لسمير هدومي ضاقت عليا.. عايزة طقم جديد يقولي حاضر وطيب وأنا استنى ألاقيه طنش.. أفكره يقولي حاضر وطيب ونفس الكلام يتكرر.. شهرين على ده الحال لحد ما النهارده انفجرت فيه وقلتلته اني زهقت، لقيت مامته اتدخلت في الكلام وبقينا احنا ال3 عمالين نخبط في بعض.

سمتت ألفت.. أما نيفين فقد ثارت قاتلة:

هو إيه الفتانة اللي هو فيها هو وأهله دي.. مش كفاية وافقتي تتجوزي في بيت أهله كمان ممشيكي بهدوم قديمة ومش هأين عليه يجيبلك جديد.. إيه اللي مصبرك على العيشة دي يا بنتي دي حاجة تقصر العمر.. حنة طقم مدوخلك شهرين.. ليه يعني؟

سألها ألفت وعيناها تراقبان نهي: يعني رأيك تطلق منه؟

انتفضت نهى، وردت نيفين بدون تفكير:

- أه طبعًا.. قوليلي انتي إيه اللي يصبرها على العيشة دي وهو مش موفرلها أقل حق في الحياة.

وجّهت ألفت سؤالها لنهى:

- هو معاه فلوس يجيبلك ومش عايز؟

نكست نهى رأسها وهي تجيب باللم:
- لا.. يوميته بتروح في مصروف البيت.
ألفت: طيب حلها.. يجيب منين؟

sa7eralkutub.com

بكت نهى: وانا امشي ازاي في الشارع.. بقولك هدمومي ضاقت عليا لدرجة انها بتقطع واتهرت خياطة.

ألفت: ومقلتلش ليه؟

نهى: وانتي ناقصة؟

ألفت: يعني لو جبت لك عباية مشيتي نفسك بيا هتتعيني في إيه؟؟ إنما انتي كده فضحتي جوزك.

نيفين: انتي ليه يا ماما ضدنا كده.. من حقها تعيش وتجيب اللي نفسها فيه.

ألفت: تعيش ياختي وماله.. تطلق وتيجي تقعد معانا وتشوف لها شغلانة تصرف بيا على نفسها لحد ما ربنا يكرمها بواحد ثاني كويس.. أنا مش هغصب على حد عيشته.. اللي انتوا عايزنه اعملوه.. عايزة تطلقني يا نهى؟

نهي بخوف:

بمعنى لما اتخفق مجيش افضفض معاكم شوية ولا أقعد معاكم يومين.

الفتوهي تنظر لنيفين:

«مالتش تطلق.. عارفة انها مستغناش عن جوزها بس هو اللي ظروفه صعبة.. قومي يا نهي غيبي هدمك وابقى اتزلي معايا الصبح أشوفلك عباية بالسط.. واهو اللي يقدر هو يدفعه يدفعه وانا اكملك.

«نهي: أنا عارفة إن ظروفه صعبة وغصب عنه واللي عليه بيعمله.. بس انا امان غصب عني بحتاج فلوس والله طلباتي في أضيق الحدود.. لا بقوله نفسي ااكل كذا ولا نفسي ألبس من المكان الفلاني.. أنا حتى مبقولوش نخرج علشان المصاريف.. بس لما تكون هدمي اللي المفروض تسترني مهباش ستراني.. يبقى ده طلب ضروري أهم من الأكل والشرب.. الفقر وحش أوي وبيكره الواحد في مهبشته وفي اللي بيعيهم.

«سنتت نيفين.. ظلت كلمات نهي تتردد على مسامعها.. وتقارن بين حياة الشقيقتها والحياة المقبلة عليها.. هل مايقدمه لها عمر يغنيها عن الحب؟؟ هل تعمل أن تحيا فقيرة طوال حياتها؟؟.. تشتتي أبسط الأشياء ولا تنالها.

في الصباح وبعد ليلة تفكير طويلة.. قررت حنان أنها لن تذهب للقاء إسماء.. تعتذر لها حتى وإن تطلب الأمر أن تذهب إليها في منزلها للاعذار عن تعلقها بموعدها.. بررت لنفسها أنها لم تتفق ولم توافق موافقة صريحة على هذا الوعد.

إسراء التي قررت.. وحددت الموعد.. وقررت انتظارها.

إن كان احتياجها لصداقة إسراء جعلها تفتح نافذة صغيرة على الدار الخارجي الواقعي، فهي غير مضطرة أن تفتح الباب على مصراعيه.

إسراء.. نافذتها الصغيرة تطمئن دوماً أنها مازالت آمنة وبسلام.. أما إن فُتح الباب على مصراعيه.. من يضمن لها ما يمكن أن تواجه أو تتعرض له؟

أصوات والدها والدتها في الخارج تعلن استيقاظهما.. أصوات اعتادتها حفظتها عن ظهر قلب.. صوت خطوات والدتها للحمام.. ثم المرور على غرفتها وتبادل كلمات قليلة سريعة.. مغادرة والدتها للمطبخ.. خطوات والدتها للحمام ثم العودة لغرفته وارتداء ملابسه.. الجلوس للإفطار مع زوجته.. صوت الباب يُغلق مصحوباً بدعوات والدتها، وقتها تخرج حنان من غرفتها وتشعر بخبرتها في المنزل.

خرجت حنان تساعد والدتها في المهام المنزلية اليومية كما تعودت.. تنظر عيناها بين الحين والآخر على الساعة، وتتذكر موعداً مع إسراء، ثم تنسى بنظراتها عن الساعة لتتجاهل الموعد.. لم يحن الموعد بعد.. وترددت قليلاً.. هل تعتذر لإسراء قبل الموعد أم بعده؟

فُتح الباب معلناً وصول أحمد بعد وديته الليلية.. ألقى التحية على حنان ووالدته، ثم نظر لحنان وسألها:

- انتي لسه ملبستيش؟

فانتهت الأم سائلة:

- تلبس ليه؟

فأجابت حنان: إسراء كانت عابزاني أقدم معاها على شغل.

ثم نظرت لأحمد نظرة سريعة وهي تجيبه:

بمن أنا مش رابعة.. مش عابزة اشتغل.

ناحت وجهها سريعاً عنه.. فقالت الأم:

بين العقل.. أبوكي مكنش هيوافق انك تشتغلي.

عجت حنان من كلام والدتها.. إلى متى سيظل والدها متحكماً بها وكأنها

ومسة ماريونيت؟؟ إلى متى ستظل بلا إرادة؟؟

لمعت أحمد يقول باستنكار:

هو بابا لسه مفهمش ان تفكيره القلط هو اللي وصلها للنتيجة دي.

ثم رقص قلبها عندما سمعت كلمات أحمد التي تنطق بما يدور في رأسها..
ارادت أن تقبله شكراً على كلماته.. دائماً هو الوحيد الذي يشعر بها.. قبل أن
تنفوه بأي كلمة شكر.. سمعته يكمل:

والله لو عابزة تشتغل أنا اللي هقف لجاها لو رفض.

توقفت عند جملة الأخيرة.. لمعت في رأسها فكرة وهي تنظر للساعة وتتأكد أن
الموعد لم يحن بعد.

ماذا لو قررت الذهاب للموعد وأخبرت أحمد أنها تريد العمل بالفعل؟؟ من
المؤكد أن قرارها سيثير غضب والدها.. وهذا يربحها كثيراً.

تعلم جيداً أن أحمد يستطيع إقناعه. وإن لم يقتنع فعلى الأقل لن يعترض..
أحمد في نظره رجل منذ طفولته، لن يضع أحمد في موقف يقلل من رجولته
أمامها وأمام خطيبته.

استغلت الموقف وسألت أحمد:

- أنا كنت مترددة.. انت شايك إيه؟؟ اروح أقدم؟؟

أجابها أحمد بحماس وفرحة حقيقية:

- طيفاً.. قومي البسي وأنا هكلم إسرائ تمسناكي لو اتأخرتي عليها شوية.

ركضت.. قبّلته على خده وهي تمر من جانبه نحو غرفتها.. وقفت والدتهما
عاجزة عن التفكير.. خائفة من رد فعل زوجها.. تطلعن نفسها بأن أحمد
سيتعمل كل المسئولية أمام والده.. فقالت بضعف:

- أبوك لما يبجي هيعمل مشكلة.

رد أحمد: متقلقيش.. كفاية أوي اللي حنان وصلته.. سيبوها تبقي زي أي حد
في سنّها.. سيبوها تعيش..

* * *

- 11 -

تستطيع أن تتحمل آلامك..
لكن أن ترى من تحبه يمر بنفس آلامك وتعلم كم يتعذب..
هذا ما لا يمكن تحمله أبداً

أراجعت نيقين عن تفكيرها في فسخ خطبتها من عمر.. فالزواج من عمر
يضمن لها حياة كريمة كما قالت والدتها مرارًا.

استسلمت كما استسلمت من قبل.. ذهبت مع والدتها في مساء اليوم التالي
المستشفى للاطمئنان على روان، وللتواجد بجوار عمر وأمله. أما ألقت
اليوم فقد اطمأنت على ابنتها.. تهي اتصل بها زوجها وأخبرها أنه افتقدها.
فقررت على الفور العودة للمنزل.

وفي الصباح عندما سألتها نيقين عن موعد الزيارة للمستشفى. وأنها ستذهب
معها لعمر، أدركت أنها تراجعت عن كلامها في الليلة السابقة.

مرت الأيام التالية بعد خروج روان من المستشفى بصعوبة بالغة: فلم تخف
الأمها رغم نجاح العملية - كما قال الطبيب - ورغم المسكنات القوية التي
لتناولها يوميًا.. يومياً تُدرف دموع علا ووالدتها مع صرخات روان المتألمة..
ويستعيد عمر كل ما مر به من قبل مع كل أمة تصدرها روان.

قرر عمر أن يستشير طبيبًا آخر.. طبيبه الذي أجرى له جراحاته المتعددة
حتى استطاع المضي مرة أخرى.. عندما أخبر والدته بذلك وافقت على الفور.
لم يستطع عمر وعلا أن يحملها ويذهبا بها للطبيب.. حينها شعر عمر
بالعجز عندما قالت علا بعفوية:

- مش هنعرف نزلها احنا.. أنا متصل بطارق يحيي معانا.. مفهاش حاجة ماهو
عما يرضه.

صمت عمر بعدما كملت كلمات علا قهقهة.. فهو بالفعل عاجزٌ عن مساعدة
شقيقته وابنتها.

تجددت لحظات الانتظار والقلق.. يجلس عمر وطارق وعلا.. يفتك القلق بأعصابهم جميعاً.. في انتظار كلمات الطبيب.. الذي ينظر للإشعاعات التي بين يديه، ثم قال بصوت عميق:

- الدكتور اللي عملها العملية دي ارفعوا عليه قضية وودوه في 60 داهية علشان ميشتغلهاش ثاني.

اثارت كلماته الشزع في قلوبهم جميعاً.. اول ما خطر على بال عمر هو ان يسأله - يعني ايه؟؟ هتخرج؟؟

ردّ الطبيب وهو يضع الإشعاعات أمامه على المكتب:

- لأ.. كده مش هتمشي ثاني.

صرخت علا وهي تبكي وتحتضن روان.. وطارق يهدد بعصبية:

- يعني ايه مش هتمشي ثاني.. ده انا اروح فيه السجن.

سأل عمر وهو يحاول الضغط على كلماته كي يخفي القهر الذي يشعر به:

- مفيش حل؟؟

ردّ الطبيب بثقة:

- كان المفروض جبتهالي على طول كنت وفرت عليها العذاب الفترة اللي فاتت.. فيه حل والحمدلله انك متأخرتش عن كده.. هعمل عملية ثانية اشيل فيها التثبيتات الغلط اللي ثبتها واركب شرايح ومسامير ثانية بطريقة صح.. مع الوقت هتمشي ثاني بعد العلاج الطبيعي اللي بعد العملية طبعاً.. يعني

متسرعجلوش.. بس الأهم من ده كله إن الألم اللي هي حاسة بيه ده هيتخف مع الوقت.. وهيظهر التحسن التدريجي.. المهم متتأخروش في العملية.

شعر عمر بالذنب.. هو السبب.. هو من وافق على إجراء الجراحة في مستشفى حكومي مع طبيب لم يسمع عنه من قبل.

لم يتخيل أن كسرًا ناتجًا عن وقعة سلم قد يترتب عليه كل هذا.. كل رعبه كان في إغماءتها.. خشى أن تكون رأسها ارتطمت بالسلم.. سأل الطبيب السؤال الذي لا يد منه:

- خلاص يا دكتور اللي حضرتك شايفه.. بس العملية دي تتكلف كام؟

- العملية بالتخدير بالشرايح والمسامير بإقامتها في المستشفى تقريبًا 100 ألف.

صُنع عمر من المبلغ، وعقدت الدهشة لسان علا.. وقال طارق:

- كتير أوي يا دكتور.. معلى يعني مش ممكن تتكلف أقل شوية.

رد الطبيب الشهير:

- هي ممكن تتكلف أقل من كده بكتير بس دكتور مبتدئ زي اللي عمل العملية البايظة دي وفي مستشفى أي كلام.. اسأل عمر على مستوى المستشفى بناعتي.. مستوى عالي من التمريض والكفاءة في كل حاجة.. علشان لو لا قدر الله حصل أي مشكلة ساعة العملية بيكون فيه كل الإمكانيات اللي تسعفنا.

بعد الانتهاء من الكشف، خرجوا دون أن يتبادلوا أي حديث.

طارق. يعلم أن المبلغ كبير. ولكن من المؤكد أن لدى عمر وعلا ما يغطي تكاليف العملية: فهو كغيره من الناس يرى أن الحياة معهم لم تتغير بعد وفاة رب العائلة.. وحدث عمر.

أما علا.. فكل تفكيرها هل سيتمكن من تدبير مبلغ كبير كهذا.. ماذا ستفعل وكيف ستصرف.. هل تطلب من والدة أيمن؟؟

لو كانت شقة الزوجية مازالت بحوزتها، كانت ستبيعها لتغطية تكاليف العملية، ولكن شقتها تنازلت عنها بكامل إرادتها لطارق ليتم زواجه؛ فبعد وفاة أيمن لم تستطع الحياة بها ولو ليوم واحد.. ظلت مغلقة حتى سألتها حمايتها هل ستعود للإقامة بالشقة أم يتزوج بها طارق.. وقتها أجابها عن طيب خاطر.. فليتزوج بها.

إذا من أين ستأتي بتكلفة العملية؟؟

عمر.. وأثناء قيادته السيارة لم يكن يفكر هل سيتمكن من تدبير المبلغ المطلوب أم لا.. بل كان كيف سيدبر المبلغ في أسرع وقت؟

الخيارات منعدمة والقرار محسوم.. لا بد أن تعود روان للحياة ولطفولتها مرة أخرى.. يجب أن تعود كأي طفلة في عمرها تلهو وتلعب كما يعلو لها.. يكفي أنه السبب في عذابها الأيام الماضية بسبب الجراحة الفاشلة.. فليصحح خطأه بطريقة.. لا بد من إجراء الجراحة سريعاً كي تخف الأمها.. والأهم جميعاً.

دون أن يخبر أحداً.. تصرف بالفعل.. اتصل بجاري له يعلم أنه يبحث عن محل في نفس المنطقة.. أخبره أنه يريد بيع المحل في أسرع وقت.. ثم الاتفاق في نفس المكاتب الهاتفية

أغلق الهاتف وشرود.. ينظر للمحل ولكل ركن وكل جدار ويتحول الصورة في مغيلته لأيام والده.. أيام طفولته وصباه وشبابه.. أوقاته التي كان يقضيها فيه لمساعدة والده.. نظروا للرصيف خارج المحل وتذكر جلساته مع أيمن في سهرات الصيف للعب الطاولة بعد انتهاء مواعيد العمل.. أحب الأماكن إليه والتي تجمعها بذكريات أقرب الراحلين.. مضطر أن يتركها للأبد.

ظلت الذكريات تلاحقه، تُشعره بالألم لفقدائها قريبًا، ولكن شعورًا بالرضا عن قراره هو ما خفف بعضًا من الألم.

تعمد تجاهل الذكريات، اتصل بالطبيب واتفق معه على موعد إجراء الجراحة ثم اتصل بوالدته وأخبرها في كلمات قليلة أن الجراحة سيتم إجراؤها السبت القادم، أي بعد أربعة أيام فقط.. وعليهم أن يتوجهوا للمستشفى من الجمعة صباحًا لهيلة روان قبل دخولها غرفة العمليات اليوم التالي.

أنهى عمر مكالماته وطاردته الذكريات مرة أخرى.. ظل يصارعها حتى يبعدها عن تفكيره.. وما إن أتى حمدي حتى نهض عمر من مكانه مقرّرًا أن يذهب لتفقيّن عليها تخفف بعضًا من العبء الذي يثقل كاهله.. فضفضة هي كل ما يحتاج.. يريد فقط أن يتحدث عن أمه.. لا يستطيع أن يتكلم مع والدته أو شقيقته حتى لا يزيدا ألمًا فوق ما تتحملانه.

سأله حمدي:

- أنت ماشي؟

- أه رايح مشوار وجاي.. عايزين نلم حاجتنا ونشوف محل إيجار في أقرب وقت.

عقدت المفاجأة لسان حمدي.. ووقف مندهشاً لبرد عمر قبل أن ينطق حمدي بالسؤال:

- مبيع المحل هنا علشان عملية روان واشوف محل إيجار.. مفيش قدامي حل ثاني.

تفهم حمدي الموقف.. وقال متأثراً:

- قداها.. قدامك حاجة ولا لسه مدورتش؟

- لسه والله يا حمدي.. أنا يدوب كلمت الحاج عبد الوهاب وقتلته آني مبيع المحل فاتفقنا على طول والصبح هنروح نسيجل.. هو سايبني أسبوعين بالكثير ننظم نفسنا.

- طيب افرض ملقيناش حاجة بسرعة كده.

- يبقى مفيش غير إننا هننقل الحاجة في شقتي لحد مانلاقي مكان.

صمت كل منهما.. وهو يتمنى ألا يضطر لإغلاق مصدر رزقهما الوحيد.. داعين الله في سرهما أن يرزقهما بمكان بديل في أسرع وقت.

طرق عمر باب نيفين، قاصداً سماعها لما يجثو على صدره، مثلماً لبعض الكلمات التي تخفف مما يعانيه وحده، طامعاً في لمسة حانية من يدها الرقيقة تزج بها همة.

فتحت ألفت الباب، وقالت مُرجبة:

- أهلاً يا عمر.. اتفضل.

سَلِّمَ عمر عليها، ونظر للداخل؛ فوجد نيفين جالسة وأمامها اللاب توب ومنهمكة في الكتابة

رفعت عينها دون أن تتحرك:

- عمر.. ازيك.. تعالى اقعد.

تقدم وجلس على أقرب أريكة.. وضع عكازيه بينهما، وسألها:

- بتعملي ايه؟

ردت دون أن ترفع نظرها له وهي تكتب:

- بكلم واحدة صاحبتني.

شعر منها عمر بعدم الاهتمام.. فقالها صريحة:

- طيب ممكن تقولي البتاع ده وتقعدي معايا؟

استاءت ألقت من عدم اهتمام نيفين بعمر.. فقالت:

- ماتيه يا نيفين اشيلهولك جوه.

رفعت نيفين شفتها امتعاضاً وهي تغلق اللاب توب وتعطيه لألفت التي أخذته ودخلت للغرفة وجلست بها.

لاحظ عمر أن نيفين غير مرجحة به.. فأراد أن يتأكد:

- انتي اتضايقتي اني جيت؟

فأجابت بكلمات تعنيها تماماً

- متصلّش ليه.. على الأقل كنت جيت لاقينتي لابسة حاجة أحلى من كده.

أشارت على الملابس البسيطة التي ترتديها، والتي لم يلاحظها عمر من الأساس، وقال لها:

- أنا جاي اقعد معاكى انتي، ومش متفرق انتي لابسة إيه.

صمت قليلاً، وأكمل بنبرة مستجدية وبصوت منخفض حتى لا تسمعه ألفت التي تفصله عنها ستارة خفيفة بين الصالة والغرفة الوحيدة:

- أنا محتاجك أوي يا نيفين.

أثارت نبرة صوته فضولها.. فسألته:

- محتاج لي في إيه؟

أجابها بنفس الصوت المنخفض.. المختنق:

- أنا حاسس بحزن كبير أوي.. بحاول اخفف عن ماما وعلا وروان وأنا مش لاقى اللي يخفف عتي.. دماغي بتفكر في مليون اتجاه علشان كل حاجة تمشي صح.. راضي عن قراراتي بس موجوع منها أوي.

- كل ده علشان روان تعبانة.. ما تعملوا العملية الثانية وخلص مش أول ولا آخر واحدة تعبا.

شعر عمر باستغفافها بما يعانیه، ولكنه لم يصدق استنتاجه.. وأكمل:

- هي هتعمل العملية يوم السبت إن شاء الله.

- طيب فين المشكلة.

- المشكلة اني موجه.

ردت بلامبالاة: إنت أوفر على فكرة.. العملية ومتهعمل.. الدكتور وطمنك..
الوجع اللي بتعص بيه بيقل بالمسكنات.. فين المشكلة.. ولأ انت بقيت عايز
تشيل الهم وخلاص.

صحح لها مفهومها وهو يشرح مخاوفه:

- أنا موجه اني اضطريت ابيع آخر حاجة كانت متبقي لي فيها ذكريات مع أكثر
الناس اللي حيهم.

قاطعه نيفين:

- ثواني ثواني.. إنت تقصد اضطريت تبيع إيه؟

ردّ عمر بحسرة:

- المحل.. بيعت المحل علشان اعمل العملية لروان.

انتفضت نيفين كمن لدغها عقرب.. وصرخت وهي تكرر كلماته:

- بيعت المحل علشان العملية.. ليه؟؟ هي علا معباش فلوس؟؟ فين ورثها؟

تلعنم عمر بعدما هرب الكلام من لسانه.. مفاجأته من ردة فعلها هي التي
أوقفت الكلمات في حلقه، فقال متلعثمًا وهو ينظر حائرًا بينها وبين ألفت التي
جاءت على صوت نيفين:

- علا ورثها اتصرف.

لاحقته بالرد:

- وانت تبيع المحل ليه؟ هي فلوسها خلصت ترمي بلاها عليك ليه؟ ما تروح لأهل جوزها ولا لو معهمش فلوس تروح لصبايا الخير ولا أي جمعية خيرية.. وبعدين تعال هنا.. تبيع المحل ليه؟؟ هو انت كمان محيلتكش حاجة ولا إيه؟

ظلت نظراته حائرة بين نيفين وألفت.. تتلاحق الردود في رأسه..

هل يبرر لها ويشرح لها حالته المادية بالتفصيل. ولكن بأي حق تحدّثه بتلك اللهجة وكأنها صاحبة حق في ماله.

أما ألفت فسألت وهي متعجبة:

- هو فيه إيه؟؟ وانتي مالك بترعقي كده ليه؟؟ ماتسألي بالراحة.

أكملت نيفين صراخها:

- بيقولك باع المحل علشان العملية.

فسألته ألفت متأكدة:

- صحيح بيعت المحل يا عمر؟ طيب ليه يا ابني ده محل أبوك من زمان.

لهجتها الحاتية وجلوسها بجواره تربت على كتفه. جعله يتحدث بسلاسة ويحكى لها:

- ورثنا كله راح على العلاج.. واللي اتبقى من ميراث علا اديتهولي ووضبت بيه المحل وجبت بضاعة بدأت بيها.. يعني لولا علا وقفنت جنتي لا كنت وقفنت على رجلي بالمعنى الحرفي للكلمة ولا وقفنت على رجلي في إن يبقى لي شغل.. يبقى لما الاتي بنتها في نفس الموقف اللي مررت بيه قبل كده.. أتخلى عنها؟؟!!.. استحالة طبعاً.. ده لو حصلت ابيع حتة مني مثل هتأخر.

رَبَّتْ أَلْفَتْ عَلَى كَتْفِهِ بِعَنَانٍ:

- الْفُلُوسُ بِتُرُوحٍ وَتَبَاحٍ.. وَالْمَهْمُ أَنَّهَا تَقُومُ بِالسَّلَامَةِ.. بَسْ أَنْتَ هَتَعِيشُ إِزَايَ بَعْدَ الْمَحَلِّ؟

قَاطَعَتُهُمَا نِيفِينَ بِعَصَبِيَّةٍ:

- أَنْتِي لِمَ هَتَسْأَلِيهِ.. بِيقُولُكَ مَحِيلَتُوشُ حَاجَةٌ خَلَاصٌ.. يَعْنِي يَرُوحُ يَدُورُ بَقِيَّ عَلَى أَيِّ شَغْلَانَةٍ عِنْدَ أَيِّ حَدٍّ.. دَهْ لَوْ لَقِيَ حَدٌّ يَرْضِي بِشَغْلِهِ مِنْ أَصْلِهِ.

فَهِمُ عَمْرٍ مَا تَقْصِدُهُ نِيفِينَ، فَاسْتَنْدَ عَلَى عَكَازِهِ وَنَهَضَ مِنْ مَكَانِهِ وَسَأَلَهَا:

- قَصْدُكَ عِلْشَانُ رَجُلِي؟؟

وَدَّتْ نِيفِينَ:

- أَبُوءُ طَبَعًا.. أَنْتَ عَاشِشٌ فِي دُورِ الْإِلَى مَشْ حَاسِسٌ بِأَنَّهُ نَاقِصٌ.. أَبُوءُ مَحْدُشٌ هِمِشْغَلُكَ.. أَنْتَ مَبْتَشُوقِشُ النَّاسِ بِتَبِصٍّ عَلَيْكَ إِزَايَ؟؟ أَنْتَ مَشْ حَاسِسٌ أَنِّي بَقِيَّ مَكْسُوفَةٌ وَأَنَا مَاشِيَةٌ جَنْبُكَ وَبَدَلٌ مَا تَمْسُكُ فِي إِيْدِي مَاسِكَ عَكَازِكَ دُولٌ.. أَنْتَ فَآكِرٌ أَنَّ أَيَّ بَنَتٍ مُمْكِنٌ تَدْفِنُ نَفْسَهَا مَعَ وَاحِدِ زَيْكَ.. قُووَوُوقِ.

هَبَّتْ أَلْفَتْ وَاقْفَةَ.. وَنَهَرَتْهَا بِحَسَمٍ:

- نِيفِييِيِيِي.. أَخْرَسِي.

ابْتَسَمَ عَمْرٍ بِمَرَارَةٍ.. وَسَأَلَهَا بِهَدْوٍ:

- وَافَقِي عَلَيَا لِيهِ؟

رَدَّتْ وَكَأَنَّ شَيْطَانَهَا بِتَحَدَّثُ:

- من الزن على وداني.

وأشارت على ألفت وهي تكمل:

- عملتي البحر طحينية.. متعيشي مرتاحة.. مبقى مطمئنة عليكي.

استدارت نحو ألفت، وأكملت:

- اتطمني يا اختي.. اهو طالع بيضحك علينا ومحيلتوش حيلة.

استدار عمر متجهًا للباب.. لحقته ألفت:

- استني يا عمر.. حقلك عليا.. هي مش عارفة بتقول ايه؟؟ ياما بيحصل بين الاتنين.

رد بحسم.. متحكمًا بأقصى قدرة لديه في صوته، وفي الألم الذي زلزل كيانه:

- النصيب اتقطع لحد كده.. سلامو عليكو.

خرج عمر بلا أي نية للعودة مرة أخرى.. مهما حدث.

أغلقت ألفت الباب، ونظرت لنيفين باحتقار وعدم رضا:

- قليلة الأصل وواطية زي ابوكي.. الذهب اللي جالك واللاب اللي قاعدالي عليه ده ليل ونهار ميرجعوله.

وضعت نيفين يدها في خصرها وردت:

- ليه.. والشهور اللي ضاعت من عمري معاه.

- بكرة تندمي عليه.. والحاجة مترجع بكرة غصب عنك.. كفاية أوي اللي قلتهوله.

أنهت ألفت حديثها، ودخلت غرفتها وخرجت بعد دقائق مرتدية عباءتها وتلف طرحتها.. سألتها نيفين:

- رايحة فين؟

- في أي داهية بعيد عن وشك.

صفقت ألفت الباب بشدة.. رفعت نيفين كتفها بلامبالاة، ووقفت في الشباك الذي يطل على الشارع تداعب خصلات شعرها وتغني.

قاد عمر سيارته بعيدًا، مصطحبًا أمه وصدمته. كان يقود السيارة بلا أي وجه محددة،

ذهب لنيفين معتقدًا أنه سيجد لديها الراحة، ولكنه وجد العذاب بحق.. آخر ما كان ينقصه.. الحقيقة التي ألقمتها نيفين في وجهه.

شعر باختناق شديد وكأن الأكسجين اختفى تمامًا من على وجه الأرض في هذه الليلة الحارة من ليالي أغسطس.. وجد نفسه قريبًا من الكورنيش.. توقف بسيارته.. نزل منها مستندًا على عكازيه وتوجّه إلى مقعد يجلس عليه رجل آخر.. أعطى ظهره للشارع ونظر للنيل وشرّد في صفحته التي تعكس ضوء القمر.

منظر جميل يتغنى به الشعراء.. ماله يراه اليوم يشع قُبْحًا؟!

اليوم.. كل جميل تبدل لقبح.. جمال نيفين الذي خطف نظره في بداية علاقتهما أخفى خلفه قبح لروح لم تعلم الرحمة وإلا كانت رحمته من الحقيقة التي أخفتها عنه الفترة الماضية.

ياله من أحمق.. كيف لم يفهم تقلباتها المزاجية بدون سبب.. لماذا لم يفكر من قبل إصرارها على عدم المشي بجواره إلا في الضرورة القصوى؛ لذلك كانت تطلب وتطلب وتطلب.. كانت تطلب ثمن موافقتها عليه.. ثمن للسعادة الزائفة التي منحها له.

ابتسم بمرارة؛ لأنه أفاق على الحقيقة الآن، ولكنه لم يمنع الدمعة التي انحدرت على خداعه الشهور الماضية، وكلمات نيفين تتردد في أذنه بلا رحمة:

"انت فاكروا أي بنت ممكن تدفن نفسها مع واحد زيك.. فوووووق."

الآن فقط عرف الحقيقة وأفاق كما قالت نيفين.. يبدو أنه الوحيد الذي كان يجهل تلك الحقيقة.. والدته كانت تعلم أنه لن تقبل به أي فتاة؛ لذلك كانت تتعجل زواجه..

يا الله.. كم أخطأت والدته في حقه عندما تركته يعيش وهم أنه إنسان طبيعي كما كان من قبل.. كما أخطأت ألفت في حقه وحق نيفين بإجبارها على قبوله.

يبدو أن الحادث لم يأخذ أيمن فقط.. ولا فرحة علا أيضًا.. بل أخذ معه كل أمل في مستقبل يطمح فيه أن يكون رب أسرة يومًا ما.

لا بد من تصديق الحقيقة.. مهما كانت مريرة.

حُكِمَ عليه أن يقضي عمره وحيداً.. كما حكمت علا على نفسها من قبل..
فلتتخذ من روان ابنة له ويكفيه أسرته التي تحبه حقاً- والدته وعلا وروان-
دون الحاجة لتسوّل مشاعر الحب من أي فتاة.

فمن مثله.. ليس من حقه الحب .

عاد عمر للمنزل متأخراً.. استقبلته والدته بلهفة:

- مكنتش بترد على تليفوني ليه؟؟ قلقتي.

- كنت ناسي التليفون في العربية وكنت في مشوار.. كنتي عايزة حاجة؟

- إيه اللي حصل؟

- قصدك إيه؟

- ألفت كانت هنا ويقول انت مشيت من عندها زعلان ومردتش تحكي حاجة..
يقول كانت جاية تصالحك.

- كثر خيرها.. إبقي قوليلها ان كل شيء نصيب.

- يا ابني متقولش كده.. دي أكيد عين وصابتكم.

ردّ عمر حاسماً:

- ماما.. الموضوع ده انتهى ومش عايز كلام فيه ثاني.. روان عاملة إيه؟

أراد تغيير دفة الحديث، ولكن والدته أجابته باختصار:

- نايمة هي واختك.. ما تفهمي إيه اللي حصل لكل ده.

- اللي حصل إن بنتها غايرتني بعجزي.. اتخطبت لي علشان كانت فاكراني معايا فلوس زي زمان.. لما عرفت الحقيقة واجهتني هي كمان بالحقيقة.

قاطعته والدته بعدما شعرت بصوته المخبث وهو يشيح بوجهه عنها متجنباً لغرفته ووالدته تتبعه:

- ولا تزعل نفسك.. والله يا ابني انت ما فيه زيك وألف واحدة تتمناك.

جلس على طرف السرير، وضع عكازيه بجواره وانحنى يخلع حذاءه:

- الله يخليكي سيبك من موضوع الجواز ده خالص.. أنا كده هبقى مرتاح أكثر.

دبت الأم على صدرها.. وجلست أمامه:

- يا مصيبيتي فيكم انتم الاثنين.. أختك تقولي مش هتجوز وانت كمان تقولي مش هتجوز.. مش مكتوبلي اقرح بيكم واشوف ولادكم حواليا.

ربت عمر على يديها:

- إن شاء الله روان تقوم بالسلامة وتفرحي بيها وتشوفها عروسة.

تمسألت الأم بعينين دامعتين:

- وانت؟؟ واختك؟؟ خلاص كده حكمتوا على نفسك تترهبنا.

ردَّ عمر بصوت يقطر ألماً:

- مش هستحمل اني اتخدع ثاني.. إحساس وحش أوي لما اكتشفت ان نيفين مكنتش طابقاني.. يعني الوقت اللي كنت بعمل كل حاجة تطلها لمجرد اني بحبها وعازب أسعدها.. كانت هي بتعتبر ده مقابل لشققها عليا.. كل كلمة حلوة

قالت هالي كانت بتقولها وهي مش حاساها.. وانا كنت عبيط.. مش عايز احسن الإحساس ده ثاني.. مش عايز احس اني عبيط.

لمعت الدموع في عينيه، ولكنه حاول ألا تسقط أمام والدته، يكفيه ما يشعر به من نقص.. يكفيه ضعفه.. يكفيه الحزن الذي يكاد يحطمه تحطيمًا.

أرادت والدته أن توجّل سؤالها للغد.. ولكنها لم تستطع صبرًا.

فسألت: هو انت اتفقت على العملية أزاى؟؟ جبت فلوس منين يعني؟

ردّ عمر بنفس نبرة الحزن التي تسكن قلبه:

- اتفقت على بيع المحل.. مكنتش قدامي حل ثاني.

رددت الأم كلماته بفرع:

- محل ابوك؟؟ ده آخر حاجة متبقية لنا.

حاول طمأنتها:

- مكنتش قدامي حل ثاني.. فلوس المحل كانت هتكفي عملية روان والباقي كنت

هقسسه بيني وبين علا.. كنت هتجوز بنصبي.. بس بعد اللي حصل ده محاول

اشوف محل ثاني يكون أقل شوية بعد ما اطلع الفرق للعملية.

صممت الأم.. صممتا مزدحمًا بالأفكار.. سألته متأكدة:

- انت اتفقت مع حد ولا لسه؟

- اتفقت مع الحاج عبد الوهاب.. بيدورّ على محل من فترة واول ما كلمته على

المحل اتفقنا.

نهضت الأم وهي تنهي الحوار:

- طيب استني ومنكتبش عقود... يمكن منحتاجش نبيع المحل.

سألها بتعجيب:

- ازاي؟؟ اللي متبقي من العملية الأولائية ميجيش حاجة من المطلوب

- أنا متصل بخالك الصبح اشوف يقدر يسلفني كام.. إن شاء الله نكمل
الفلوس ومنحتاجش نبيع المحل.

ردد عمر وقد بدأ الأمل يلقي شعاعاً خفيفاً أمام ناظره:

- يارب.. يارب تتحل ومنبيعش المحل..

منذ سقوط روان وبدء ألامها.. وعلا تعيش مرحلة حزن جديدة في حياتها
متعاقبة الأحزان.

كل دقيقة تمر تخشى أن تكون الأخيرة التي تجمعهما.. تخشى أن تباعد عنها
لحظة فتعود ولانجدها.. فقدت الغالين ولم تعد تتحمل فقد آخر.. تقضي
طوال الوقت جالسة بجوارها.. تراقبها إن غفت وتقبّل يديها وقدميها.. ثم
تهض وتصلي في الليل والنهار وتطلق لدموعها العنان في سجودها وهي تدعو
الله أن ينجّها.. وما إن تستيقظ روان حتى ترسم علا ابتسامة على شفتيها حتى
تخفف من آلام ابنتها.. تحكي القصص المسلية.. تشغل قنوات الأطفال التي
نحبها.. تجلب لها كل ما تحب.. ولكن الآلام التي تنخر في عظامها تجعلها تبكي،
تزهّد ما تحب، ترفض الحلوى والقصص والأفلام.. تسأل والدتها:

تستطيع من خلالها أن تستشعر لمسات أيمن فيها.. فمند أن أهداها لها..
وحينما كانت ترتديها بصحبته.. ارتبطت ارتباطاً شرطياً بوجوده ومنذ وفاته لم
تستطع ارتداء أي شيء منها.. قريت منذ سنوات أن تبقيها في علبتها حتى لا
تفقد أثر أيمن.. قبلة تتجه إليها كلما غلبها الحنين.

كم هي غالية عليها.. ولكن.. لن تكون أغلى من روان.

الذكرى الحقيقية والأثر الأغلى الذي يحمل دمها ودمه.. صفاتها وصفاته..
ملاحمها وملاحمه

أعادتها إلى مكانها حينما سجدت باب الشقة نفاث.. فتأكدت أن الجارة الزائرة
قد غادرت للتو.. خرجت لتجلس مع والدتها وتخبرها بما تفكر به.

sa7eralkutub.com

قبل أن تتحدث، رن هاتف والدتها، فردت وهي تخبرها أن المتصل عمر..
كلمات قليلة بعدها أغلقت وزفت إليها البشرى.

- أخوكي اتفق مع الدكتور والعمليّة يوم السبت.. بس لازم تدخل المستشفى
الجمعة الصبح.

لم تصدق علّا أن المشكلة خلّت بسهولة.. فتساءلت بفرحة:

- بجد؟؟ متعمل العمليّة يوم السبت؟

- إن شاء الله.. ربنا يقومها بالسلامة يارب.

- وعمر جاب فلوس منين؟

أجابتها والدتها بحيرة:

- مقالش.. قال الكلمتين وقفل على طول.

ومسألتهموش ليه؟

حسيت من كلامه انه مش عارف أو مش عايز يتكلم.. شوية ومكلمه افهم منه.

«سمعت علا.. شعرت بالراحة والأمل في أن ترى روان تمشي مرة أخرى على قدميها.. قالت الأم:

روان لسه نائمة؟

«أه الحمد لله الحفنة اللي أخذتها سبكت الألم وخليتها تعرف تنام.

طيب ما تقومي تنامي لك شوية قبل ما تصحى.. انني ميبتناميش.

نهضت علا.. فبعد أن اطمأنت، تسلفت إليها الرغبة في النوم وإراحة عقلها من التفكير وجسدها من الإجهاد.

استيقظت علا بعد فترة لم تعلمها على صوت باب الشقة.. نظرت إلى روان وجدها مازالت نائمة.. سمعت صوت عمر.

نهضت بهدوء كي لا توقظ روان.. تسلفت من الغرفة متجهة لغرفة عمر كي تشكره وتسأله عن تفاصيل ما حدث.

بمجرد اقترابها من غرفة عمر، سمعت الحديث الدائر بينه وبين والدته، علمت أنه فسخ خطبته، علمت أنه فكر ببيع المحل لعمل العملية لروان.. سمعت صوت حزنه وضعفه وعجزه.

تأملت كثيراً، وسالت دموعها على وجنتيها.. لم تعلم كيف تنصرف.. هل تدخل وتخبره أنها تشعر بألمه، وأنها لن تحمله فوق طاقتها.. هل تنسحب بهدوء وتحترم حزنه ولا تشعره أنها سمعت ما دار من حديث.

لحظات التفكير.. أخرتها عن التصرف حتى وجدت والدتها تخرج من الغرفة وتتفاجأ بها.

فسالها: إيه ده؟؟ انتي صحيحتي؟

فاقتربت على استحياء ودخلت لعمر، جلست بجواره مطأطئة الرأس.. فسمعت صوته يردد بحنان:

- متقلقيش.. العملية هتعمل وهرجع تجري وتلعب وتنور البيت تاني.

أدارت رأسها ناحيته.. ألقت برأسها على كتفه وظلت تبكي وهي تقول:

- أنا حاسة بيك والله يا عمر.. عارفة انك بتعمل كل اللي تقدر عليه علشاننا.. بس كفاية كده.. مش لازم تضحي بخطيبتك وسعادتك علشاننا.. أنا فكرت، وفلوس العملية هحاول ادبر اللي أقدر عليه.. شبكتي زمانها دلوقتي تجيب مبلغ كويس.. وهروح لمامة أيمن اطلب منها اللي تقدر عليه.. كفاية أوي فلوس العملية اللي فاتت.

ظل عمر يربت عليها بحنان وحب.. وينظر لوالدته التي وقفت تراقبهما بدموع عينها دون أن تتكلم.. تغلّب على حزنه وضعفه وتصنع القوة.

- شششش.. فلوس إيه اللي بتكلمي فيها.. أهم حاجة روان تقوملنا بالسلامة.

عادت برأسها للوراء.. ونظرت في عينيها:

- اوعي تبيع المحل يا عمر.. هو اللي سائرنا ومحلنا.

- حاضر.

- وبكرة الصبح خُذ الشبكة شوف هتجيب كام ونشوف هيبقى فاضل أد إيه.

ردّ بعزن وقلة حيلة: بس انا عارف انها غالية عليكي.

ردّت وهي تحاول الابتسام. وتصبّع عدم الاهتمام:

- مش أهم ولا أغلى من بنتي.

قالت الأم: الحمد لله.. ربنا اهو بيبعتلنا حلول من عنده.. الصبح تروح تبيع

الذهب.. ونشوف فاضل كام وأقول لخالك يسلفني الباقي.

رغم الحزن.. والقلق.. والألم.. إلا أن هناك شعورًا ما بالراحة بدأ يتسلل

لعمر.

وكانما اللحظة التي انفصل فيها عن نيفين، بدأت كل التعقيدات تُحل

تدرجيًا.

في الأيام الماضية، شعرت حنان بالرضا مما حدث.

فبعد أن ذهبت للقاء إسراء وقدمًا أوراق التقديم للوظيفة، عادت وهي

متشوقة لتعرف رد فعل والدها. تأخرت متعمدة حتى تعود بعده.. بالفعل..

عادت أثناء تناولهم جميعًا الغداء

فوحى والدها بأنها آتية من الخارج.. كان يظن أنها بغرفتها كالعادة. لاحظت

حنان دهشته، ولكنها تجاهلته تمامًا ودخلت غرفتها.

بمجرد أن أغلقت الباب خلفها، أرهفت السمع فجاءها صوت والدها يسأل
بجدّة: هي كانت فين؟؟

رد أحمد سريعاً: كانت بتقَيِّم على شغل مع إسراء.

احتد الأب، وارتفع صوته قائلاً:

- شغل إيه وزقت إيه.. ومين قالها تنزل أصلاً.. وأزاي تنزل من غير إذن.. إن كنت بوافق اخلها تنزل معاك ده مش معناه انها تنزل كل يوم بحجة شغل وزقت.. كفاية أوي اللي حصل بسبب تشفان دماغها.

سأل أحمد بضيق:

- وهي إيه اللي عملته علشان يتحكم عليها بالحيس مدى الحياة؟

- فضحتنا.

- فضحتنا؟؟؟ بعد كل اللي حصل ده وبتحمّلها المسئولية مع إن كلنا عارفين كويس مين السبب الحقيقي.

ظلت واقفة خلف الباب.. دموعها تهمر في صممت وهي تتذكر ما مورت به من قبل.. وتتذكر كلمات والدها من قبل التي أدت إلى انهيارها، لكنها شعرت أنها هذه المرة أقوى.. يكفها أن أحمد جوارها.. يتحدث بلسانها.. يدافع عنها.. وجوده يقوّيها إلى حدّ ما.. مازالت لاتقوى على مواجهة الحياة والناس، ولكن أحمد يستطيع حمايتها.

أما والدها فقد عجز عن الرد.. وراوده شعور بتأنيب الضمير، فسأل بانكسار: قصدك انا السبب؟

شعر أحمد بالحرج، فحاول الخروج من المأزق:

التي حصلت حصل خلاص.. خلينا في اللي احنا فيه.. سيبها تنزل وتشتغل
وارجع لفتحها بنفسها وبالناس.. سيبها ترجع حنان بتاعة زمان.

سمعت الأب وعاود استكمال تناول الطعام.. سمعت حنان من خلف الباب
أسوات الملاعق تحتك بالأطباق فعملت أن الكلام انتهى.

ولفت أمام المرأة تنظر لوجهها الشاحب وجمالها الذي انطلقاً وعينها
العزيزتين.. ابتسمت لنفسها ابتسامة رضا.. فهاهي قد عاندت والدها وفعلت
مالا يرضاه.

مازالت عند قرارها أنها لن تعمل، لن تتعامل مع الناس مرة أخرى، لكن
سيظل قرارها غير معلن حتى تكسب وقتاً أطول في عناد والدها.. وليعلم أنها
لستطيع أن تفعل أي شيء دون رغبته.. فليأكد أنه لم يعد متحكماً بها.

أيام قليلة مرت، وعادت الحياة كما هي؛ حنان في عزلتها تستنثي منها فقط
أحمد وإسراء.. تتجنب والدها تماماً والمعاملة عادية مع والدتها.

في ظهر الخميس.. وحنان تطهو الطعام مع والدتها.. سمعت صوت الباب
يفتح ويغلق وصوت أحمد ينادي.

خرجت الأم وحنان.. وجدت أحمد جالساً على السفرة واضعاً أمامه كيس
بلاستيك أسود، وأخرج منه ظرفاً كبيراً ممتلئاً بالنقود.

سألته والدته: إيه الفلوس دي؟

أجابها: دول 50 ألف جنيه، سحبتهم من البنك التهادرة.

الأم: ليه؟

أحمد: مش قللتكم اتي متفق مع سمسمار هيورييني بكرة كام شقة.. فقلت بيلي
معايا فلوس علشان لو عجبتنا حاجة ندفع مقدم وابقى اكمل الفلوس أي
وقت خلال الإيسبوع.. فرصة ان بكرة أجازة.

دعت له الأم: ربنا يسئلك أمورك ويتم لك على خير.

سألته حنان: هتروح انت وإسراء ولا انت لوحدة؟

أجابها أحمد: أنا وانتم وهي ومامتيا وباباها.

أرادت حنان أن تتأكد: إحنا مين؟

أحمد: أنا وانتي وماما وبابا.

تراجعت حنان واتجهت للمطبخ وهي تتعلل بمبرر يعلم الجميع أنه غير
حقيقي.

- انتوا لسه هتتفرجوا.. خليفي انا لما تجيب الشقة إن شاء الله أبقى احي معاك
اشوقها.

دخلت المطبخ.. فقالت الأم بصوت منخفض:

- خليها.. ما دام عرفت إن ابوك رايح معانا مش هترضى تيجي.

نهض أحمد من مكانه وهو يؤكد على والدته:

- خلي الفلوس معاكي وادبها لبابا، أنا هروح اغيّر هدمومي ونازل.

- انت مش شغلك بالليل؟؟

- أيوة.. بس هتفدا مع إسراء وبعدين نخرج شوية واطلع ع الشغل من برة برة..

وقولي لبابا ان ميترلز يصلي بدري.. يصحيني علشان تروح نصلي الجمعة مع
بعض ونقابل السمسمار من برة برة.

هو المعاد الصبح؟

أه بعد الصلاة.. ابقى انزلي صلي معنا.

أها مش هينفع انزل بكرة الصبح.. خلاص خليني مع اختك وبدل اللف معاكم
أهلى احي اشوف اللي اختارتوها وخلاص.

دخلت روان المستشفى الجمعة صباحاً؛ كما اتفق عمر مع الطبيب. ذهب
معهم طارق والدته.. واطمأننا لاستقرار روان بفرفتها. وأجرى بعض الأطباء
كشفاً سريعاً وأخذوا عينة دم لتحليلها.

بعد الأذان.. استأذن طارق وعمر في الذهاب لصلاة الجمعة في مسجد
المستشفى.. بعد أدائهم الصلاة.. جاء طارق وأخذ والدته واستأذنا في المغادرة..
وذهبا.

أقامت روان بفرفة من غرف الدرجة الأولى. في الدور الثالث، في نفس دور
غرفة العمليات.

سمعوا جلبة بالخارج والصوت يقترب..

خرجوا ليستطلعوا الأمر.. فتوقفوا أمام مشهد يدمي القلوب.

رنَّ جرس الهاتف الأرضي. فتجاهلته حنان كعادتها. وذهبت والدتها للرد:

- ألو.

قالتها هادئة.. ثم صرخت

- رصاصة إليه؟؟ مات؟؟

شعرت حنان برجفة في قلبها.. من تقصد والدتها؟ ومن المتحدث؟؟

ترى.. هل أحمد المقصود أم المتحدث؟؟ هزت رأسها بعنف رافضة للسؤال حتى لو كان في نفسها، ولم يصل للسانها بعد.. تتمنى لو كان المتحدث أحمد وأن يكون بخير.

تتخيل أن المقصود والدما.. تتألم.. تشعر بالخوف عليه.. تجرّ قدمها لي اللحظات القليلة التي مرت كدمر.

وقفت أمام والدتها.. نظراتها تستجديها التوضيح، سمعتها تكمل وهي تبكي:
- مستشفى إليه؟؟ حالاً.. حالاً.

أغلقت الهاتف وهي تبكي وتجري نحو شرفتها.. وتصبرخ:

- أخوكي اتضرب بالنار.. إليسي بسرعة.

قنبلة شديدة الانفجار ألقيت على مسامع حنان حتى شعرت أن الدنيا كلها تهتز بعنف جراء الانفجار.

لحظات لم نستطع استيعاب كلمات والدتها.. أحمد؟؟ كيف؟؟ ولماذا؟؟

لم يكن يوماً له عدو أو من الأشخاص مفتعلي المشاكل.. كل من يعرفه يحبه ويعتبره.. هل له عدو ما لم تعرفه، تربص به ليقتله؟

قتل!! أحمد قُتل حقاً؟؟ هل مات أم مصاب؟؟

ركضت وسحبت ملابسها من دولابها وخرجت وهي ترتديها في الطريقة بين
الدخول وغرفة والدتها؛ فالوقت لا يسمح أن تسأل ثم ترتدي ملابسها أو
العكس. فمالت والدتها وهي تبكي وترتدي ملابسها في آن واحد:

• مين اللي ضربه؟؟ وهو عايش ولا...

سكنت ولم تستطع إكمال كلماتها.. ردت والدتها بصوت يرتعش من الخوف
على أبنها:

• معرفش.. كل اللي أبوكي قاله إنه اتضرب بالنار ورايحين على المستشفى.

قالت حنان وهي تحاول طمأنة نفسها والدتها:

• مستشفى يبقى اتصاب بس.. يعني هو بخير؟

• معرفش.. هنروح ونشوف.

استبقنا الباب، وكل منهما تدعو أن يكون بخير.

* * *

- 12 -

الألفه ..

بداية

نوقف عمر وعلا ووالدتهما أمام مشهد لشاب يجري به الأطباء ومواقم تمرض وهو يتزف كثيرًا، ووالده يجري خلفه.

نداء في المستشفى لطبيب.. ممرضين يدخلون ويخرجون من غرفة العمليات.. عامل أتى ليمسح الدم الذي سال على الأرض.

دقناق.. ودخل أحمد غرفة العمليات.. ووالده يقف وحده في الخارج يبكي.

تأثرت علا ووالدها ودمعت عيناهما.. ودخلا الغرفة. بينما اقترب عمر من الأب الذي يقف وحيدًا.

- إن شاء الله خير.. ربنا يطمئنك.. أي مساعدة أقدر أقدمها لك.

ردَّ الأب ووجهه غارقًا في دموعه:

- ادعيله.. دي أكثر حاجة هو محتاجها.

أتت إسراء ووالدها ووالدها يهرولون.. إسراء تبكي بشدة وهي تسأل:

- أحمد فين يا عمو.. إيه اللي حصل بعد ما كلمتي؟

ووالدها يسأل: ازاي ده حصل؟؟ طبيب هو أخباره إيه؟

والأم تسأل: مين اللي ضربه وليه؟؟

الأسئلة متلاحقة.. متداخلة.. كل يسأل في وقت واحد.. وكلما أراد الأب الإجابة

على سؤال تبعه سؤال آخر قبل أن يجيب السؤال الأول.

انتظر حتى انتهت الأسئلة.. وبدأ يحكي:

- إحنا كنا جايين في المعاد عادي... واحنا في الميكروباس السمسار فضل يتصل واحمد يكتسل... كنا فاكرينه بيستعجلنا.. أول ما نزلنا من الميكروباس ومشينا شوية لقينا الدنيا هرج ومرج وناس بتجري.

قطع كلامهم صوت بكاء والدة أحمد وهي تهول نوحهم وحنان بجوارها تبكي.. بمجرد أن اقتربت سألت زوجها :

- أحمد جراه إيه؟؟ مين اللي عمل فيه كده؟

ربت الأب عليها محاولاً تهدئتها:

- ادعيله انتي بمن ربنا ينجي.. كل اللي حصل، حصل في لحظة.

اقتربت حنان من إسراء وكلتا هما تبكي في حضن الأخرى.

حنان باكية: إيه اللي حصل يا إسراء؟؟

إسراء باكية هي الأخرى: معرفش.. باباكي كان بيعكي.

شعر عمر بالحرج لوجوده وسط عائلة لا يعرف أحدًا منهم، فتراجع خطوات وابتعد نسبيًا وقد تملكه الفضول لسماع تفاصيل ما حدث، سأل والد إسراء:

- كمل.. وبعدين إيه اللي حصل؟

فقال والد أحمد مكرراً كلامه حتى يحكي مرة أخرى لزوجته ما حدث: اول ما نزلنا من الميكروباس ومشينا شوية، لقينا الدنيا هرج ومرج وناس بتجري، والسمسار اتصل ثاني فاحمد رد عليه.. أثاره كل ده بيتصل علشان يقولنا منجيش علشان فيه مظاهرات والدنيا والعة.. ساعتها كنا قربين منه.. أول حاجة أحمد عملها إنه اتصل بإسراء علشان يلحقكوا متجوش.

رد والد إسرائيل:

- وفضلتوا ليه.. مبعدتوش عن القلق بسرعة ليه؟-

بكي والد أحمد وهو يحكي:

- ملحقتناش.. في لحظة لقينا حوالينا الناس بتجري وعساكر وقنابل مسيلة للدموع وناس معاهم أسلحة.. وصوت عالي.. لسه بقول لأحمد يالا بسرعة. وانقطع صوته بالبكاء:

- لقيته وقع جني وهو بيصرخ من الألم والدم بيترف من رجله.. كام شاب جروا عليه شالوه لمدخل عمارة. صرخت إسرائيل مستنكرة:

- مدخل عمارة؟؟ سايبينه يترف ويتحط في مدخل عمارة.

الأب: يا بنتي الناس كلها خايفة.. وواحد قالي هيشاور لأي عربية نلحقه فيها.. مكتاش لسه هستنى الإسعاف لما بيعي وبعالم مبيعي إمتى ولا يوديه على مستشفى إيه.

والد إسرائيل: يعني مين اللي ضرب عليه؟؟ شرطة ولا متظاهرين؟

الأب: ولا اعرف ولا حد يعرف.. ومش هو لوحده اللي اتضرب بس كل واحد راح في حته.

الأم: يا حبيبي يا ابني.. ده نازل فرحان انه خلاص بيجتاز للجواز يتغير بيه كده.. منهم لله اللي عملوا كده.. ربنا يحرق قلوبهم على ضناتهم زي قلبي ما هو محروق كده.

عاد عمر لغرفة روان والحزن يرتسم على ملامحه.. سألتته والدته:

- ماله يا عمر؟؟ وأهله دول اللي عدّوا من شوية؟

ردّ عمر بآلم: آه أهله وشكلهم يقطع القلب.. اتضرب في مظاهرة.. يقولوا عريس كان بيجهز لجوازه.

الأم بشفقة: يا حبيبي.. يارب طمن قلب امه عليه وقومّه بالسلامة.

ساد الصمت بينهم.. وكأن رؤيتهم لاحمد غارقاً في دمانه أيقظت في قلوبهم ذكرى مؤلمة يتناسوها جميعاً.

وقت الانتظار مميت.. جفت الدموع وساد الصمت والألسنة ظلت تلهج بالدعاء.. حتى فُتح باب غرفة العمليات أخيراً وظهر الطبيب، فانتفضوا جميعاً.. والكل يسأل عن حالة أحمد

طمأنهم الطبيب: ايه يا جماعة انتوا قلقانين ليه؟؟ الرصاصة جت في الفخذ بس الحمد لله بعيد عن الشريان.. بسيطة يعني خلاص الرصاصة طلعت وهيخرج في غرفة عادية كام يوم وهيبقى بخير.. حمد الله على سلامته.

رددوا جميعاً كلمات الحمد والشكر لله الممتزجة بالدموع.. دموع فرحة واطمئنان بعد كلمات الطبيب.

جلس الجميع في غرفة أحمد، ينتظرون إفاقته ليطمئنوا عليه.

حنان وإسراء تجلسان متجاورتين على كنبه كبيرة أمام سرير أحمد..
 بجوارهما والدة إسراء.. بينما تجلس والدته على مقعد مجاور له.. ويجلس
 الأبوان على السرير المقابل في انتظار الاطمئنان على أحمد.
 نظرات الجميع معلقة على أحمد.

اهتزت جفون أحمد، فاقتربت والدته من يده تربت بحنو:
 - أحمد.. سامعني يا ابني؟

نهضت حنان وإسراء واقترب الجميع من السرير.
 أمسكت حنان بيده ثقيلها وهي تبكي.. شعرت به يضغط بضعف على يدها..
 فعدت به بسرعة:

- أحمد.. قوم يا أحمد طمني عليك.
 فتحدث بلسان ثقيل:

- أنا كويس.. بابا.. إسراء.. كويسين؟
 ردت إسراء.. ووالده:

إسراء: كلنا كويسين.. المهم انت.

الأب: حمد الله على سلامتك.. ياريتني كنت مكانك يا ابني.
 فتح أحمد عينيه ببطء.. نظر لهم جميعاً.. حاول الابتسام رغم ألمه:
 - متعلقوش.. بس فتمولي رجلي حصل لها إيه؟
 رد والده مطمئناً له:

- الحمد لله يا احمد... الرصاصة جت في رجلك وخلاص الدكتور طلعتها وطمنا.

رددوا جميعا بأصوات مختلطة

- الحمد لله.

- ربنا يقومك بالسلامة.

- ربنا يطمنا عليك.

بعد الاطمئنان على أحمد، في بداية المساء غادرت إسراء المستشفى مع والديها.

بعد مغادرتهم، مال والد أحمد على زوجته وهمس في أذنها:

- يدوب نرووح قبل معاد الحظر.. قوليلها تبجي تروح معايا.

قالت الأم لحنان: يالا يا حنان علشان تروحي.

اعترضت حنان: أرووح فين؟ أنا مش همشي.

ذكروها والديها: المستشفى قالوا المرافق واحد بس.. ممنوع اكثر.

صححت لها حنان: ما أنا اقصد إن أنا اللي هبات معاد.

احتدت الأم: إزاي انتي اللي بتاتي.. أنا مش مسيب ابني.

ردت حنان بتعج: وأنا مش مرجع البيت من غيرك ومن غير أحمد.

ابتعدت خطوات ووقفت أمام النافذة.. استيقظ أحمد من غفوته دون أن يدرك ماذا حدث.

همس الأب: سيبها وتعالى انتي... هي مش عايزة تيجي علشان متعدهش معايا.
سألهم أحمد: فيه حاجة؟

أجابته حنان مطمئنة وهي تقترب منه: لا أبداً.. انت عامل إيه دلوقتي؟
رد بصوت متألم: رجلي بتوجعني أوي.
ربتت على يده:

- تلاقي مفعول المسكين بدأ يروح.. أهم حاجة متتحركش زي ما قالوا.
وافقها أحمد: فلم يكن باستطاعته الحديث من شدة الألم، ولكنه يخشى أن يتألم كي لا يقلقون.

خلال ساعة، كانت حنان وحدها في الغرفة مع أحمد، والمستشفى هادئة إلى حد ما بعد أن غادر كل الزوار ولم يتبق سوى المرضى ومرافقهم والعاملين بالمستشفى.

مع إرهاق اليوم ونوم أحمد وهدوء المستشفى، شعرت حنان بالرغبة الملحة في النوم. فنامت بعد أن اطمأنت من الممرضة على أن المسكنات التي أخذها أحمد ستجعله ينام بهدوء.

نامت حنان بملابسها التي أنت بها.. نوم متقطع ولكنها كانت بحاجة ملحة للنوم فنامت ساعات طويلة.. استيقظت لتجد الساعة الثانية صباحاً والمرضة تضع العلاج في المحلول المعلق بجوار أحمد.

انتظرت حتى خرجت الممرضة من الغرفة ثم دخلت الحمام.

عادت وجلست بالقرب من أحمد... تتأمله وهو نائم وتمسح بيدها على وجهه.. نادته بهدوء فلم يرد عليها.. أحكمت الغطاء عليه وقللت من درجة الميزد، وجلست على السرير المقابل.

رغم اعتيادها على وحدتها وعزلتها.. إلا أنها شعرت بالملل.

جلست تقيّب في قنوات التلفيزيون.. ارتفعت من كم قنوات الأخبار التي تتحدث عن المظاهرات والقتلى والمصايين.

نظرت لأحمد النائم قبالتها، وسالت دموعها وهي تتخيله وقت الحادث وتقارن بما تراه على الشاشة.

أغلقت التلفيزيون ومسحت دموعها، نهضت بعدما شعرت بالجوع وقفت على باب الغرفة تنظر حولها، فوجدت المكان هادئاً وعلى مرمى بصرها بعيداً ممرضتان تجلسان تتحدثان.

أغلقت باب الغرفة خلفها وذهبت إليهما.. أثناء مرورها بالغرفة المجاورة سمعت بكاء طفل أو طفلة - لم تستطع تمييز الصوت تحديداً - وذهبت للممرضتين.. سألتهما بهمين:

- هو فيه مكان هنا جوه المستشفى ممكن اشتري منه حاجة أكلها؟

ردت إحداهما: أه.. الدور الأرضي أسالي على الكافتيريا هتلاقي هناك كاتنين اشتري منه اللي انتي عايزاه، ولو عايزة تقعدي تطلي حاجة براحتك.

شكرتها حنان.. وذهبت.

عندما عادت حنان بعد قليل.. وأثناء مرورها بالغرفة المجاورة، كان الباب مفتوحاً فتباطأت ونظرت للداخل، رأت روان مازالت تبكي والممرضة بجوارها تضع حقنة في المحلول المعلق.. تأملت حنان على الطفلة التي تبكي ألماً، وجدت نفسها تقف ترأبب الصغيرة ولا تتحرك.. بل مشاعر الأمومة التي عجزت عن تحقيقها هي التي تحركت وجعلتها تبتسم للصغيرة عندما تلاقت عيناهما.

وكان عيني الصغيرة وابتناسها مغناطيس جذب حنان لداخل الغرفة.

تعجبت علا من الزائرة التي لم تها من قبل: فمن المؤكد أنها لاتعمل في المستشفى: فهي لا ترتدي الزي الطبي أو التمريض أو الطبييات.. من هي التي تحمل بعض الحلوى وتبتسم بحب لابنتها؟

sa7eralkutub.com

وقفت حنان بجانب روان، ومسحت على شعرها بحنان:

- بتعيطي ليه؟؟ حاجة بتوجعك؟

ردت روان بهدوء: رجلي بتوجعني.

فأعطتها حنان قطعة شيكولاتة وهي تقبّلها:

- إن شاء الله هتخفّي وتبقي كويسة.

قاطعتهما علا:

- لا متاكليش يا روان علشان العملية الصبح.

واعترضت بأدب لحنان:

- معلش أصل الدكتور قال تبقى على صيام.. تاكلها إن شاء الله لما تقوم بالسلامة.

تفهمت حنان الموقف.. وقالت:

- ربنا يغلها لك وتقوم بالسلامة.

سألها علا مباشرة:

- انتي مش بتشتغلي هنا.. صبح؟

فأوضحت حنان: صبح.. أخويا في الأوضة اللي جنبكم هنا، وأنا معدية سمعتها بتعيط.

والتفتت لروان:

- مقلتلش اسمك إيه؟

- روان.

أجابتها روان.. قمالت عليها حنان ثقيلها.

- وأنا حنان.. هبقى اظمن عليك الصبح بعد العملية إن شاء الله.

سألها علا مرة أخرى:

- هو اخوكي اللي اتضرب في المظاهرة؟

حنان: أه.

علا: وهو عامل إيه دلوقتي؟

حنان: الحمد لله.. ربنا ستر والرصاصة مجتش في مكان خطير.

علا: ومين اللي عمل كده؟

حنان: الله أعلم.. حتى في التحقيق اللي اتعمل يادوب أخذوا أقوال بابا وزي مايكون مجرد إجراء روتيني ومش هيعصل حاجة.. محسیناش بالاهتمام اللي المفروض يحصل.. ده واحد اتضرب بالنار يعني كان ممكن لا قدر الله...

لم تستطع حنان استكمال كلماتها.. فبررت علا:

- هيدوروا على مين ولا مين.. إحنا بقينا في بلد الدم فيها رخيص أوي.

لم ترد حنان: فالكلام عما يحدث يصيبها بالكآبة وهي في غنى عن المزيد منها.. فرصيدها يكفي ويفيض.

استأذنت حنان:

- بكرة الصبح ان شاء الله هطمن على روان واشوفها قبل العملية.

- على فكرة روان مسكتتش إلا لما جيتي.. لو اخوكي نايم وانتي مش هتنامي دلوقتي.. اقعدى معانا شوية.

اقتراح علا جاء لحنان من السماء: فقد كانت في أشد الحاجة للصحبة للخروج من الملل الشديد الذي تشعر به.. خاصة صحبة روان ووالدتها.. والتي شعرت معها بالفة.. غير معتادة عليها.

فكرت قليلا ثم قالت:

- مروح اطمن على أحمد ولو لقيته نايم مرجعلكم..

مرت الساعات سريعة في صحبة علا وروان.. صحبتهم قتلت الملل الذي شعرت به حنان قبل تعارفها عليهما.

ووجودها خفف على علا الألم الذي تشعر به مع آلام روان وصرخاتها.

تبادلا أحاديث عامة.. لم تحكِ أي منهما عن أي تفاصيل حياتية سابقة.. فلم تعرف إحداهما عن الأخرى سوى اسمها وحالة نزولها في المستشفى.

بعد الشروق بقليل وبعد نوم روان، استأذنت حنان للذهاب للنوم قبل موعد الزيارة ومجيء أهلها. قبّلت روان وهي نائمة وكررت على علا أنها ستطمئن على روان مرة أخرى بعد استيقاظها.

تحسنت صحة أحمد قليلاً: فالألم كان أقل من أمس. امتلأت الغرفة بإسراء وأهلها، ووالدي أحمد.

انسحبت حنان مهدوء حتى تتجنب والدها أثناء وجوده.. وقفت أمام باب الغرفة فشاهدت علا أمام غرفة العمليات. تقدمت حنان بخطوات بطيئة، وجدت علا جالسة أمام غرفة العمليات وبجوارها شاب يحاولها بذراعه ويربت عليها، ومن الواضح أنه يواسيها ويطمئنها بكلمات لم تسمعها وبجواره سيدة مسنة. من المؤكد أنها والدته أحدهما.

توقفت عندما شعرت أنها ستكون دخيلة على زوجين، ابنتهما تجري عملية جراحية.. استدارت للعود، ولكنها سمعت:

- حناااان.

التفتت مرة أخرى لتجد علا تناديهما، فتقدمت نحوها تسألها:

- روان أخبرها إيه؟

- دخلت العمليات من نص ساعة تقريبًا.. ادعيها.

- ربنا يطمئنك عليها.

جلست بعيدة نسبيًا، ورغمًا عنها عيناها تراقبان علا والرجل الذي يواسيها بحنان.. انتهت لعكازين بجواره فأبعدت عينيها فورًا حتى لا تحرجهما بتطفلها غير المقصود.. وخافت أن يكتشفا نظرة الإشفاق التي صدرت عنها دون قصد.

بعد خروج روان من العمليات، وبعد وصولها لغرفتها، ترددت حنان: هل تذهب لتطمئن عليها أم تنتظر حتى المساء بعد ذهاب أهلها.

عندما وقعت عيناها على الصغيرة، ورأتها ساكنة لا تتحرك والضعف والعجز يبدوان عليها.. تأثرت ورق قلبها أكثر من أمس، فوجدت نفسها تنساق خلف مشاعرها وتذهب للصغيرة، وقفت على باب الغرفة من الداخل. سألت علا المريضة: هي متفوق إمتي؟

المريضة: متقلقيش.. هي فاقت خلاص.. كلمها وشوية وهترد عليكى.

ظلت علا ووالدتها تتاديان على روان بهمس قلِق:

عاد عمر للغرفة.. فسألته علا:

- الدكتور قالك ايه؟

عمر ياطمننان: الحمدلله.. العملية تمام ومتبقى كويسة إن شاء الله.

شعرت حنان بالحرج من صمتها.. فقالت لعلا:

- حمدالله على سلامتها يا علا.. شوية وهاجي اطمئن عليها تاني تكون فاقت إن شاء الله.

ردت علا وهي تشكرها:

- متشكرة جداً يا حنان على وقفك معايا، مش عارفة أقولك إيه واشكرك
ازاي.

ردت بخجل: علي إيه بس؟.. ربنا يطمئنك عليها.

ردت روان على جدتها بصوت متقطع:

- ماما.. فين.

أسرعت علا واقتربت من ابنتها، وعمر والدته يتحدثان إليها ليطمئنا أنها
أصبحت بخير.

انسجبت حنان بهدوء. تاركة الوالدين مع ابنتهما.

تلكأت حنان في الردهة: لتتجنب تمامًا وجود والدها.. جلست على مقعد
قريب من غرفة العمليات.. أطوقت برأسها للأرض في صمت.

بعد قليل جلست إسرائا يقربها. فرفعت حنان رأسها باستغراب:

- سيبتهم ليه؟

- جيت أشوفك وراجعة ثاني.. مالك؟

- مفيش.. عايضة اقعد لوحدي شوية.

وأكملت لتغيير الحديث

- أحمد أخبره إيه دلوقتي؟

- الحمد لله.. صاحي وبينتكم معانا.

- الحمد لله.. إمبراح من بعد العملية لحد قبل ماتيجوا وهو تقريبا نائم.. قلقنت أوي من نومه الكثير بس عرفت ان بعد العملية بيدوهم مسكنات تنيمهم علشان الام العملية.

- كنت هكلمك بعد الفجر.. خفت تكوني نائمة واصحكي متعرفيش تنامي نالي.

- كنت صاحبة وقاعدة مع علا.. اللي في الأوضة اللي جنبنا.. بنتها كانت بتعمل عملية من شوية.

ابتسمت إسراء: فقد تعجبت من تعارف حنان السريع على جيرانها في المستشفى وهي التي بَلَّت أسوارًا عالية بينها وبين القامس جميعًا.

لاحظت حنان ابتسامتها وفهمت ما تفكر به.. فبررت:

- مهما كان البيت قاسي بس برضه أوضتي أمان وراحة بالنسبة لي.. فيه حاجتي.. بقعد مع ماما أو احمد.. بعرف أقتل الملل.. إنما هنا الملل هو اللي يقتل بجد.. كل ده كوم ولما سمعت وشفت روان وهي بتعيط من الألم كوم ثاني.. مش عارفة اوصفلك حسيت بياه.. قلبي اتوجع عليها أوي وعلى مامتها اللي مش عارفة تعملها حاجة.. انتي تعرفي اني ساعتها قلت يمكن ربنا حرمني من الخلفة رحمة بيا من حاجة انا معرفهاش.. يمكن مكنتش هتحمل اشوف ابني أو بنتي مريضة ومش عارفة اعمله حاجة.. لما قعدت معاهم ولقيت البنات سكنت وحسيت انها حبتي أو اتشدت لي زي ما اتشدت لها.. لقيتني بقول

لنفسي كده كده دول ناس عابرة في حياتي ومش هنشوف بعض ثاني.. يبقى
ليه منخفض عن بعض الوقت الصعب اللي احنا فيه.

تضمت إسرائ وجهه نظره حنان.. تمننت أن يتغير تفكيرها فيما بعد كما تغير
الليلة الماضية، وألا يكون تغييرًا مؤقتًا فقط.. شعرت أنها إشارة إيجابية لما قد
يحدث مع الوقت.. من يدري؟ ربما تخفف عزلتها تدريجيًا.

قطعت حنان أفكارها بعدما لاحظت صمتها:

- انتي سايبه أحمد وقاعدة هنا ليه؟ قومي أقعدني معاه.

- وانتي متفضلي قاعدة هنا لوحدك؟

نهضت حنان ونهضت معها إسرائ.. أجابت حنان:

- هروح اخذ فلوس وانزل اشرب حاجة في الكافتيريا واقعد شوية وأجي..

دخلت حنان الغرفة متجاهلة الجميع حتى لا يلحظ والدا إسرائ تجاهلها
لوالدها.. اتجهت لحقيبتها، أخذت محفظة نقودها، سألتها والدتها بهمس:
رايحة فين؟

ردت بنفس النبرة: هقعدي في الكافتيريا شوية.

لم تترك لها حنان فرصة للاعتراض، وخرجت مسرعة.

اتجهت حنان بعد خروجها، للمصعد.. أثناء مرورها بغرفة روان، نظرت
للداخل فوجدت عمر في مواجهتها خارجًا.. نكمت رأسها وأكملت طريقها حتى
وقفت أمام باب المصعد تنتظره وهي تسمع دقات عكازيه على الأرض يقترب

منها.. وقف جوارها ينتظر المصعد.. شعرت بالحرج قابضت خطوات وتظاهرت بالنظر من النافذة.. دقائق وفتح عمر باب المصعد ونادى:

- اتفضلي يا انسة.. مش نازلة برضه؟

التفتت حنان.. هزت رأسها إيجاباً واقتربت على امتحياء.. دخلت المصعد وهو يتبعها.

سألها عمر متأكداً قبل أن يضغط زر الهبوط:

- الأرضي؟

ردت بهمس: إن شاء الله.

دخل المصعد.. لم يتحدثا خلال الدقائق القليلة حتى وصل المصعد لمحطته الأخيرة في الدور الأرضي.

فتح عمر الباب وأفسح لها الطريق للخروج.. شكرته وهي تبتعد سريعاً.. استوقفتها إحدى الممرضات لتخبرها أن تذهب أو أي من أسرته للحسابات.. ذهب عمر في اتجاه الكافتيريا وحنان تتابعه بعينها.

عندما أنهت حديثها القصير مع الممرضة، ذهبت للكافتيريا، طلبت نسكافيه وبحثت بعينها عن طاولة من الطاولات القليلة الموجودة.. لم تجد واحدة خالية، ووجدت عمر يجلس على أحدهم فأشاحت بنظرها عنه ووقفت تنتظر ظلها.

أنشاء جلوس عمر. وجد حنان مقبلة، تحدثت مع العامل ولاحظها تبحث عن مكان خالي بعينها، كاد أن يم بترك الطاولة لها، ولكنه وجدها تلتفت وكأنها عدلت عن قرار الجلوس.

بعد قليل جاء لحنان طلبها ونزل لعمر طلبه، وقفت حنان في أحد الأركان والكوب بيدها، وعمر يلاحظها، حاول أن يلوح لها ويدعوها للجلوس مكانه، ولكنها كانت تنظر لاتجاه آخر.

نهض من مكانه واتجه ناحيتها وطلب من العامل أن يوصل كوب قهوته على رف جواره.. وقال:

- اتفضلي اقعدي.. في مكان فاضي.

ردت بخجل: شكرًا مفيش داعي.. أنا مخلص النسكافيه واطلع على طول.

- طيب اتفضلي اقعدي واشربيه براحتك واطلعي.. ميصحش تقني كده.

أنهى الكلام بالتفاته ورسفة من فنجان قهوته، ولكنها ترددت رفقًا بظروفه الخاصة أن تجلس ويقف هو.. فأكدت:

- صدقني مش تعبانة من الوقفة.. اتفضل انت.

ردًا باسمًا: منفضل نعزم على بعض لحد ما بيعي حد وياخد الترايزة ونقف احنا الاثنين.

ترددت.. هل ترفض؟؟ ولكنه يبدو مُصرًا.

هل تقبل وتجلس في وتركه واقفًا على قدمين عليتين.

وجدت نفسها تقترح:

- طيب انتفضل ارجع على الترايزة وانا هقععد لحد ما الاتي مكان فاضي..
الكراسي كثير وانا هاخذ كرسي واحد بس.

لم تدعه يرفض. فأخذت فنجان قهوته مع كوبها ووضعتهما معًا على الطاولة
التي كان يجلس عليها.

لحظات صمت ثقيل جمعتهما.. قطعها عمر بسؤاله:

- أخوكي احسن دلوقتي؟

ردّت باختصار: الحمد لله أحسن.. ربنا ستر.

- ربنا يشفيه.. علا قالت لما انك كنتي معاهم امبارح وان من ساعة ما تعديتي
معاهم وروان هديت وبطلت عياط.

ابتسمت مجاملة، ردًا على مجاملته:

- روان نامت من المسكّن أكيد.. ربنا يخلها لكم ويقومها بالسلامة.

رشفت ماتبقى من كوبها سريعًا.. ونهضت مستأذنة:

- هستأذن.. ومتشكرة على ذوقك.

- لا شكر على واجب.

دقائق قليلة جمعتهما، شعر كل منهما بالألفة تجاه الآخر.. ألفة مختلطة
بالحرج والحذر.

- في بداية المساء.. وبعد مغادرة الوزار.. عم الهدوء المستشفى.
- جلست حنان مع أحمد وتبادلا أحاديثهما التي لا تنتهي. حتى بدا الإنهاك على أحمد وداعب النوم جفنيه.. فبادرته حنان:
- انت تعبت النهارده.. نام شوية.
- تعبت ازاي وانا وسطلكم.. ده انا ملحققتش اشبع منكم.
- تعجبت حنان وضحكت:
- أيوة يا عم.. قول بقى إن إسراء وحشتك.. مع إنها لسه ماشية من شوية.
- مش إسراء بس.. وبابا وماما وانتي.
- تعجبت أكثر وسألته:
- أنا إيه؟؟ ما انا معاك أهو.. انت بتقول إيه.
- أغمض عينيه قائلاً:
- والله ما انا عارف.. شكلي بدأت اخرف من النوم.
- اقتربت منه حنان وجلست بجواره وهي تلمس جبينه لتطمئن على حرارته.
- وجدتها عادية فمسحت بيدها على شعره بحنان كأنه طفلها:
- نام يا حبيبي وارتاح.. إنت تعبت نفسك طول اليوم دوشة ومرتاحتش خالص.
- ردّ بلمسان ثقيل من النعاس:
- هرتاح.. هرتاح.

ظلت حنان تداعب شعر أحمد حتى غط في نوم عميق.. ابتعدت برفق حتى لا توقظه وصعدت لسريرها لتنام. حاولت النوم. ولكنه فرّ من عينها وظلت شاخصة ببصرها نحو أحمد دون سبب.. فقط تراقبه بحُب.

مرت ساعة وأكثر ومحاولاتها النوم ضاعت سدى، نهضت بهدوء وخرجت من الغرفة، وذهبت لغرفة روان وجدت الباب مغلقًا، ترددت هل تطرقه أم تعود؟ طرقت الباب ثلاث طرقات خفيفة ولم تجد ردًا، فعادت لغرفة أحمد مرة أخرى.

وقفت تنظر من النافذة في الشارع، الخواص خالية تمامًا من المارة والهدوء يلف المكان بعد اختفاء السيارات.

sa7eralkutub.com

ملّت.. فقررت أن تنزل للكافيتريا تشرب أي مشروب دافئ قد يساعدها على النوم.. عند وصولها للكافيتريا الخالية، قادتها قدمها لنفس الطاولة التي جلست عليها من بضعة ساعات مع عمر.

لم يمض وقتٌ طويل.. فقد بدأ شعور الملل يزيد والنوم كأنه تبخر.. أثناء مرورها بغرفة روان، وجدت الباب مفتوحًا فكان لها طوق نجاة.. نظرت للداخل وجدت علا تجلس بجوار روان.. تلكأت حنان فأشارت لها علا بالدخول.. دخلت حنان وهي تنظر لروان النائمة.

جلست بهدوء وسألت:

- روان أخبرها إليه؟

- الحمد لله.. كنتي فين مظهرتيش خالص.

- كنت قاعدة مع أحمد لحد ما نام.. جيت انا معرفتش خالص.. ملل وزمق رهيب حاسة بيه ومش لاقية حاجة اعملها.. جيت خبطت عليكي ملقيتكيش فقلت أكيد نايمة.

- لا منمش والله، كنت في الحمام ولما خرجت اشوف مين ملقيتش حد، قلت يمكن بيتهياي.

قاطعهما رنين هاتف علا.. نظرت على في الشاشة وردت.. همت حنان بالمغادرة وهي تستأذن:

- هقوم انا.. تصبغي على خير.

فهمت علا أن حنان تستأذن لتركها تتحدث بحرية.. ولكنها استوقفتها:

- خليكي.. دي حماتي.. مبتطولش.

ردت علا: ازيك ياماما.. الحمد لله نايمة طول اليوم.. لا بخير اطمئي.. شكرًا ياماما.. والله مش محتاجة حاجة.. لو مش قادرة خليكي وانا أول ما تصبغي هخلها تكلمك.. حاضر.. مع السلامة.

أغلقت علا الهاتف وبدأت حديثها مع حنان:

- حماتي قلقانة على روان ومش مصدقة انها بخير، وزعلانة انها مقدرتش تجيلها النهارده علشان كانت تعبانة.

- رينا يشفيهم هما الاثنين.. ولية قلقانة مش بابا روان كان هنا وأكيد طمئنا.

حقق قلب علا على ذكر سيرة أيمن، ولكنها صححت بآلم:

- اللي جه الضهر ده عمها مش باباها.

- لا انا اقصد اللي كان معاها طول اليوم.. مش هو باباها؟

ردت بألم:

- روان باباها متوفي من زمان.. اللي كان معنا ده عمر اخويا.

اعتذرت حنان بإحراج:

- أنا أسفة.

دمعت عينا علا رغمًا عنها: فقدت في أشد الحاجة لوجوده تلك الأيام، خاصة منذ سقوط روان وبدء الألم، وجدت نفسها تتحدث بانطلاق:

- مش قادرة أقولك انا الأيام دي مقتداه أد إيه؟ حاسة بوحدة وألم وحزن كأنه لسه سايبني قريب.. يمكن قبل كده كنت بتناسي حزني بضحكة روان وشقاوتها وبراءتها اللي كانت مالية بيتنا سعادة.. من وقت ما وقعت وهو واحشني أوي.. ماما وعمر مش مقصرين معايا.. حتى حماتي واخوه بيعسسوني انهم معايا.. بس برضه محدش يغني أبدًا عن وجوده.

تتحدث علا عن زوجها.. هل هناك رجل يستحق كل هذا الحب؟ تردد السؤال داخل حنان وجدت نفسها تسأل:

- كان كويس معاكي؟

تعجبت علا.. لكنها ردت وهي شاردة في ذكرياتها:

- كويس دي كلمة متوصفوش أبدًا.. كان ملاك.. مكنش فيه أحن ولا أطيب منه.. كنت بحبه من غير ما اعرف هو بيحبني ولا لا.. كنت بحبه ويدعي ريتا ليل ونهار يكون من نصيبي.. قعدنا سنين نعرف بعض كصاحب اخويا وأنا

أخت صاحبه يس انا كنت بموت فيه بيبي وبين نفسي.. ولما لقيت عمر بيقول
لباها ان أيمن عايز يتقدملي تخيلي حصل لي إيه؟

سألها حنان بتأثر، حصل إيه؟

أجابتها علا وهي تتذكر وتضحك رغم الدموع التي تملأ عينيها.

- أغمى عليها.. تخيلي من الفرحة أغمى عليها.

ابتسمت حنان، ولكن دموع علا جرت على خديها وهي تكمل:

- كان نفسي اعيش معاه عمري كله.. ملحقتش اعيش معاه.. مشبعتش منه..
وحشني أوي.

وكان الدموع الحبيسة والحزن الدفين انطلقا فجأة في بكاء حار لم تستطع
كتمانها.. ارتبكت حنان لم تتوقع أبدًا أن في الكون من هو انعس منها حظًا..
رغم ما عانتها إلا أنها الآن ترى أن علا عانت أكثر منها.. اقتربت منها واحتضنتها
وبكت.

لم تعرف هل تبكي تأثرًا.. أم تبكي حظها مع صديقتها الجديدة.

بكت علا كثيرًا بين ذراعي حنان.. لم تتحدث حنان إطلاقًا بل ظلت تربت عليها
فقط ودموعها تنحدر في صمت.

تعجبت علا أنها فتحت قلبها لتلك الغريبة التي لم تتعرف عليها سوى من ليلة
مضت.. منذ فترة طويلة قررت عدم البوح بأحزانها لوالدتها وشقيقتها:
فكلما يزيد حزنهما ويزيد ضغط والدتها عليها بالزواج مرة أخرى.. قررت أن

تحزن في صمت، ولكن صمتها تمرّد اليوم وأعلن غضبه وعصاها وعبر عن نفسه.

انتهت علا من نوبة البكاء التي هاجمتها، حمدت الله أن روان لم تستيقظ على صوتها، تراجعت للخلف وهي تتمم بعبارات الشكر لحنان.. وقوجنت بدموعها.

- أنا آسفة يا حنان.. كنت مخنوقة وجت فبيكي.

ردّت حنان بابتمامة وهي تمسح دموعها:

- ولا يهملك.. المهم تكوني ارتاحتي شوية.

- الحمد لله.

صمتت قليلاً وأرادت تغيير دفة الحديث:

- أخوكي أخباره إيه؟

- أحسن الحمد لله.. الدكتور باين عليه ممتاز وإن شاء الله روان تقوم بالسلامة.

أكدت علا كلامها:

- عملية روان مثل أول تعاملنا مع الدكتور، عمر بعد الحادثة مكلش بيتحرك نهائي بسبب إصابته في العمود الفقري، بس الحمد لله ربنا جعل الشفا على إيد الدكتور وعملته 3 عمليات وتابع معاه بعدها لحد ما قدر يمشي تاني.

سألت حنان بقضول:

- حادثة؟

أجابها علا بعز:

- ماهو أيمن وعمر كانوا مع بعض في الحادثة اللي راح فيها أيمن.. وربنا نجا عمر الحمد لله.

حكّت علا حكايات كثيرة عن الحادث، والأيام المريرة التي تلقته، والذكريات السعيدة التي سبقته.. أحاديث كثيرة من جانب علا تستمع لها حنان باهتمام.. حتى يدا الإرهاق على علا وبدأ النوم يداعب جفنها.. لاحظت حنان فقالت:

- شكلك عابزة تنامي.. هقوم واسيبك ترتاحي.

- متعملي إيه؟

- مش عارفة والله.. مش جايلي توم والجوهنا ممل أوي.

- انتي معنديكيش أكونت ع الفيس؟

ردت بتعجب لوقت السؤال:

- عندي.. ليه؟

أجابت علا بتلقائية وبساطة:

- مش بتسلي نفسك ليه؟

- اللاب بتاعي مش معايا.

- مش فاتحة على تليفونك ليه؟

- مجربتش قبل كده.. أصل مكنتش بحتاج افتح وأنا برة.. تقريبا مبخرجش.

لم تلحظ علا كلمتها الآخرين.. فكرت سريعاً:

- وريتي تليفونك كده؟

ناولتها حنان الهاتف.. سألتها علا:

- معاكى رصيد؟؟ اجرب افتح لك نت؟

- معايا.. ياريت يا علا أهو اتملى شوية.

ضغطت علا على أزرار الهاتف.. ثم قلبت شفتها:

- مش بيفتح مش عارفة ليه.. استني كده أسألك عمر.

قبل أن تعلق حنان، أخذت علا هاتفها واتصلت بعمر، جاءها صوت عمر قلماً:

- علا.. روان كويسة؟

- الحمد لله متقلقش.. صحتك؟

- لا أبداً انا قاعد.. مالك؟

- بقولك ايه دلوقتي حنان اللي في الأوضة اللي جني مع اخوها.

رد مؤكداً: أهوة عارفها.. مالها؟

- عايزة تفتح نت من تليفونها ومش بيفتح مش عارفة ليه.

- نوع التليفون إيه؟ ممكن يكون عايز يتظبط بس.

- دي حاجة سهلة يعني تضر تعملها دلوقتي ولأ لازم نستناك لبكرة لما تيجي.. أصلها زهقانة أوي من جو المستشفى.

أخرجت حنان لما تحكيه علا عنها مع عمر، أرادت أن تشكرها وتغادر الغرفة حتى لا تظل محور حديثهما.

سمعت علا تقول:

- لا أنا مش عارقة.. خدما قولها تعمل إيه.

وجدت حنان علا تناولها هاتف الأخيرة الذي تتحدث به.. وهاتفها الذي بين يديها.. وهمست:

- عمر هيقولك تعملي إيه علشان تعرفي نت ومنه تفتحي أكونتك.

ارتبكت حنان.. هل ترفض؟؟ ولكنها فكرت لم الرفض؟ ولم الارتباك الذي شعرت به من الأساس.. سواء تلك اللحظة أو عندما قابلته نهاراً في المصعد والكافتيريا

هل بُعدها وعزلتها عن الناس جعلها تخشاهم لهذه الدرجة.. يحق لها أن تغشى من يعرف ماضيها.. أو من سيعرف ماضيها.. أما هؤلاء العابرون في حياتها لم تخشاهم!!

نظرت ليدي علا الممدودتين نحوها بالهاتفين.. تناولتهما منها.

حاولت السيطرة على صوتها حتى لا يبدو مرتبكاً:

- ألو.

صمتت رغماً عنها.. فقد فرت الكلمات من لسانها.. سمعت عمر:

- السلام عليكم.

ردت بهدوء وهي تبحث عن بداية كلماتها

وعليكم السلام.. فتعجب حضرتك.. التليفون...

أأطعها عمر

تحت أمرك.. وتعجب إليه حضرتك زي علا.. أنا هقولك خطوات كده تعملها وانتي معايا واحدة واحدة.

وافقته حنان، واستمعت له ونفذت خطوات ضبط الهاتف خطوة خطوة كما شرح لها، بعدما أخبرها كيفية فتح الفيس بوك، فشكرته.

- شكراً.. كده خلاص معرف اسجل الدخول.

- العفو.. تحت أمرك أي وقت.. لو ولقت معاكي حاجة قولي لعلا وتكلمي على طول.

- شكراً.

كادت أن تعطي الهاتف لعلا عندما سمعت عمر يسألها:

- أخبار اخو حضرتك إيه؟؟ هيخرج إمقي؟

- الحمدلله.. لسه الدكتور محدش معاد الخروج.. شكراً على السؤال.

- يفرح بالسلامة ان شاءالله.. لو محتاجين حاجة اجيهاكم وانا جايب ماما الصبح قوليلي.

- شكراً.

أنهت المكالمة سريعاً، وأعطت الهاتف لعلا، تشاغلّت بإدخال بياناتها على الهاتف، وسمعت علا تنهي المكالمة:

- شكرًا يا عمر.. ماما صاحبة ولا نامت.. لأهستناكم الصبح.. مع السلامة.

أغلقت علا الهاتف.. وسألت حنان

- إيه الأخبار؟؟ فتح معاكي؟

أجابتها حنان بامتنان بعد أن نهضت للمفادرة:

- أه الحمد لله.. مش عارفة اقولك إيه ده انتي أنقذتيني من الملل والليل لسه طويل.

- متقوليش حاجة.. أنا نفسي اقعد معاكي بس فعلاً مش قادرة.

- أشوفك بكرة.. تصبجي على خير.

استوقفتها علا:

- إستتي يا حنان.. ضيفيني عندك.

وأمسكت علا هاتفها وضغطت ازواره في سرعة، وسألت:

- اسمك حنان إيه؟

صمتت حنان.. علا ستكون الصديقة الثالثة في قائمة أصدقائها التي تعرف شخصيتها الحقيقية.. بعد أحمد وإسراء:

لا.. لا تعرف شخصيتها الحقيقية بكل ما فيها وما وراءها.. فقط تعرف اسمها الحقيقي.. وشتان بين الاثنين.

أجابت حنان عليها:

- خدي اعملي سيرش على اسمك وابعتي الأد من عندي.

تناولت علا الهاتف.. لم تلحظ الاسم.. بحثت عن اسمها ووجدته بسهولة
فأرسلت طلب صداقة.. حينها رن هاتفها بإشعار طلب صداقة.. تناولت
هاتفها ووجدت الاسم فرفعت رأسها متسائلة:

- ليه كده يا بنتي.. sad heart ؟؟

اختصرت حنان إجابتها في كلمات مبثورة:

- مش حابة ادخل باسمي الحقيقي.

هزت علا رأسها متفهمة لرغبة حنان دون أن تسأل عن تفاصيل، أعطت
لحنان هاتفها، وودعتها حنان وغادرت الغرفة في هدوء.

دخلت حنان غرفة أحمد وأغلقت الباب خلفها.. ألقت نظرة اطمئنان سريعة
على أحمد النائم.. واتجهت لسريرها.. حينما سمعت صوت إشعار يخبرها
بقبول علا لصداقتها على الفيس بوك.

أنهى عمر حديثه مع حنان، وعاد للكتاب الذي كان بين يديه. بحث عن
الصفحة التي أغلقها دون قصد أثناء حديثه مع حنان. قبل أن يصل إليها
توقف عن البحث وأغلق الكتاب.

أبعد الكتاب وقرَّب اللاب توب منه وفتحه.. فتح حساب الفيس بوك وتوقفت
عينه على جانب الصفحة.

لا يعلم لماذا تملكه الفضول لمعرفة حنان أكثر، ظلت عيناه مثبتتين على جانب الشاشة ليراقب -"التيكر" ربما حدث ما استنتجه ووجد صداقة مشتركة بين علا وحنان.

لحظات ووجد علا أصبحت صديقة ل sad heart.. عندما رأى الاسم المستعار انتابه الشك.. هل هي حنان باسم مستعار أم شخص آخر بالصدفة أضيف الآن.

تناول هاتفه ليتأكد من علا، ولكنه في اللحظة الأخيرة عدل عن تلك الفكرة: فقد قفز إلى ذهنه سؤال:

- هي أو لا.. أنا مالي؟

تجول في الصفحة الرئيسية، زادته الأخبار السياسية كآبة، فهرب إلى جروب الكتب المفضل إليه.. لعله يقتل فضوله.

نظر للمنشورات نظرة عابرة.. وفجأة خرج من الجروب ليدخل صفحة علا، ومنها للصفحة التي لا تزال مجهولة بالنسبة له.

أحبط عندما وجد كل البيانات مخبأة ولا يظهر سوى صور الحساب فقط.. لا بيانات.. لا أسماء أصدقاء.. لا شيء أبداً.

ظل يقلب في كل الصور الظاهرة له.. كلها حزينة.. يبحث في الأقدم، يجد الحزن أكثر وأكثر.. في البداية ظن أنها صور تعبر عن حزنها بسبب إصابة أخيها، ولكنه أيقن أن للحزن سبباً آخر.. سبباً قديماً.. يا للعجب، إنه من بداية نشأة الحساب.

شغل تفكيره ما السبب الذي قد يكون وراء حزنها.. فتاة في مقتبل العمر مثلها.. أهلها حولها.. تمتلك جمالاً هادئاً وشخصية خجولة قلماً ووجدت.. ترى مامو سبب الحزن الدائم الذي لمسه في الصور التي تضعها على حسابها منذ نشأته.. قد تكون أحييت وفقدت حبيبها أو فقدت حبا.. أو خانها.. أو تركها بلا سبب.. أو.. أو.. أو..

بعدما خلت حنان بنفسها في غرفة أحمد، جلست على السرير وقد جفاها النوم وهي تمسك بهاتفها وتمر على الصفحة الرئيسية للفيس بوك سريعاً، وقليلها يحمل شكرًا لعلا وعمر على مساعدتها في قتل الملل.

شردت في حديثها مع عمر.. استعادت الكلمات الأخيرة بينهما.. شعرت بالغيظ يتملكها وظلت تؤنب نفسها: إيه شكرًا شكرًا اللي قعدت أقولها دي.. كأن مفيش كلام غيرها.. يقول عليا إيه؟؟ هيلة ميعرفش اتكلم.

بعد قليل.. وبعد أن أدركت أن تأنيبها لنفسها لن يغير ما حدث، قالت في نفسها:

- يقول اللي يقوله.. اللي حصل حصل خلاص..

أقنعت نفسها بالامبالاة.. وأكملت البحث في آخر أخبار أصدقائها الافتراضيين، ثم دخلت صفحة علا.. ومن باب الفضول دخلت تبحث في قائمة أصدقائها.

لم يدم بحثها طويلاً: فقد وجدت ضالتها بسهولة عندما رأت صورة عمر على حساب يحمل اسمه. ترددت قليلاً قبل أن تدخل صفحته، ركزت جيداً وهي تضغط على صفحته حتى لا تضغط على زر الإضافة فيفتضح أمرها.

دخلت صفحته وسعدت عندما رأتها مفتوحة للجميع "بابلليك".

بدأت تقرأ كتاباته من الأحدث للأقدم.. مروراً بالصور في الصفحة.

وجدت أن آخر ما كتبه من ساعات هو دعاء لروان بالشفاء وهو يصف مدى ألمه وأمله في شفائها وعودتها كذي قبل.

ابتسمت تعاطفًا، وأكملت التزول لأسفل الصفحة.. أغلب حالاته في الفترة الأخيرة دعوات بالشفاء، قلق، حزن، ثم في الأقدم.. صور ومقتبسات رومانسية.. زاد فضولها ففتحت التعليقات المكتوبة تحتها.. وجدت عبارات حب متبادلة بينه وبين أخرى.

نيفين.. اسمها متكرر كلما نزلت في قرائتها للأسفل، حتى وجدت صورة لها مع عمر.. فأدركت على الفور أنها نيفين.

صورة تبدو فيها السعادة والحب.. دقت النظر في وجه نيفين.. وجدت فتاة جميلة.. لا تغطي عين جمالها.. جمالها يخطف الأبصار.

قرأت التعليقات أسفل الصورة، وجدتها جميعًا يتمني لهما السعادة ودوام الحب طوال العمر وإتمام زواجهما على خير.

تعجبت أنها لم تر خطيبته خلال اليوم، وتساءلت لماذا أغفلت علا ذكرها خلال حديثهما.. ربما لأنها لم تجد لذكرها أهمية.. ربما هناك خلاف ما بينها وبين أسرته لذلك لم ترها اليوم.

مر الوقت وحنان تقرأ كل كلمة في صفحة عمر، وتفكر وتبرّر وتستنتج، حتى استيقظ أحمد وسألها عن الساعة.. عندما أجابته ايقنت أنها بقيت ساعات في صفحة عمر، سألت نفسها: "أنا من إمتى حشيرة كده!!! عيب اللي عملته ده."

سألت أحمد:

- أجيبك حاجة؟

- اتصلي بي بإسراء.

سألتك

- دلوقتي يا أحمد؟؟ دي أوف لاين من كده.. يعني زمانها ثايمة.

sa7eralkutub.com

- مغلش يا حنان.. كلمها اطقن عليها بس واشوف جاية إمتى بكرة واسيها براحتها..

* * *

- 13 -

قد ينقضي وقتٌ من العمر، نجهل فيه حقيقة أنفسنا..
وبمحنة.. نكتشف أننا أقوى مما نظن

دخلت والدّة عمر عليه غُرفته، نظرت له:

- خلصت لئيس؟

وضع فرشاة الشعر جواره على السرير، رد وهو يتناول عكازيه:

- أه خلاص.. جاهزة؟

- أه.. يالا.

رنّ جرس الباب، فسيقته والدته:

- مشوف مين ونزل على طول.

مدّ عمر يده ليفلق ضوء الغرفة، فلمست يده المكتبة، فالتفت ليقف أمام المكتبة وهو يتذكر كلام علا عن ملل حنان في المستشفى. فكر أن يساعدها بشغل وقتها بالقراءة.. وقف أمام مكتبته يتخيّر لها كتابًا أو اثنين.

شعر بالحيرة.. ماذا يختار؟؟ وماهو نوع الكتب المفضل لحنان إن كانت تحب القراءة؟

تذكّر صفحتها التي لم يستنتج منها سوى الحزن: فوقع اختياره على كتاب لا تحزن لعانض القرني.

أخذته عمر مكتفيًا به حتى يسألها عن حيلها للقراءة أو عن نوع الكتب التي تفضلها: ليأتي بها لها غداً. خرج عمر ناسيًا الجرس الذي دقّ من لحظات، حتى اقترب من الصالة فسمع صوت يعرفه جيدًا.

تباطأ.. هل يعود مرة أخرى لغرفته حتى تغادر الزائرة.. حسم تردده بمواجهتها.. حتى لا تراه منكسرًا أبدًا، قال مرجّبًا:

- أهلاً وسهلاً يا طنط.

نهضت ألفت تسلّم عليه:

- ازيك يا عمر.. عامل إيه يا حبيبي؟

ردّ بثبات:

- الحمد لله.. بخير.

رددت ألفت بخجل:

- يارب دايماً.

نهضت من مكانها قائلة لوالدة عمر:

- طيب هقوم انا يا حاجة.. وإن شاء الله آجي المرة الجاية روان هي اللي تفتح لي الباب.

رددت أم عمر الدعاء:

- إن شاء الله.. يسمع منك ربنا.

انجهت ألفت للباب. تبعها أم عمر توصلها.. بعد أن أغلقت الباب.. سألتها عمر:

- إيه اللي جابها الصبح كده؟

- إيه يا عمر.. الست معملتناش حاجة وحشة.

خجل عمر من نفسه، فقال موضّحاً:

- أنا قصدي كانت عايزة حاجة؟

- جاية تسأل على روان.. كثر خيرها.. وشكلها كمان مش عايضة تقطع جبال الود.

قال عمر حاسفًا.. راغبًا في عدم تذكر ما حدث له الأيام الماضية:

- لا تقطع ولا توصل.. مفيش أي كلام أو أي فعل يقدر ينسيتي اللي بنتها قالتهولي.. ياريت بقى تقفل ع الموضوع ده نهائي حتى لو جت لك كل يوم.. أنا خلاص مش هرجع في كلامي ومش هكرر اللي حصل.. أنا مش شغشيجة في إيد حد.

سبق والدته تجاه الباب.. فتح الباب والتفت لها سائلًا:

- جاية ولا هتفضليني هنا؟

أسرعت والدته بعدما خرجت من دوامة أفكارها:

- خلاص.. يالا بيتنا..



حضرت إسراء مبكراً كما طلب منها أحمد في الليلة الماضية.

كان وجهه شاحباً إلى حد ما.. صوته ضعيفاً. جلست بجانبه، ظلت تمازحه وتبادلته الحديث المرح. رن هاتف حنان، ردت على والدتها التي طلبت أن تتحدث لأحمد.

ثناء حديث أحمد ووالدته، تنحت إسراء بحنان جانباً وسألتها:

- أحمد شكله متغير عن امبارح؟

نظرت حنان متأكدة.. ثم ردت على إسراء:

- ماله؟ مش ملاحظة حاجة.

- مش عارفة يا حنان.. حاسة انه تعبان عن امبارح.

- الدكتور هيمز عليه الضهر كده يبقى نشوف.

أرادت حنان أن تتركهما لبعض الوقت.. فتعلت:

- أنا هتزل اجيب شاي.. أجيبك حاجة يا إسراء؟

- لا شكراً.

خرجت حنان.. مرت بفرفة روان نظرت للداخل رأت ممرضة تقف مع علا ولم ترها الأخيرة.. نزلت للكافيتريا.

لم تجد مكاناً خاليًا.. طلبت الشاي ووقفت تنتظر أن تخلو طاولة وعيها تدوران في لا شيء.

دقائق وغادر أحد الأطباء طاولته، فجلست حنان مكانه.

كان ظهرها لباب الكافيتريا، جلست تحتسي الشاي ببطء.

دخل عمر ووالدته المستشفى، عند ذهابهما للمصعد نظر للكافيتريا دون قصد، رأى حنان تتجه لإحدى الطاولات تجلس عليها مولية ظهرها للباب، استأذن من والدته:

- ماما اسبقيني على فوق وأنا هروح اجيب لروان حاجات حلوة واجي.

- هتروح فين دلوقتي ومجبتش ليه من تحت البيت.

- مش هخرج من المستشفى.. أنا هجيب من الكانتين اللي هنا.
- طيب .

- اطلعي اتني بس وانا هحصلك.

مزت والدته رأسها استسلامًا.. اتجهت للمصعد بينما اتجه عمر للكافتيريا.

مرّ بجوار حنان ليقف أمامها وهو يلقي عليها التحية:

- صباح الخير.

كاد الكوب أن يسقط من يديها عندما سمعت صوت عمر ورأته أمامها: فقد كانت تتذكر مقابلتهما القصيرة أمس في نفس المكان.

بدا عليها الارتباك فسألها عمر معرجًا:

- خضيتك؟

أرادت أن تخفي ارتباكها فاجتهدت لقبّتهم وهي ترد:

- صباح النور.. لا أبدًا كنت سرحانة بس.

تأكد عمر أن هناك ما يشغلها ويحزنها ويجعلها فريسة لأفكارها.

لحظات صمت أراد كل منهما أن يكسرها فنطقا معًا:

حنان: اتفضل.

عمر: حاجة وقفت...

ابتسما.. فجلس عمر ممقنًا لدعوتهما

- شكرًا.

أكمل عبارته التي بترها:

- كنت بسألك في حاجة وقفت معاكى امبارح بعد ما فتحتى نت؟

- لا تمام.. كنت فعلاً محتاجة حاجة تسلينى.

- الحمدلله.. أصل أنا عارف قاعدة المستشفيات متعبة ومملة ازاي.. جربتها وحاسس بيها.

وضع يده على ركبته.. تأملت حنان من كلماته وقالت مواسية:

- الحمدلله ان رينا نجاك.

أدرك على الفور ان علا حكّت لها عن الحادث: فقال دون أن يفكر مالم يستطع النوح به من قبل.

- ياربتي كنت انا اللي مُتّ وأيمن استنى لمراته وبنته.. أنا كتير بحس انى كنت السبب.. والله ماعارف الحادثة حصلت ازاي.. فجأة الدنيا ضلّمت وفتحت عيني في المستشفى.

لمعت عيناه. لكنه تماسك كي لا يبكي أمام غريبة.. ابتسم مغفراً الحديث:

- بتحبي القراءة؟

ردت حنان متجاهلة سؤالة الأخير. وعلقت على كلماته السابقة:

- بتلوم نفسك ليه.. هو مش كل واحد فينا ليه عُمر ريتا كاتبه.. مش ريتا قال (إذا جاء أجلم لا يستأخرون ساعة ولا يستقدمون) صدق الله العظيم.. يعني أيمن كان ده أجله سواء كنت معاه أو لا.

تمتم وراءها:

- ونعم بالله.

أكملت:

- رينا كتبك عُمر عِلشان تخلي بالك من مراته وبنته.. واللي سمعته من علا
يؤكد انك أد الأمانة والمسئولية.. متلومش نفسك على حاجة مش بتاعتك..
الأعمار بيد الله.

صبت يستمع لها.. كل كلمة قالتها اخترقت قلبه وسكنت عقله.. كيف تطور
الحديث بينهما فأقضى لها بما يعتمل في صدره.. كيف استطاعت أن تُشعره
بالمسلم الداخلي من كلمات بسيطة مباشرة مختصرة لا شيء بعدها.

أما هي فلم تصدق ماقالته من لحظات.. من أين أنت لها تلك القوة التي تُصبره
بها.. من أين لها بالثبات والوعظ وهي التي تعيش أسيرة أحزانها وضعفها
وتجربتها الفاشلة منذ سنوات!

هل أرادت ألا ترى الدموع في عينيها؟.. هل هي شهادة حق أرادت أن تُطفيئ بها
قلبه؟.. هل إيمان نابع منها لم تعلم قوته من قبل؟

وسط حيرتها، أرادت أن تغير دفة الحديث فأجابت على سؤاله:

- كنت بتسألني عن القراءة.. أه بحبها.. بس ليه؟

تذكر ما أحضره من أجلها، فأخذ الشنطة الصغيرة التي جاء يحملها من على
المقعد المجاور له.. ومدَّ يده بها لحنان:

- اتفضل.

نظرت حثان لشنطة الهدايا الصغيرة التي يقدمها لها - دون ان تري ما بداخلها - فسألته ممتعضة:

- إيه ده؟

رد مباشرة وهو يخرج الكتاب منها:

- كتاب.. قلت يسليكي شوية.

لم تأخذه منه.. اعتقدت أنه اشتراه من أجلها. فرفضت أن تأخذه؛ فقد تعودت ألا تقبل هدايا مطلقاً من غرباء.

- مكنش فيه داعي.. متشكرة.

تعجب عمر رفعتها، شعر بالحرج من يده الممدودة، وضعه على الطاولة أمامها.. صمت قليلاً ثم سألها:

- هو انا ضايقتك في حاجة؟

أجابت مباشرة:

- متعودتش أخذ هدايا من حد.. أنا أسفة مقصدش اضايقك.

تفهم موقفها.. بل أعجب به.. فقال موضحاً محاولاً مداراة خجله:

- ده كتاب من مكتبي.. جايبولك تقريره واخده ثاني، استعارة يعني مش هدية.

أكمل مازحاً:

- أنا مبحبش كتبي ثبات بره بيتمها.. بس لولا اني حاسس بالزهمق اللي انتي فيه مكنتش جيبتلك عيل من عيالي.

احموت وجننا حنان خجلاً من رفضها وفهمها الخاطئ.. فأرادت الاعتذار، ولكنها لم تجد الكلمات المناسبة.

تناولت الكتاب من على الطاولة وهي تهم بالتهوض، قالت مبتسمة مجازية عمر في مزاحه:

- شكراً.. هقراه وارجعه لبيته ولباياه على طول.. استاذن.

- اتفضلي.

غادرت حنان بعد أن أخذت الكتاب دون أن تنظر في عنوانه.. تابعها عمر بعينه حتى اختفت.

دخلت حنان غرفة أحمد، وجدت إسراء جالسة بجواره تعادته، اتجهت مباشرة للدولاب، وضعت الكتاب في حقيبتها، وقالت لإسراء مازحة - قطعت حديثكم.

ردت إسراء ضاحكة:

- مبنقولش أسرار.. اللي بنقوله انتي عارفاه.

والتفت لأحمد، وسألته مؤكدة:

- مش حنان عارفة أنا بحبك أد إيه.

سعل أحمد سعلة خفيفة وهو يمز رأسه إيجاباً. لاحظت حنان شحوبه وعدم قدرته على الكلام، فاقتربت منه تسأله:

- أحمد.. تعبان ولا حاجة؟

هز رأسه ناعياً، وأمسك يد إسراء ويد حنان وجذبهما تجاهه.. كان لا يستطيع الكلام بالفعل.. بل يكاد لا يستطيع التنفس.

خرج صوته محشرجاً، ودموعه تسقط من طرف عينه:

.. ب.. ح.. ب.. ل.. م.

ضغط على كفه.. وسعل.. سعل كثيراً.. سعال متواصل جعل الفتاتين تفقدان قدرتهما على التصرف للحظات من التحول المفاجئ الذي حدث

صرخت إسراء محاولة أن تساعد أن يعتدل جالساً، وهولت حنان لتضغط على زر استدعاء الممرضة، ضغطت ضغطة طويلة ثم خرجت تركض وهي تلتفت لأحمد الذي مالت شفته للزرقعة.

جاءت الممرضة بسرعة، ألقت عليه نظرة. ثم خرجت تطلب المساعدة وهي تحاول طمأنتهم:

- لازم يدخل رعاية حالاً.

سعال أحمد مازال يتواصل.. حنان وإسراء غرقتا في نوبة بكاء حار.. تم نقل أحمد بسرعة للرعاية المركزة كي يتم إسعافه.

في هذه الأثناء سمعت علا وعمر صوت الصراخ من غرفة أحمد.. جاء يستفسران، ولكن الموقف لم يكن في حاجة لتفسير.

أرادا أن يقدموا أي مساعدة.. صعدا للرعاية المركزة خلفهم.

حنان وإسراء لم تكفا عن البكاء.. عمر يقف صامتاً.. علا تربت على حنان
محاولة تهدئتها.

خرج الطبيب من غرفة الرعاية المركزة منكساً رأسه، بينما العيون جميعاً
معلقة على شفتيه.. ينتظرون كلمة اطمئنان.

تردّد الطبيب غير مطمئن بالمرة، سألته حنان وإسراء بلهفة، أسئلة متتالية
دون قاصل:

- إيه اللي حصل؟؟ هو كويس دلوقتي؟؟ ممكن نشوفه؟

ردّ الطبيب:

- البقاء لله.

اتسعت عينا الفاتتين.. كل منهما داخلها يصرخ متسانلاً:

- هو بيقول إيه؟

- بيقول على مين؟

لم يخرج أي صوت منهما.. فقط عيون متسعة حتى آخرها تكاد تخرج من
مجاجرها.. وعدم استيعاب للكلمات الطبيب.

خطا الطبيب بعيداً، لكن إسراء تبعته وأوقفته من ذراعه:

- أحمد فين؟

ردّ الطبيب مقبِراً حالتها:

- شدي حيلك.

صرخت:

- أكيد تقصد حد ثاني.. أحمد كونس.. أحمد كان بيكلمي من شوية.. مش كده يا حنان.. كان بيتحسن.. مش الدكتور قال إن العملية بسيطة.. هو كان بيضحك علينا؟؟ لو بيضحك علينا ازاي كان كونس وقاعد معانا عادي.. حنااان.. ردي عليا وقوليلي اني فهمت غلط.

اقتربت منها علا بعين غارقة في دموعها تحاول تهدئتها.

عمر واقف يراقب حنان بحزن شديد.. أما حنان لم تترجح عن موقعها قيد أنملة.. ظلت واقفة كما هي.. شاخصة البصر.. متحجرة الدموع.. غير مستوعبة لكلمات الطبيب وما يحدث حولها.

توالى الأحداث سريعاً.. دُفن أحمد بعدها بساعات ووارى جسده التراب.. دُفن ودُفنت معاه أحلام لم ولن تتحقق.

تباينت ردود الفعل من المحيطين.. كلٌ حسب قدرته على التحمل، ولكنها تعبر عن حزنهم جميعاً ومصائبهم الشديد في فقد عزيز غالٍ.

سقطت إسراء مغشياً عليها بعد تلقيها الخبر بلحظات أثر الصدمة العصبية.. جاءت والدته بعد مكالمة حنان لها.. تصرخ حيناً وتغيب عن الوعي أحياناً أخرى.. والده الذي لم تنوقف دموعه كان أكثرهم تماسكاً: فعلى الأقل استطاع إنهاء إجراءات الدفن بصحبة والد إسراء.. والدة إسراء تبكي حزناً على أحمد الذي أحبته كابنتها، وعلى ابنتها التي فرّق الموت بينها وبين حبيبها.

أما حنان.. فقد كانت صامئة أغلب الوقت.. لا صراخ، لا بكاء، ولا دمة واحدة انحدرت من عينيها.. تتحرك.. تتكلم كلمات بسيطة في ردود مقتضبة فقط لا غير.

بعد تلقيها الخبر، احتضنتها علا وهي تبكي، لم تبادلها حنان البكاء بل ظلت في حضنها دقائق شاخصة البصر عيناها مثبتتان على الغرفة التي يرقد بها جثمان أحمد حتى قطع نظرتها وقوف عمر في مرمى بصرها يقيم لها العزاء ويدعو لها بالصبر.

اتصلت بوالدتها بلغتها الغبر في كلمات مختصرة: "تعالى بسرعة.. أحمد مات". ثم انشغلت بإسراء التي سقطت مغشياً عليها.. اتصلت بوالدتها وبلغتها الخبر. ألقت نظرة أخيرة على أحمد.. قبّلت جبينه ويده يهدوء قبل وصول والدها. حضرت جنازته.. تقبّلت فيه العزاء.. لكنها لم تستوعب بعد ما يحدث.

تسمع.. تتحرك.. تستقبل المعزين.. تقف على رأس والدتها المنهارة.. ترد بكلمات بسيطة.. حتى انتهى اليوم الأول مبكراً وغادر الجميع قبل موعد الحضر. بعد خروج آخر المعزين.. وقفت حنان بعدما أغلقت الباب وهي تنظر للمنزل الصامت أمامها.. تغير شكل المنزل هيأ لها أن كل قطعة أثاث استعملها أحمد يوماً تبكي عليه.

تقدمت بخطوات ثقيلة.. أثقلها الحزن نحو غرفة والدتها.. وجدتها على سريرها ووالدها بجوارها يبكي.

تكلمت بصوت خفيض تسأل والدتها:

انفجر بركان دموع من عينيها.. دموع تحرق جفنها كما يحترق قلبها.. بكت كما لم تبك من قبل؛ فكل دموعها وأحزائها الماضية في كفة، وحزنها على أحمد في كفة أخرى.

سمعت طرقات على باب غرفتها، اتسعت عينيها وهي تمسح دموعها، وتعلقت نظراتها بالبواب..

أحمد.. هل هو من يطرق بابها كعادته؟!

هل ما سمعته تهيؤات من تفكيرها فيه؟!

عادت الطرقات مرة أخرى.. ضعيفة.. ولكنها حقيقية.

ردت بصوت خافت.. أضعفته كثرة البكاء:

- مين؟

سؤالها في غير محله: فوالدها وان قامت من السرير لن تطرق الباب عليها.. أحمد لم يعد موجوداً ولن يطرق عليها الباب مرة أخرى.

تري.. هل يكون..؟!

فُتح الباب قبل أن تستنتج الاحتمال الوحيد المتبقي.. ليظهر والدها يتقدم بخطوات مترددة نحوها.

تفاجأت.. نظرتة منكسرة.. مازال يقترب.. نكمت رأسها وعادت الدموع تنهمر من عينيها مرة أخرى.

جلس على طرف السرير قبالتها.. تفكر في سبب وجوده في غرفتها.. وعلى مقربة منها.. لأول مرة منذ سنوات.

بأدر قائلًا:

- سمعت صوتك بتعيطي.. جيت اطمئن عليكي.

يحنو عليها؟!.. أين كان حنانه من قبل؟

لم ترد.. دموعها الصامئة لم تتوقف ولم ترفع رأسها لتواجهه.

أكمل: عيطي يا حنان.. عيطي ومتكتميش في نفسك زي ما عملي طول اليوم.. مصيبتنا كبيرة ومش هننساها بالساهل.

ازداد بكاء حنان وارتفع صوته.. تفتقد أباه الذي تعلقت به في طفولتها وصباها وبداية شبابه.. قبل أن ينقلب الحال عند زواجها.

بكي أيضًا وهو يبوح بما أخفاه في صدره:

- سامحيني.. أنا كل اللي عملته كنت علشان خايف عليكي.. كان نفسي تعيشي كويسة مع جوزك وتحافظي على بيتك وابنتك.

لم تستطع الصمت.. واجهته بما قتلها منه:

- إنت ظلمتي.. لما ضغطت عليا اتجوزه ولما كنت دايما بتغلطي قدامه.. وفي الآخر لما بقيت تعاملني كأني أجرمت لما اتطلقت.. محسيتش ان أنا كمان كان نفسي اتجوز واعيش حياة مستقرة ويكون ليا ولاد اقرح بيم.. مقدرتش حزني على ابني اللي مشقتوش ولا هينفع اشوف غيره تاني.. حيلتني ذنب مش ذني.. لولا وجود أحمد كان زمني انتحرت أو اتجنت.. مش عارفة هعيش ازاي من غيره.

أكملت بكاءها.. رد والدها:

- من زمان وأنا عايز أقولك سامحيني.. ظلمتك وغلطت في حقك بس مكنش قصدي.. خوفي عليك هو اللي خلاني اعمل كده.. خصامك ليا كان واجعني بس كرامتي كانت واجعاني أكثر.. كنت مستكبر اعترف بغلطتي قدامك.. بس متعرفيش انا كنت مطمئن عليك ازاى بوجود أحمد وحنيته عليك.. وبرضه كنت بكابر ومبينش.. كفاية أحمد سابنا فجأة.. مبقاش لينا غيرك.. محتاجين نصبر بعض.. محتاجين نقوي بعض.

مازالت تبكي.. اعتراف والدها أراحها.. هل كانوا بحاجة لمصيبة كبيرة كي يعترف بأخطائه تجاهها.. هل قادرة فعلاً على مسامحته.

تسامح.. أم تستمر في بعدها عنه؟

لكن.. من تبقى لها في الحياة سواه؟

نظرت له.. رأت دموعه.. ونظرت المستجدية، كررت كلماته الأخيرة:

- محتاجين نصبر بعض.. محتاجة أوي حد يقويني.

بكت.. فتح والدها ذراعيه.. فارتمت في حضنه باكية.

سقطت دموعه على شعرها وبللت دموعها صدره.

ورغم الحزن الدفين.. لكن شعور بالراحة والسكينة غمرهما.

كان يومًا عصيبًا على علا وأسرتهما: فوفاة أحمد بعد أن تحسنت حالته أصابتهما بالذعر على ابتها بالإضافة للحزن على أحمد رغم عدم معرفتهم به. أما عمر.. فقد تأثر بشدة بعدما شاهد انهيار وحزن والدي أحمد وخطيبته وأسرتهما.

علا ووالدتها لم تستطعا إخفاء قلقهما، طلبا من عمر معرفة سبب وفاة أحمد تحديدًا وهل هو بسبب الجراحة أم لسبب آخر.

رضخ عمر لطلبهما.. وقلقه أيضًا فذهب للطبيب وعاد ليخبر والدته وشقيقته ولا يعلم إن كان ما سيقوله سيطمأنهما أم سيزيد قلقهما.

- جلطة في رجله انتحرت للرنه أدت لفشل تنفسي سبب الوفاة.

سألته علا:

- ودي تظمن ازاي انها متحصلش لروان.

صرخت بها والدتها:

- بعد الشر.. إن شاء الله هتقوم بالسلامة.

بكت علا:

- أنا خايفة.

قال عمر محاولًا طمأنة علا:

- سيحبها على الله يا علا.

كان يوما ثقيلاً، مملوءاً بالمشاعر المختلفة، حتى انتهى موعد الزيارة وغادر عمر ووالدته وبقيت علا وحدها مع ابنتها.

تشعر بالوحدة والملل، تفتقد وجود حنان، أرادت أن تطمئن عليها، وتعزيها مرة أخرى.

اتصلت بها، وجدت رسالة صوتية تخبرها بأن الهاتف مغلق.

فتحت الفيس بوك من التليفون. لم تجد حنان أون لاين، دخلت على صفحتها وكتبت:

سبحك الله

"البقاء لله... ربنا يصبرك."

sa7eralkutub.com

انتظرت قليلاً لعلها تلقى ردًا.. خرجت من الفيس بوك وتركت الهاتف.. جلست على طرف السرير ومسكت يد روان وقبّلها وظلت هكذا لبعض الوقت.

جلس عمر في غرفته يستعيد أحداث اليوم.. موقف صعب مرّ على حنان وأسرتها.. يتعاطف معهم جميعاً، ولكنه يشعر بالقلق على حنان بصفة خاصة؛ فنظراتها كانت كأنها لا ترى ولا تسمع ولا تستوعب.. تتصرف بالية دون تعبير عن حزنها.

ترى ما عساها تفعل الآن؟ هل أفاق من صدمتها؟ هل تقبّلت الأمر بإيمان وصبر؟

تذكر الكلمات التي دارت بينهما قبل لحظة الوفاة.. ياااه.. لو استطاع أن يعيدهم عليها.

وجد نفسه يفتح اللاب توب.. يبحث عن صفحتها.. وجد كل شيء كما هو في الليلة الماضية.. لم تتغير الصورة لأخرى مما يرجح أنها لم تفتح الاكونت.

ضغط على زر إرسال رسالة لها.. فتح مربع الرسالة، تردد قليلاً ثم بدأ يكتب: "البقاء لله.. ربنا يصبركم ويجعل مثواه الجنة".

ضغط إرسال رسالة.. وانتظر.. وانتظر.. وانتظر..

في الليلة الأولى.. بكت حنان كثيراً.. كثيراً جداً.. تصبّت أحياناً لالتقاط أنفاسها وتمر من أمام عينيها ذكرياتها مع أحمد.. منذ طفولتهما مروراً بكل سنوات ومراحل عمرهما.. تعود وتبكي مرة أخرى.

لم تقضي الليلة وحدها.. يتردد عليها والدما كلما سمع شهادتها.. يحاول تهدئتها ويعود لغرفته ليطمئن على زوجته.. ثم يتفرد بنفسه بعيداً عنها يبكي بدموع صامتة.

تناديه زوجته.. تهض حنان لتطمئن عليها.. يذهب إليها زوجها يلي نداءها.. يجتمعون، يحاول كل منهما بث الصبر للأُم المكلومة.

انقضى الليل هكذا.. تعب الجميع وغلبهم النوم بعدما صلوا الفجر.

نوم فرض نفسه بسبب التعب والإرهاق، ولكن الحزن لم يفارقهم حتى في أحلامهم.

في اليوم التالي، بدأ توافد المعزين، حاولت حنان التماسك خاصة في وجود
إسراء التي لازالت منهارة ولا ينقطع بكاءها.

انفردت حنان بإسراء، وحاولت أن تثبت لها عبارات الصبر على الابتلاء والرضا
بالقضاء والقدر.

تكرر اليوم الثالث.. كاليوم السابق له.. حتى انقضت فترة العزاء.

وقبل مغادرة إسراء ووالدتها ووالدها، تعانقن.. وبكى كثيرًا.. وبكت والدته
حنان هي الأخرى.

قالت الأم: ابقِ ودينا يا إسراء.. متلسيناش يا بنتي.. انتي من ربة الغالي.

قبّلت إسراء رأسها وخديها وهي تطمئنهما:

- أنساكم إزاي.. انتوا أهلي.. أنا خطيبة ابنكم ومفضل خطيبته لحد ما نتقابل
في الجنة.

صُغقت والدتها من كلماتها، لكن الوقت لم يكن مناسبًا للتعليق.

ردت والدته أحمد: ربنا يصبرنا كلنا.

نظرت إسراء لحنان، وقالت لها مستجدية:

- تعالي لي بكرة يا حنان نقعد مع بعض.

ردت حنان مطمئنة:

- هبقى احبك والله.. بس صحة ماما تتحسن شوية.

سلمت والدته إسراء على والدته أحمد.. ثم على حنان.. وغادرت.

بمجرد خروجهما من مدخل العمارة.. ولقت الأم تسأل إسراء:

- انتي ليه قلتي كده لما مته.. انتي كده مش بتصبريها بالعكس انتي بتعشميها بحاجة متنفعش.. هي أكيد عارفة ان خلاص مبقاش يربطك باينهم حاجة وانتي مش مطلوب منك أي واجبات اجتماعية ناحيتهم. نظرت إسراء لوالدها وهي غير مصدقة.. قالت:

- معقول.. بتقوليلي كده وانتي عارفة أنا بحب أحمد أد إيه؟ وعارفة هو كان بيعبني ازاي.

- بتحبوا بعض أيوة.. بس أحمد الله برحمه مبقاش موجود.

- أنا موجودة ومش هنساه لحد ما احصلته.. تفتكري لو كنا وصلنا قبله وأنا اللي مُت مش هو.. كنتي هنرضي مامته تقوله كده ومكملش على موتي 3 ايام. اسكتتها والدتها: بعد الشر عليك.

صمتا.. أكملتا طريقهما دون أن تتبادلا أي حديث.. وكل منهما تحسم أمرها داخلها.

إسراء قررت الوفاء لحبيبها حتى انتقضاء أجلها.. والأم ندمت أنها تسرعت في فتح الموضوع في هذا التوقيت.

انتهت حنان من بعض الأعمال المتزلية بعد مغادرة المعزين.. دخلت غرفة والدتها.. وجدها تفتح ذراعها لها.

حضنت والدتها وهي تربت عليها، تحاول ألا تبكي حتى لا تفتح شلال دموع والدتها الذي ينتهي بصعوبة كلما بدأ.

رمت الأم على ظهرها:

- ربنا يرث قلبك يا بنتي.

رمت حنان على والدتها وهي في حضنها.. أكملت الأم:

- انني متعريفش لما كلمتي ابوكي أنا ارتحت ازاي.. كنت خائفة عليكي من عقوبك ليه.

كادت أن تدافع عن نفسها.. كادت أن تخبرها أنها لم تقاطعه عقوقاً، ولكن لتجنب سهامه السامة التي كان يطلقها دومًا نحوها.. لكنها عدلت عن الكلام.. أملت أن تنتهي الخلافات بينهما.. وألا يعاملها مرة أخرى كوصمة عار.

دخل الأب عليهما.. لم يتعجب من عناقهما، لكنه قال مباشرة لحنان:

- اعملي كوابية شاي وهاتيهالي البلكونة.. يخربيت الحظر اللي حابسنا في بيوتنا من المغرب زي الفراخ.

هزت حنان رأسها وتهضت وهي تسأل والدتها:

- أعملك شاي؟

- لأ.. ناوليكي المصحف اقعد اقرا لاخوكي شوية.

أنهت حنان ما طلبه والدتها منها.. دخلت غرفتها مرمقة.

جلست على سريرها.. بدأت الذكريات تهاجمها.. أرادت أن توقفها وتشغل نفسها بأي شيء آخر.

فتحت اللاب توب، قامت بتشغيل القرآن الكريم، ثم دخلت على الفيس بوك.. قبل أن تفتح الإشعارات قامت بتغيير الصورة الشخصية لصورة سوداء تمامًا.

انتظر عمر وانتظر.. أثناء النهار كلما أتيت له الفرصة فتح الفيس بوك يدخل على رسالته لحنان ليرى إن كانت قرأت رسالته أم لا.. وفي المساء يدخل على الرسالة بين الحين والآخر منتظرًا ردًا على رسالته.. مضى يوم والثاني.. وفي الثالث وفي أثناء دخوله على الرسالة كالعادة.. وجد الصورة الشخصية تغيرت.. فدخل على صفحتها ليرى متى قامت بتغيير الصورة، وجد الصورة تغيرت منذ دقائق. دخل على الرسالة ليرى هل فتحها أم لا.. وجدها لم تفتح بعد.

انتظر.. ولكنه قلق ألا تراها.. يريد أن يطمئن عليها فقط.. تردد قليلًا ثم ضغط على إضافة صديق.. وانتظر..

بعدما قامت حنان بتغيير الصورة الشخصية، وجدت تعزية من علا ومن تحتها بعض التعليقات لأصدقاء افتراضيين يسألون عن المتوفي، ورد لعلا تخبرهم أنه شقيقها وباقي التعليقات تعزية ودعاء للمتوفي.

رأت إشعارًا ب15 رسالة.. ضغطت عليها قرأت الخمس رسائل الأخيرة من أصدقاء لها، كل الرسائل تحمل عبارات العزاء.. قررت قراءتهم والرد عليهم جميعًا بعد الانتهاء من الرد على المعزين في صفحتها.

جاء إشعار لحنان بطلب صداقة، ضبقت حنان على الإشعار، عندما وقع بصورها على اسم عمر وصورته اتسعت عينها دمهشة وظلت لدقائق غير مصدقة، ابتسمت بفرحة واطمننان لا تعرف لهما سبب.

قبلت الصداقة على الفور.. فكوت هل ترسل له رسالة لتطمئن على روان أم ترسل لعلا أفضل؟

أثناء تردها وجدت إشعارًا برسالة جديدة.

انتفض عمر عندما قبلت حنان طلب الصداقة.. ابتسم بسعادة لأنه بذلك يستطيع التواصل معها بشكل مباشر ومن خلال طرق عدة.. سواء الرسائل أو التعليق أو الكتابة في صفحتها.. وستظهر له كل مشاركتها فيستطيع معرفتها أكثر.

طال انتظاره لردّها ولم يستطع صبرًا.. أرسل لها بعدما التمس لها سبب عذرا.

- السلام عليكم.

استقبلت حنان رسالته فورًا، وردت:

- وعليكم السلام.

قرأت الرسالة السابقة للتو.. فكتبت:

- البقاء والنوام لله.. شكرًا.

شعر أنها تختصر معه الكلام، أو ربما لم تعرفه:

فكتب. فاكراني؟

- تردد هل يرسلها أم يرسل كلمة أخرى تحمل نفس المعنى.
- أرادت حنان أن تعتذر عن تأخرها في الرد، فسبقته برسالتها:
- آسفة اني لسه شايضة الرسالة.. الكام يوم اللي فاتوا كانوا صعب علينا جدًا.
- اطمأن.. فيها هي تتكلم.. مسح رسالته وأرسل لها:
- ولا يهمك.. ربنا يصبركم.
- يارب.. أخبار روان إيه؟
- الحمد لله مشيت التهردة على خفيف جوه الأوضة.. طمنيبي انني وأسرتك عاملين إيه؟
- بنحاول نستوعب ان أحمد مبقاش موجود.. بمن للأسف مش سهل خالص..
- أحمد كان روح البيت.. البيت فقد روحه.
- كل واحد فينا ليه عمر.. ربنا قال (فإذا جاء أجلهم لا يستأخرون ساعة ولا يستقدمون).. الأعمار بيد الله.. فأكدة ده كلام مين؟
- ابتسمت ودموعها تتساقط.. وردت:
- ونعم بالله.. طبعًا فأكدة.
- الحمد لله انك مؤمنة وده هيجفف كثير من حزنك.
- كتبت وهي تبكي:
- إيماني بقضاء ربنا ميمنعش اني هموت من الحزن.. أنا حاسة الدنيا مبقلهاش طعم ولا لازمة بعد احمد.. أحمد كان حلقة الوصل بيني وبين الحياة.. يمكن لولا وجوده كان زمانى يا منتحرة يا مجنونة.

- بعد الشر.. ليه يتقولي كده؟

- علشان دي الحقيقة.. يمكن اللي مخليتي بحاول اتماسك هي أمي.. خايفة عليها.. خايفة تسيبني هي كمان.

- ربنا يخليالك ويدبها الصبحة.

- يارب.. أحمد كان أماني وسندي.

- ربنا يخليك باباكي.

أرادت أن تكتب أن أحمد كان يحبها من والدها ومن أفكاره ومن معاملته السيئة.. ولكنها لم تشأ أن تقول مالميس له داع.

- دوشتك بوجعي.. بس ملقيتش غيرك اتكلم معاه.. ماما فيها اللي مكفيا.. وإسراء صاحبتني الوحيدة، المفروض اخفف عنها مش ازود حزنها.

- خدي راحتك خالص.. أنا مش متضايق بالعكس أنا حاسس بكل كلمة بتقولها وعارف أد إيه وجع فقدان عزيز.. اتكلمي وشيلي من على قلبك وأنا هسمع.

كتبت حنان عن حزنها.. عن علاقتها وارتباطها بأحمد.. عن ذكرياتهما معاً.. عن حبه لإسراء.. الحب الذي لم يُكَلَّلَ بالزواج بسبب الموت الذي اختطفه.

ساعات طويلة، قطعتها حنان أكثر من مرة لدقائق: للاطمئنان على والديها أو تلبية نداءهما

بدأ النوم يداعب جفني حنان.. فوجئت أن الساعة تجاوزت الثانية صباحاً.

كتبت معتبرة:

- احنا اتأخرنا أوي.. أنا أسفة اني سهرتك كل ده.

- ما انا قلقك مش متضايق، ومتعود على السهر مش بتام بدري، وعندي استعداد اسمعك لو اسبوع كمان.

ابتسمت لمجاملته.. لم تعلم أن الجملة قالها بثلقائية.. فاعتذرت:

- أنا ارتعت لما اتكلمت.. حاسة اني عايضة انام.. وذي أول ليلة احسن اني عايضة انام مش افضل اتحايل على النوم بالساعات.

- طيب قومي قبل ما النوم مهرب.. تصبجي على خير.

- وانت من أهله.

أغلق كل منهما جهازه.. وخلدا للنوم.

كل منهما في سريره.. يشكر في الآخر.

حنان تشعر بارتياح بعد حديثها معه.. لم تفكر في أسباب أو نتائج كي لا تعكر صفو شعورها بالراحة، أما عمر.. فقد شعر أنه اقترب من حنان ومن حياتها.. شعوره بالألفة تجاهها والراحة في الحديث معها، جعله يغمض عينيه ويستسلم للنوم دون تفكير في مسئولياته وقلقه الذي يورقه كل ليلة.

* * *

- 14 -

لحظة ميلاد الفرح كان فيه حبيب راجح

"فؤاد حجاج"

بعد أسبوعين من عملية روان، دخلت نيفين لألفت أثناء إعدادها الغداء..
بدأت حديثها:

- مش ملاحظة حاجة؟

- أه ملاحظة انك سايبة على دماغي كل حاجة.. المفروض اشيل إيدي من
البيت والمطبخ مش ابقى انا بين البيت والشغل.

- أنا بتكلم في حاجة تانية.

لم تنتظر لها.. أكملت طهي الطعام.

- حاجة إيه؟

- المحل بتاع عمر زي ماهو.

التفتت لها ألفت:

- زي ماهو ازاي يعني؟

- متباعش زي ما قال.

أشاحت ألفت بوجهها عنها.. والتفتت للحوض تغسل بعض الأطباق به:

- أه متباعش.

- متأكدة؟

- سألت أم عمر لما كنت عندها وقالت المحل مش هيتباع.

- أو مال قالي كده ليه؟

- يمكن حس بطمعك قال يختبرك.. واهو سقطتي وأناكد انك طمعانة فيه.

انفعلت نيفين وردت بثرة حادة:

- يا سلااااااام.. ومين إن شاء الله اللي كان فرحان بيهم وعاييزهم علشان عندهم وعندهم.. مش انتي برضه؟

- أيوة كنت فرحانة بعمر علشان مرتاح وهيعيشك مرتاحة.. وعلشان ابن ناس ومؤدب وهيصونك.. إنما مقلتش تاخدي منه ومتديلوش حتى الحب الصادق اللي محتاجه.

قالت باستعطاف: أنا بنتك على فكرة.

- أشهدلك يعني وانتي غلطانة؟

- لا.

صمتت نيفين قليلاً.. ثم استدركت:

- ماما.

- نعم.

- أفولك حاجة ومتشمتيش فيا.

سبقتها ألفت قائلة وهي تلتفت وتنظر لها:

- تدمانة على عمر.

صمتت نيفين وهزت رأسها.. أكملت ألفت:

- قلتك ومسمعتيش كلامي.

- يوووو.. الواحد ميتكلمش معاكي يعني.

تركها وخرجت من المطبخ.. تبعها ألفت وجلست بجوارها:

- اتكلمي يا نيفين.. زعلانة على عمر؟

أجابت نيفين:

- مش على عمر.. بس انتي كان معاكي حق.. هو فعلاً كان بيعملي كل اللي نفسي فيه.. وشكله طلع ببختبرني زي ماقلتي.. يعني معاه فلوس ومخبي.. وانا من ساعة ما سيبنا بعض وانا زهقانة ولا بخرج ولا بتفسح ولا بجيب لبس.

فوجدت ألفت بكلام نيفين: فعلى عكس ما توقعت لم تشعر بندم نيفين على عمر، بل ندمها على ما يملكه عمر، فسألت للتأكد:

- يعني انتي عايزة اللي كان بيعجبه.. مش بتحبيه هو؟

- ممكن مع الوقت احاول احبه.

- بلاش يا نيفين.. بدل جريتي ومقدرتيش بلاش.

- يا سبعان الله.. انتي كل شوية بكلام ليه؟

- مش كل شوية بكلام.. انتي اللي مش فاهمة.. في الأول كنت فاكر اكي متحبيه وتهعيشوا كويسين مع بعض.. بعد ما اتخطبتوا وشفت معاملتك ليه حسيت اني كنت غلطانة بس قلت يمكن مع الوقت تحبوا بعض.. حتى دلوقتي لما حسيت بندمك قلت اكتشفتي انك كنتي بتحبيه.. بس انتي برضه مش عارفة تحبيه.. يعني مع أي مشكلة مادية هيتعرض لها هيكون رد فعلك هو هو مش هيتغير وتقولي نفس الكلام الجارح اللي قلتهوله قبل كده.

- لأ.. هبقي امسك نفسي.

- يعني انتي عايزة ترجعيله؟

- آه.

- خلاص.. روجي استسمعيه وشوفي هيقولك إيه.

- وانتي؟

- مليش دعوة.. زي ما غلطتي فيه لوحدك روجي صالحيه لوحدك.

- طيب اروح البيت وتيجي معايا؟

- بلاش البيت.. روجي له المحل واتكلموا لوحدكم أحسن.. بس فكري كويس أوي الأول.

نظرت نيفين للساعة.. رددت بصوت خفيض:

- بكرة اروح له.. أفاجفه في المحل.

جلست حنان على السفرة مع والدها تتناول الغداء.. رنَّ هاتفها فنهضت ترد ووالدها يُعلق.. بعدما استنتج الجميع أنها إسراء: لأنها الوحيدة تقربنا التي تتصل بحنان.

- ما تسيبه وابقى كلمها لما تخلصي أكل.

لم ترد.. توقفت قليلاً أمام الرقم غير المسجل وقالت متعجبة:

- دي مش إسراء؟!

قالت والدتها بعدم اهتمام:

- يمكن الرقم غلط.

ردت حنان:

- ألو.

- ألو.. حنان مصططفى معايا؟

- أيوة.. مين معايا؟

- معاكي مدرسة الصفا.. عندك انترفيو في المدرسة بعد بكرة الساعة 9 الصبح.

- هو كل اللي اتقدم للشغل عنده انترفيو؟

- لا مش كله.

- طيب انا صاحبتى كانت مقدمة معايا وعايضة اعرف قبلت ولا لا؟

- هو الانترفيو مش قبول نهائي للوظيفة.. نتيجته هي اللي هتحدد قبلتي في الشغل ولا لا.

- طيب ممكن اعرف صاحبتى عندها انترفيو ولا لا؟

- اسمها إيه؟

- إسراء فوزي.

لحظات من الصمت.. ثم ردت المتصلة:

- أه معاكي. أنا لسه مكلمتهاش، ياريت تبلغها وأنا هكتب عندي انها عرفت بالمعاد.

- حاضر.. شكرًا.

- العفو.

أنهت حنان المكاملة وعادت للسفرة لتكمل غداءها.. سألتها والدها:

- مين؟

- دي واحدة من المدرسة اللي قَدِّمْت فيها أنا وإسراء.. عندنا انترفيو بعد بكرة.

قال والدها وهو يكمل طعامه:

- مابلها الحكاية دي.

صممت حنان.. كادت أن تنسى أنها قدمت في تلك الوظيفة.. في الحقيقة لم تكن لها رغبة حقيقية في العمل، ولكن ضغط إسراء وتشجيع أحمد والعناد مع والدها كانت الأسباب الرئيسية للتقدم للوظيفة.. أما الآن وبعد غياب أحمد وعدم رغبتها في عناد والدها ماذا يتبقى لتتمسك بالعمل؟؟

بعد انتهاء الغداء، اتصلت بإسراء لتخبرها بموعد الانترفيو.. وجاء رد إسراء معبّطًا للغاية:

- مش هروح.

- ليه؟

- مليش نفس لأي حاجة في الدنيا.

- تعالي نروح يمكن ننسى.

- نلنمى!! اننى ممكن نلنى احمدا؟ روى اننى يا حنان. أنا عن نفسى مش عايذة النساء.

أنهت إسرائا حديتها مع حنان وهى رافضة للعمل.. استسلمت حنان لرغبتها وأن كان شىء ما فى داخلها يرفض استسلامها.. صوت إسرائا الئانس يؤلها.. تذكر محاولات إسرائا السابقة مساعدها للخروج من عزلتها وصبرها على الرفض الدائم.. رغم أن المصاب مصابهما معا. إلا أن حنان تشعر أن عليها أن ترد الجميل لإسرائا بالأا تدعها فرصة للئاس والإحباط.

فى المساء.. وكعادتها كل مساء منذ أسبوعين.. ودون اتفاق من أحد الطرفين.. تلتنقى عبر الشات مع عمر فى حديث عام يمتد لساعات طويلة لا يشعان بها. يخبرها عن كل تقدم فى حالة ورا.. يحكى لها عن أحداث يومه ولمحات من ماضيه.. يحكى عن يومها الذى لا جديا فيه.. وكثيرا عن أحمد.

يتعمد كل منهما إغفال مرحلة من حياته.. رغبة فى عدم تذكرها ليس إلا.

فلا هى تعلم بأمر نيفين سوى ما فهمته من صورتهما.. ولا هو يعلم بأمر زواجها وطلاقها من قبل.

ربطتهما علاقة لم يتفقا على تسميتها.. بل لم يفكرا من الأسماء فى تحديد أى اسم لها.. حتى لا يضطرا لإنهائها.

بدأ حوارهما الئومى.. كل يسأل على الآخر.

حنان مازالت تفكر فى الوظيفة.. هل تذهب وحدها.. هل تضغط على إسرائا للذهاب معها.. هل تصرف نظر كما قررت إسرائا.

لم تجد سوى عمر ليخرجها من حيرتها.. فمألتته:

- عمر.. ممكن اخذ رأيك في حاجة؟

- طبعًا.. اتفضلني.

- النهارده جالي تليفون من مدرسة كنت مقدمة على شغل فيها.. عندي انترفيو بعد بكرة.

- مبروك مقدمًا.

- أنا مش عارفة اروح ولا لا.

- ليه مش عارفة؟

- أنا وإسراء كنا مقدمين مع بعض، النهارده لما قتلها رفضت تيجي معايا، حسبتها محبطة وحزينة وأنا خايفة عليها من الحالة دي.

- بتحبيها للدرجة دي؟

- طبعًا.. إسراء وقفت جنني في وقت مكنش ليا حد غير احمد.. ده غير إني مش قادرة انسي نظرة أحمد وهو بيموت.. كأنه بيوصينا على بعض.. أنا خايفة عليها.

- خلاص.. اقنعها بأي شكل من الاشكال انها تروح معاكي.. ورأيي ان الشغل هيفيدكم انتم الاتنين انكم تتخطوا الحزن بسرعة.

كتبت وهي تفكر:

- يعني انت شايف كده؟

- أكيد.

- خلاص بكرة ان شاء الله اروح لها واقنعها.. بالذوق بالعافية بأي طريقة المهم انها منستسلمش.

- هي بيتها بعيد عن بيتكم؟

- يعني نص ساعة بالمواصلات.

- هتروحي إمتى؟

- أكيد بدري.. يعني ع الضيفه.

- طيب خلي بالك من نفسك لو تفتحي أي قلق كلميني وانا اجيلك.. ده رقمي
sa7eralkutub.com

- كتب لها رقمه.. لأول مرة تشعر بأن هناك من يهتم بها لهذا الحد بعد أحمد.. شعورها باهتمامه وقلقه عليها، أسعدها.

- أمسكت هاتفها وسجلت رقمه.. وكتبت متصنعة عدم الاهتمام:

- متشيلش همي.. أنا أي نعم من زمان مخرجتش لوحدي بس عادي أكيد مش هتوه يعني.

- أنا مقلتش تتوهي.. أنا قلقان بس يحصل حاجة.

- انت لسه بتقولي اقبل الشغل وبتشجّعني.. هترجع وتخوفني ليه؟

- لأ خلاص ربنا معاكي.. ابقي بس أول ما ترجعي طمئيني عليكي برسالة صغيرة حتى لو مش فاضية.

- حاضر.

لا تعلم من أين أتت صورة عمر وخطيبته على صفحتها الرئيسية، من المؤكد أن هناك من قام بتعليق أو إعجاب للصورة فجاءت للصفحة الرئيسية.. وكان صورتها تذكّرها بأن له حبيبة وأن اهتمامه بها لا يمثل أي شيء سوى اهتمام أخ.

ترددت قليلاً، ثم ضغطت لايك على صورتها، وكتبت في رسالتها:

- خطيبتك امورة اوي.. ربنا يسعدكم.

فوحى عمر بكلامها، فأجاب مسرعاً حاسماً:

- أنا مليش خطيبة.

- والصورة؟؟

- كانت خطيبي.

- شكلكم في الصورة يتحبوا بعض.

- متخليش ابنسامة مرسومة علشان صورة تخدعك وتفتكري انها سعادة حقيقية.

- مكنتش بتحبها.

- كنت فاكر اني بحبها.

- وهي؟

- مكنتش بتحبني.

- ازاي؟

كتبتها حنان وأرسلتها دون تفكير.. ندمت بشدة عندما قرأتها في وقت لا يفيد الندم.. فقد قرأها عمر بالفعل وردّ:

- ماهو انا كنت فاكّر إن أي حد يبحب ويبعمل كل حاجة علشان يسعد حبيبّه بالضرورة يلاقي حب قصاصد الحب ده.. بس للأسف فيه ناس بتمثل الحب وبتقدر تخدع اللي قدامها.

قرأت حنان كلماته التي شعرت بالحزن يقطر منها.. وترددت جملة الأخيرة في رأسها فذكرتها بأيام خطبتها، وكيف استطاع طليقها أن يمثّل الحب والاحترام والأخلاق أثناء تلك الفترة.

كتبت وهي ترثي لحالها الذي آلت إليه بعد الطلاق:

- مش أي حد يقدر يحب ويلاقي السعادة بالحب ده.. فيه ناس بتعيش وتموت ومنلاقيش الحب.. وفيه ناس مش من حقهم يحبوا.

سألها راغبًا في مزيد من التوضيح:

- ناس مش من حقهم يحبوا؟

أجابت وهي تصف حالها.. مصدقة لكل الأفكار التي يفتنح بها والدها:

- فيه ناس ممكن تمر بظروف مالهش ذنب فيها.. بتخلهم مش من حقهم يحبوا لأن محدش هيقبلهم فالأحسن يوفروا على نفسهم الوجد.

كتبتها ودموعها تسقط.. تمت لو سألها عمر مزيدًا من التوضيح فتحكي له ما تخفيه وبولها فيخفف عنها ولو قليلًا.

أما عمر.. فقد فهم أن حنان تقصده.. أسرها في نفسه وقرر أن - يوفر على نفسه الوجد كما قالت.. حاول أن يكتب أي شيء بدلًا من الصمت الذي حلَّ فجأة بعد كلماتها. كتب متألمًا:

- معاذي حق.

فكر.. لماذا صُدم هكذا.. هل كان يأمل أن تنمو بينهما بذور الحب.. هل نسي أنه من قال قَبْلًا أنه أغلق قلبه ولن يدعه غُرْضة لتكرار الجرح.. لماذا ينساق هكذا وراء رغبته في التقرب منها.. وماهي تصدُّه.. صدته برفق على عكس نيفين التي جرحته بقسوة.

ما الفارق.. النتيجة واحدة.. كلتاهما تؤكد له أنه لا يصلح للحب أبدًا.

طال الصمت بينهما على غير العادة.. نادته حنان:

- عمر.. روحت فين؟

أجابها بعد قليل:

- معاذي.

صمت قليلًا. ثم استطرده:

- حنان انا مقفل دلوقتي وانتي ابقِي طمئيني عليكي بكرة.

تعجبت من إنهائه الحديث مبكرًا.. فسألته:

- عمر انت كويس؟

- أه الحمد لله.. متقلقيش أصل ماما عايزاني.

- ومش متفتح ثاني كمان شوية؟

- مش عارف.. خليها بظروفها.. سلام.

رَدَّت باستسلام: سلام.

حنان في غرفتها تفكر في عمر.. لماذا تشعر معه بالراحة هكذا؟.. لماذا تستأق إليه كلما انتهى حديثهما وتنتظر حديثهما القادم؟.. لماذا تود أن تراه وجهها لوجه ولا يكفها لقاءاتهما عبر الإنترنت؟.. لماذا تشعر معه بتلك الأريحية وكأنها تعرفه منذ زمن بعيد؟.. الإجابات كلها تتجه لمعنى واحد لا ثاني له.. معنى تخشاه رغم استشعارها حلاوته.. أياكون الحب؟؟

الحب.. ابتسمت مع رجفة قلبها.. لأول مرة يرتجف قلبها حُبًا.

لم اليوم تحديدًا فكرت في إجابة لتساؤلاتها.. تسمية لعلاقتهم؟؟.. هل عندما تأكدت أنه حُرٌّ.. مهتم بها.. يخاف عليها ويثق بها.

مع من تتحدث وتحكي إحساسها.. كم تمنى وجود أحمد جانها.. كانت حتمًا ستجري وتحكي له كل مشاعرها دون خجل.. كم كان يسألها دومًا.. على فترات متقاربة.. ومنذ دخولها الجامعة.. وقبل خوضها تجربتها المؤلمة:

- حبيتي

- لسه

- إمتي بس؟

- أول ما يحصل هتكون انت أول واحد يعرف.

لم يعد أحمد في الحياة.. ولن يكون أول من تحكي له مشاعرها.. كم تفتقده.

لكن.. كيف لها أن تحب بكل ظروفها.. من عساه يقلبها؟

عمر يختلف عن الجميع.. تثق تمامًا أنه مختلف.

لكن.. أن تقبل طلاقها.. هل يتقبل عدم قدرتها على الإعجاب؟

- فينك يا أحمد.

خرجت كلماتها مع زفرة حارة.. أنهبت فؤادها.

بكت.. تبكي حزنًا على أحمد.. وخوفًا ينسلل إلى قلبها من مشاعرها المحكوم عليها بالإعدام من قبل أن تعرف هل هي مشاعر متبادلة أم أنها من طرفها فقط.

تبكي وبطرف عينها تراقب نافذة الشات التي تجمعها بعمر.. تنتظر أن يعاود الحديث معها

بكاء.. وانتظار.. حتى استيقظت على صوت والدها يحمل اللاب توب بعيدًا ويحدثها برفق:

- اتعدلي يا حنان.. رقبتيك كده هتوجعك.

~~~~~

أغلق عمر اللاب توب، ونهض مستنداً على عكازيه، وقف في منتصف الغرفة، نظر لأسفل قدميه.. وعكازيه.

انتصب واقفاً رافعاً رأسه لاعلى.. أسند أحد العكازين على الحائط.. واستند على الآخر.. دقانيق.. ثم ترك الآخر من يده.

اختل توازنه وكاد أن يسقط.. ارتدى على السرير كي يتفادي السقوط على الأرض.. اعتدل جالساً.. نظر لقدميه وعكازيه.. وبكى..

بكى بحرقه طفل صغير.. للمرة الثانية على التوالي يتم رفضه بسبب عجز قدميه.

لماذا حكمت عليه حنان بأنه لا حق له في الحب.. ماذا ينقصه كي يحب ويتزوج ويعيش كغيره..

تباً للحب الذي احتل قلبه فجأة بعدما قرر أن يغلق قلبه على حب أسرته فقط.

تمدد على سريره.. ينظر للسقف ودموعه تتساقط على جانبي وجهه.. وصورة حنان تبدو أمامه.. يغمض عينيه كي لا يراها.. محاولات تبوء بالفشل.. فكلما أغمض عينيه أو فتحهما.. صورتها لا تفارقه.

فكر أن يكمل علاقته بها في إطار الصداقة.. يحبها في صمت ويكتفي بقرعها.. لكنه تذكر أنه سيحيى اليوم وترتبط وتبتعد عنه.. وقتها سيكون الألم أكبر.. رد في داخله: "وجع ساعة ولا كل ساعة.. دلوقتي أحسن من بعدين."

قرر أن يبتعد.. يعود لحياته قبل أن تدخلها حنان.. ألا يترك قلبه يتعلق بها أكثر.. يكفيه ما لاقى من جراح.

\*\*\*

في اليوم التالي. بعدما أعدت حنان الإفطار لوالدها قبل العمل. وقفت تستأذنه:

- بابا.. أنا شوية كده وهروح لإسراء.

-ليه؟

- علشان اقنعها تيجي معايا الانترفيو بكرة.

- أنا مش عايز الشغل ده.. وإسراء اللي كانت بتزن عليكى هي كمان بقت مش عايزة تشتغل.. يبقى أیه لزومه.

جلست أمامه. واختنقت بالدموع وهي تجيب:

- علشان عايزة اخرج من الاكتئاب اللي كان ملكني.. أحمد وجوده كان مخليني مستغنية عن الناس والدنيا بحالها.. دلوقتي لو فضلت كده هموت بعد.. قولّي هبقى عايشة ليه؟؟ لا عندي أمل في مستقبل استنائه ولا انا عايشة حاضر ينسيني ماضي مؤلم.. ولو سكنت واستسلمت لإسراء كمان هتبقى زي ومتقفل على نفسها وتشوف أيام سودة أنا عشتها كثير.. مش عايزاها تعيش اللي عيشتها.. على الأقل اعتبرها رغبة أحمد وحققها.. أرجوك بابا متحسسنيش اني مذنبه وانا مظلومة.

تأثر والدها عندما تذكّر أحمد وهو يقنعه. وتذكرت والدتها قول أحمد لها في نفس الساعة المبكرة قبل أسابيع: "مسيبوها تعيش".

فقالت والدتها: مسيها يا مصطفى ورحمة أحمد.

قال والدها وهو يهنو عليه التفكير:

- والله من خوفي عليها.. الناس وحشة.. وهي مش متعرف تفرق بين الكويس والوحش.

ردت حنان: يا بابا انا كبرت عن زمان.. وحتى لو مش واثق اني اقدر افرق بين الكويس والوحش.. فأنا مش هدي لحد فرصة إنه يقرب مِنِّي أصلا لا حلو ولا وحش.

نهض والدها منتبهاً من إفطاره:

- طيب يا حنان.. انزلي واشتغلي بس متعرفيش حد أبداً ظروفاك.

حنان: متخافش يا بابا.

سألها مطمئناً: هتروحي لاسراء امتي؟

- علي الضهر كده.

- كلميني لما تروحي.. وهعدي اخذك وانا جاي من الشغل.

هزت حنان رأسها موافقة.. وودعت والدها حتى الباب. عندما عادت لوالدها مرة أخرى يادرتها الأخيرة:

- وانتوا متخاصمين كان قلبي موجوع وخايفة أوي.. دلوقتي ومع الحزن اللي في قلبي.. بس رجوعكم زي زمان مفرحتي.

ابتسمت لها حنان وانشغلت بجمع الأطباق وتنظيف السفرة.

وقبل أن تشغل بأمور البيت قبل نزولها، ذهبت لغرفتها وأحضرت اللاب توب، وضعته على السفرة وفتحت الأكونت.

لم تجد أي رسالة من عمر أثناء نومها.. تركت حسابها مفتوحاً ليتسنى لها متابعة كل ما يجد على صفحتها أثناء انشغالها بالواجبات المنزلية.

\*\*\*\*\*

جلس عمر في محله منشغلاً بتصليح جهاز كمبيوتر أمامه.. طلب من حمدي متعمداً أن يترك له تصليح الأجهزة بنفسه؛ كي يشغل عن التفكير في حنان.. وحتى لا يبدأ بمراسلتها من جديد أو يرد عليها إن راسلته.

انزوى في ركن بعيد كي يباشر عمله.. لم يقاطعه سوى أدائه صلاة الظهر التي أداها جالساً في مكانه.. بعد الصلاة عاد مرة أخرى لاستكمال عمله.

- عمر -

رفع عينيه للصوت الهامس الرقيق الذي ناداه.. ليجد نيفين أمامه.. تبسم له بدلال.. مازال جمالها مهراً كما هو. مالت للأمام وهي تهتمس:

- وحشتني.

ارتبك؛ فلم يتوقع أبداً أن تظهر نيفين أمامه في هذا التوقيت تحديداً، وأن تبادره بمعسول الكلام الذي طالما اقتنقه وتمناه.

تحدث إليها بجدية:

- اترك يا نيفين.

ونادى لحمدي:

- حمدي.. شوف طلبات نيفين واكرمها.

فالتفتت لجمدي وردت بجراة:

- لا شكرًا.. أنا جاية لعمر.

صمت عمر.. فوجدما تقرب مقعدًا وتجلس بجواره:

- مش هتقولي أقعد.. أقعد انا.

ترك ما بيده.. وامسك عكازيه واستند عليهما رغم أنه ليس في حاجة لهما وهو جالس.

سألها: عايزاني في إيه؟

ردت بابتسامة: ده انت زعلان بجد بقى.

ابتسم هو الآخر.. وأجابها:

- زي ما انتي شايقة.. أنا لسه زي ما انا وعكاكيزي في ايدي.

- يا حبيبي انا عارفة.. أنا اتفرزت شوية واثبت المفروض تستحملني مش تبعد كده.

صمت قليلًا.. يشعر بالكذب في كل كلمة تخرج من فمها.. تعود في السابق ألا يحرجها سواء هي أو غيرها أيًا كان.. لكن ومع شعوره بالإهانة لاعتقادها أنه سهل التغرير به.

نظر في عينيها مباشرة.. وابتسم لها.. استلذت أنها استطاعت التأثير عليه.. فابتسمت بانتصار..

قال لها هامسًا: يعني هنتجوز؟

ردت بتأكيد: طبعاً.

سألها: هل تستحلي معايا؟

أجابت: أستحمل معاك أي حاجة.

- فكري كويس يا نيقين.. الظروف اتغيرت كثير عن الأول.. حتى عن ساعة لما جيت اخطبك.

- اتغيرت ازاي؟

- أنا مش عارف هشتغل إيه؟؟

- ما انت بتشتغل اهو.

- لا.. المحل هيتباع.. وهضطر أأجر الشقة اللي فوق كمان وتعيش مع ماما.

- ليه؟؟ وايه اللي يخليك تباع المحل بعد ما روان عملت العملية.

- البيعة وقفت ومكنش فيه وقت.. فاستلقت الفلوس من تجار أصحاب بابا الله يرحمه وكتبت على تسمي وصولات أمانة وقلت هسددهم لما اباع المحل.. وحاليا انا عارضه للبيع وفي أي لحظة هبقى من غير شغل.

تلون وجه نيقين.. ضاعت مفردات الكلمات الكثيرة التي حضرتها طوال الليلة الماضية.. حاولت أن تتحدث، ولكن المفاجأة ألجمت لسانها.. لاحظها عمر.. بل كان متأكدًا من رد فعلها

فقال لها: مش هينفع يا نيقين تكمل مع بعض.. ظروفك حاليًا متسمحش أبدًا بالارتباط.. وحتى لو استحملتي معايا مضمئنش اني اوفرلك أقل احتياجاتك.

غادرت نيفين دون أن تتفوه بأي كلمة.. دون ذكر أسباب تبرر ذهابها المفاجئ  
مما أكد لعمر فكرته عنها.

اقترب منه حمدي الذي كان يستمع لما يدور بينهما.. سحب المقعد الذي كانت  
تجلس عليه نيفين وجلس عليه قبالة عمر.. وسأل:

- بص انا مش قصدي اتدخل.. بس الكلام اللي قلته ده صحيح؟

ضحك عمر وطمأنه:

- فال الله ولا قالك يا شيخ.

بدا على حمدي الحيرة وهو يسأل:

- يعني مش متبيع المحل.. صح؟

- يا ابني مش لما كنت هبيعه قللتك.

ضحك حمدي مطمئناً.. وشاور على نيفين:

- والفيلم ده ليه؟

- حسيت انها جت لما اتأكدت اني مبيعتش المحل.. لو كانت باقية عليا صحيح

كانت اعتذرت تاني ولا تالت يوم المشكلة.. ولو ان اللي قالتهولي صعب يتنسي..

بس حبيت اتأكد علشان مبقاش ظنيت فيها.. وزي ما انت شفت.. لما اتأكدت

اني ع الحديدية.. جريت.

- ربنا يعوضك احسن منها إن شاء الله.

\*\*\*\*

استقبلت إسرائ حنان باشتياق.. فمِنذ آخر يوم التقيا في العزاء لم تتقابلا.. كل ما بينهما مكالمات هاتفية فقط.

جلستا معا.. تحدثت معها حنان عن العمل وعن احتياجهما له.. رفضت إسرائ في البداية.. ثم بدأت تسمع حنان في مبرراتها.

لم يكن إقناعها صعباً: فوافقت بعد قليل أن تذهباً معها.

تحدثتا في أمور شتى، ووجدت حنان نفسها تحكي عن عمر.

طوال الحديث.. تكررت عبارات: "عمر قال.. عمر شجعني.. عمر حكى لي.."

لاحظت إسرائ تكرار الحديث عن عمر.. فسألتها مازحة:

- واضح ان عمر له تأثير كبير علينا ولا إيه.

صمتت حنان قليلاً.. وسألت:

- عمر يتعامل معاًيا عادي مش زي ما في دماغك.. وفاكر اني بنت لا يعرف حاجة عن جوازتي ولا عن عجزتي.

- مش عارفة اقولك إيه.. هو اللي حكيته ميبينش دماغه فيها إيه بالضبط.. بس هو لو بيبحك هيتقبل كل ظروفك عادي.

- خايضة أوي يا إسرائ.. الفترة اللي فاتت دي اتعلقت بيه وهو اختفى فجأة امبارح ومن ساعتها مظهرش.

- يمكن التت فصل عنده.. اصبري النهارده وشوفي.

هزت حنان رأسها استسلاماً.. يساورها القلق عما تخبئه الأيام القادمة.

\*\*\*\*\*

في بداية المساء.. جلس عمر مع والدته يشاهدان التلفاز.. يتجنب الجلوس وحيداً حتى يتبعد عن الفيس بوك وحنان

جاءت علا من غرفتها وجلست معها

سألتهما والدتهما: روان نامت؟

أجابتهما: لا فاتحة الكرتون وأنا قلت احي اشوف الأخبار.

سألتهما الأم: المدارس قرّرت.. متروح ولا هتعملوا إيه؟

ردت علا بقلق: لا مش مهم السنة دي.. لما تبقى كويسة خالص تبقى تنزل..  
أضمن منين حد يزقها ولا تقع ثاني.

عمر: هتضيعي عليها السنة ليه بس.

علا: دي سنة أولى يعني مش هتأثر في حاجة.. كأنها اتولدت متأخر عن معاد  
المدارس.

عمر: لا يا علا متضيعيش عليها السنة.

علا: مش أحسن ما هي تضيع مني.

عمر: أنا عندي حل معقول.. هي اتقبلت خلاص في المدرسة.. نجيب شهادة من  
الدكتور انها تعبانة ونقدّمها للمدرسة ونجيب لها مدرسين هنا في البيت وتبقى  
تروح على الامتحانات بس.

فكرت علا قليلاً.. وقالت والدتها:

- فكرة كويسة يا علا.. يبقى لا ضيعنا السنة ولا قلقنا عليها من المدرسة.

في نفس الوقت. فقد صبر حنان من الانتظار.. ترى ما الذي أخرّ عمر كل هذا الوقت.. عندما عادت أرسلت له رسالة تطمئنه بعودتها وتخبره أنها ستحكي له عن لقائها بإسراء.. وانتظرت دون جدوى.. قلقت.. ترى هل حدث لأحد منهم مكروه؟

أمسكت هاتفها.. كادت أن تتصل بعمر، ولكنها تراجعت.

بحثت في الهاتف عن رقم علا. وفكرت أن تتصل بها لعلها تعلم سبب غياب عمر.

اتصلت.. سمعت رنين الهاتف.. وانتظرت ردًا.

أثناء جلسة علا مع عمر ووالدتها.. رن هاتفها.. نظرت للهاتف فردت بلهفة:

- حنان.. وحشائي ازيك.

انقبه عمر وأصغى جيدًا لعلا: فمئذ عودة روان من المستشفى لم تتصل أي منهما بالأخرى سوى مرتين ولسببين محددين: اتصال نعيمة من علا لحنان.. واتصال آخر للاطمئنان على روان بعد العملية.. ففكر: هل يستأجل حنان عليه مباشرة؟

أكمل تركيزه في المكالمات:

- الحمد لله بخير.. أنا عارفة اني مقصرة في السؤال عليكى بس...

قاطعتها حنان: متقولييش كده أنا مقدرة ظروفك.. أنا بس حبيت اطمئن عليكم.

- إحنا بخير الحمد لله.. وازي مامتك عاملة إيه دلوقتي؟

- الحمد لله.. صابرة وراضية.

- والتحقيقات؟

- تحقيقات إيه يا علا.. خلاص دم أحمد ضاع وسط كثير غيره ومحدث عارف حاجة.. إحنا فوضنا امرنا لربنا هو الأعلم باللي قتله وقادر ينتقم من اللي عمل كده؟

- سببائه لا يغفل ولا ينام.. ربنا ينتقم من كل ظالم.

- روان فين؟؟ لو صاحبة عايضة اكلمها.

- أه صاحبة.. حالاً هتكلمك.

ونفضت علا متجهة لغرفة روان.. شرد عمر في حنان وأحس أن مكالمتها تذكير غير مباشر بموعدهما اليومي، لكنه تجاهل استنتاجه ورفع صوت التليفزيون ربما شوش على أفكاره المتلاحقة.

\*\*\*

لم تصل حنان لأي شيء يخص عمر من خلال مكالمتها لعلا.. جلست تفكر ماذا حدث ليغيب ولا يرد على رسالتها.

استعادت الدقائق التي جمعتها بعمر في المستشفى، قفزت من السرير فجأة وفتحت دولابها عندما تذكرت الكتاب الذي أعطاه لها، فتحت الحقيبة التي كانت معها في المستشفى وجدت شئمة الهدايا وداخلها الكتاب.

أخذته وعادت إلى سريرها مرة أخرى.. اختلست نظرة لشاشة اللاب توب ثم فتحت الكتاب وبدأت تقرأ. جذبها الكتاب فظلت تلتهم الصفحات الهاماً دون

كل وملل.. كلما قرأت جزءاً من الكتاب شعرت أنه يمدد بالقوة. قلبت الكتاب بين يديها وتاهت بين حروف عنوانه:

"لا تحزن".. هل كان عمر يعلم أنها عندما سيقراها ستكون في حالة من الحزن الشديد.. وسيخفف ما قرأته من حزنها كثيراً؟

عندما قرأت الكتاب بلهفة وتركيز.. شعرت أن ما تمر به مهما كان قاسياً، سيكون بعده فرج قريب.. فرج كبير جداً.. قريباً جداً.

إنها على يقين.. يقين مستمد من إيمانها بالله سبحانه وتعالى.

\*\*\*

ذهبت في الموعد المحدد للانترفيو وقابلتها إسراء هناك.. كان العدد كبيراً وأصحاب المدرسة في عجلة من أمرهم.

لا بد من استكمال موظفي الإدارة وبعض المعلمين قبل بدء العام الدراسي الذي تبقى عليه ثلاثة أسابيع.. مما اضطرهم إلى إعلان نتيجة الانترفيو بعد انتهائه مباشرة.. فيعرف المتقدم إن كان قَبِلَ أو رُفِضَ قبل أن يفادر المدرسة.

وقفت حنان وإسراء في انتظار دورهما.. سألتها إسراء:

- اتكلمتوا امبارح؟

- لا.

- ليه؟

- مش عارفة.. بعته رسالة زي ما اتفقنا ومردش.

- يمكن الفت مقطوع.

- لأ.. علا بتدخل عادي.. وقلقت يكون حصل أي حاجة كلمت علا اسأل عليها وعلى روان لقيت مقيش أي حاجة.

- وسألتي عليه؟

- لأ طبعاً.. انكسفت.

- طيب مش يمكن علا بتدخل من التليفون وهو لأ.. يمكن يعني.

- عمر عنده نت في المحل وفي البيت.. يعني لو واحد قاطع الثاني شغال.

- طيب فكرتي تتصلي بيه؟

- فكرت.. بس مش لاقية حجة اكلمه بيها.

- وهتفضلي مستتلية كده؟

نظرت لها حنان بخجل، وقالت:

- لأ.. انا فكرت تروح له المحل.

ردت إسراء بدهشة: مكسوفة نكلميه وعايضة تروحي له المحل!!

قالت حنان موضحة:

- ما انا عندي سبب.. فاكدة آخر يوم في المستشفى.. جابلي كتاب على إن أقراه وأرجعهوله.. يومها حصل اللي حصل وسيننا المستشفى وأنا نسييت الكتاب خالص الفترة اللي فاتت.. هنروح بحجة أرجعهوله.

- وانتي عارفة المحل فين؟

- اه.. من جروب المحل على الفيس بوك جيت العنوان.. وسهل توصل له.
- ومالك واثقة كده اني موافق احي معاك.
- علشان متأكدة اني مش مهنون عليك تسببيني لوحدي.
- اضحكي عليا بكلمتين.
- قولي بس يارب نخلص بدري وتلحق نروح.
- تادت السكرتيرة اسم إسراء.. فقالت إسراء لحنان بعدما أشارت للسكرتيرة:
- بشرة خير اهي.. شكلهم ماشيين بالحروف الأبجدية.. وإن شاء الله تلحق.

\*\*\*\*

- بعدما انتهى عمر من صلاة الظهر، فتح درج مكتبه وسأل حمدي:
- دي كل الحاجة اللي ناقصة للمحل ولا هتزود حاجة؟
- لأ خلاص كده.
- نهض عمر متناولاً الورقة والمفاتيح والهاتف.. قبل أن يستدير من خلف المكتب وجد حنان وإسراء تدخلان من باب المحل.
- فوحى.. وقف مشدوهاً للحظات بينما حنان تتقدم ناحيته:
- السلام عليكم.. أزيك يا عمر.
- أفاق عمر من دهشته ورد تحيته:
- وعليكم السلام.. الحمد لله.

أشار لهما بالجلوس: اتفضلوا.

شعرت حنان بأن المفاجأة غير سارة عكس ما توقعت.. شعرت بالإحباط الممزوج بالإحراج.. نظرت لإسراء التي شعرت بها، ولكن لا مجال للحديث بينهما.

قالت حنان دون أن تجلس:

- لا مش عايضة اعطلك.

أخرجت الكتاب من حقيبتها، ووضعتة على المكتب:

- شكرًا على الكتاب.

همت أن تغادر.. شعر عمر أنه كان فظًا معها.. فحاول استدراك الموقف:

- مستعجلة على أبيه.. خليه لحد ما تخلصيه.

ردت: خلصته.. أنا جيت مخصوص علشان أرجعها لك.. مش معطلك.. يالا يا إسراء.

فابتسم عمر ليعوض سخافته:

- معقول من غير ما تشربوا حاجة.

أحست حنان باهتمامه، فاحتارت أكثر. ولكنها رفضت عرضه بأدب.

- لا مش هينفع مخلص.. مش عايزين نتأخر.. وبعدين شكك كنت ماشي مش معطلك.

- خلاص يبقى اوصلكم.

نظرت الفتاتان لبعضهما.. وقالتا في نفس اللحظة:

- لأ.. شكرًا.. متعبيش نفسك.. احنا هنركب ونروح.

لم يعط لهما الفرصة للرفض.. واتجه لباب المحل:

- أنا كده كده ورايا مشاوير.. اتفضلوا.

سبقهما للسيارة.. وكلّ منهما تريد أن تتحدث للأخرى ولا فرصة للحديث.

فتح عمر بابي السيارة الأمامي والخلفي.. واستدار ليجلس مكانه.

أسرعت إسراء وجلست في المقعد الخلفي وأغلقت الباب.. مما اضطر حنان

للجلوس في المقعد الأمامي.

sa7eralkutub.com

سألها عن عنوانهما.. فأجابتا.. ولكن إسراء عَقِبَتْ:

- معلش ممكن نزلنا في أقرب مكان.. بلاش عند البيت.

هز عمر رأسه متفهمًا.. وسأل حنان:

- نتيجة الانترفيو إمتى؟

أجابت وهي تكاد تبكي من فرط إحساسها بالعزن من لا مبالاته ومقابلته

الباردة:

- ظهرت.. وقبلنا احنا الاتنين.

- مبروك.

رددتا بصوت خفيض:

- الله يبارك فيك.

ساد الصمت.. حتى وصل عمر لشارع قريب من منزل إسرائ.. فشكرته إسرائ:  
- أنا منزل هنا.. شكرًا.

توقف عمر بالسيارة.. نزلت إسرائ، وأشارت لحنان أنها ستحادثها هاتفياً..  
لوحت لها، سألها عمر: أمشي؟  
- اتفضل.

لاحظ صمتها، ووجهها الذي تغير عن لحظة وصولها للمحل.. تساءل في نفسه:  
- هو مين اللي المفروض يزعل.. هي نسيت قالت إيه؟

أما حنان فكانت تتساءل.. ما الذي غيّر معها هكذا.. ماذا حدث ليتجاهلها  
اليومين الماضيين ويقابلها بجفاء اليوم.

شعرت بغصة في قلبها.. ومحاولاتها المستميتة في ألا تنفلت الدموع رغمًا عنها.  
بعد فترة صمت.. لم تجد بداً سوى سؤاله.. فسألته:

- كنت فين اليومين اللي فاتوا؟

ردّ بنفس الجفاء: موجود.

قالت بألم: أنا قلقك عليك.. مش عادتك تغيب كده.

خطر له فجأة أن يرد كرامته التي أهدرتها حينما قالت إن بعض الناس ليس  
من حقهم الحب.. في إشارة إليه.. فأجابها:

- أصل حصل حاجة امبارح خلقتي محتاج افكر شوية.

سألته باهتمام صادق: خير.. إيه اللي حصل؟

حكى دون أن ينظر لها

- إمبارح خطيبي جت المحل واعتذرت عن المشكلة اللي حصلت بيننا.. يعني.. عايزانا نرجع لبعض.

توقف في إشارة.. ووقعت الكلمات على حنان كمن نزلت عليها صاعقة.. صدمت.. وتلاأت الدموع في عينها فأشاحت وجهها سريعاً لتتظر من نافذة السيارة وهي ترد بصوت مختنق:

- آآه.. ربنا يسعدكم.

تعجب عمر من ردة فعلها وصوتها المختنق الذي تبينه من ردها..

نظر لها.. لم يروجهها.. فنادى:

- حنان.

ردت دون أن تلتفت:

- نعم.

- بُصي لي.

مسحت دموعها والتفتت.. تفاجأ بدموعها فسألها

- مالِك؟

لم تجد عذراً أفضل من حزنها على أحمد.

- أبداً.. أصل افتكرت أحمد.

شعر بعدم صدقها.. مازال لا يفهم سبب تقلبها المفاجئ وهي التي صدته من قبل.. سألها:

- انني إيه رأيك؟

فُتِخَت الإشارة وتحرك عمر بالسيارة

ابتسمت ساخرة: بتسألني انا ليه؟؟ دي حاجة تخصك لوحدك.

ردًا متصنعا القسوة، ولكنه في الأصل يريد معاتبها:

- بشوف رأيك ينفع احب ولا مش من حقي.

عيسيت في عدم استيعاب والتفتت إليه:

- مش فاهمة.. وإيه اللي يمنع انك تحب عادي؟

كاد أن يصرخ بها ويخبرها أنها من قالت، ولكنها تذكرت آخر ما قالته، من كثرة قراءتها لرسائلهما الأخيرة طوال تفكيرها فيه وغيابه عنها.. فسألته:

- إوعى تقول انك أخذت الكلام اللي قلته آخر مرة على نفسك.

- أومال على مين؟

صمتت حنان.. فأعاد عمر السؤال عليها مرة أخرى:

- كنتي تقصدي مين غيري يا حنان لو فعلاً متقصدينش علشان..

قبل أن يكمل.. قاطعته وهي تبكي بحرقة:

- أقصد نفسي يا عمر.. أنا اللي مش من حقي احب ولا ليا حق حتى اني احلم بمستقبل فيه حب وأمان وأسرة زي أي حد.

سألها عمر.. وهو لا يفهم عن أي شيء تتحدث:

- ليه؟.. ليه مش من حقا.. ناقصك ايه؟

صعحت سؤاله وهي تبكي بحرارة:

- قول فيا ايه يغليني احلم!

احتمالات كثيرة قفزت إلى ذهنه.. واقترب منزل حنان.. توقف بالسيارة في شارع جانبي.. والتفت لها وهي لاتزال تبكي:

- فهميني في إيه؟؟ إيه اللي يغليكي تقولي كده وتعيطي بالحرقه دي؟

حاولت حنان السيطرة على انفعالاتها.. والكف عن البكاء.. دون جدوى.

- أنا اتجوزت قبل كده يا عمر.. اتجوزت واتطلقت بعد ما فقدت الرحم لما ابني مات في بطني.. جالي انهيار عصبي من ابويا اللي كان بيعايرني بطروفي.. كرهت الحياة والناس وجبست نفسي في أوضي.. تفتكر بعد ده كله من حقي احلم بالحب والأسرة.. تفتكر ان ممكن حد يقبل بكل ده.

انفطر قلب عمر على بكائها.. يريد أن يضمها لصدره ويزيح عنها كل ما مروت به من قبل.. يريد أن يعوضها كل ما فاتها.. إن قبلت به.

ردّ بكل مشاعر صادقة:

- أنا يا حنان.. أنا أتمنى تقبلي بيا واكون في منتهى السعادة.

فوجئت حنان باعترافه.. لكنها شكت في صدق كلامه.. شعرت أنه يشفق عليها.. مسحت دموعها ورفعت رأسها.

- لا يا عمر.. أنا مش محتاجة شفقة.. أنا خلاص بقيت أحسن.. قررت اني عيش واشتغل واخد من الدنيا اللي يناسبني واللي مليش نصيب فيه خلاص.

- شفقة إيه حرام عليكى.. ده انا كنت هتجنن اليومين اللي فاتوا لما حسيت انك بتصدينى بذوق علشان ظروفى وقلتهالى علشان افهمها لوحدي.. حاولت ابعد عنك علشان متعلقش بيكي أكثر.. من يوم ما اتقابلنا وانا مبشكرش غير فيكى.. مش شايف حد في الدنيا إلا انقى.. انتي اللي لو وافقتي بيا يبقى رينا استجاب دعوات أمي وحقق لي السعادة اللي شايفها بعيدة عني أوي.

- يعني تقبل تتجوز واحدة اتجوزت قبل كده؟

ردُّ ضاحكًا: يعني المطلقة ولا الأرملة نرمهم في البحر.. وانتى مش أي واحدة.

- والخلفة.. متقولش انك مش نفسك تبقي أب.

صمت لحظات.. توقف فيها قلب حنان.. قبل أن يجيبها:

- افرضي انا شخصيًا مقدرش اخلف.. افرضي احنا الاتنين كورسين ومفيش نصيب.. افرضي خَلَفْنَا وربنا مارادش انه يعيش لنا ولاد.. كل دي حاجات بتاعة رينا.

ردت بألم: تفرق يا عمر.. أنا مش تعبانة وفيه أمل ولو واحد في الميه اني اتعالج.. أنا مستحيل اخلف.

- ميمعش برضه اني حببتك انتى.. واتمنى انك تقبلي بيا رغم ظروفى.

- فكر تاني.

- انتى عايزة وقت تفكري؟؟ انا أخرجتك بطلي؟

- تفكر جيت لحد عندك اشوفك غايب عني ليه؟

- ليه؟

ردت بخجل: اسأل نفسك.

- أنا يسألك انتي.. بس قيل ما تجاوبيني عايز اعرفك اني حاليًا ظروفي المادية صعبة.. يعني ان قبلتيني أوعدك اني هاعمل كل اللي اقدر عليه علشان اسعدك في حدود إمكانياتي.. شقتي في بيت بابا موجودة والمحل هو مصدر رزقي الوحيد.. تقبلني بيا ودي كل إمكانياتي.. بس قبلهم.. أنا بحبك.

بكت حنان.. وهي تهز رأسها مبتسمة.. لكن دموعها هذه المرة لم تكن دموع حزن.. أو قهر.. أو إحباط.. ولكن دموع فرح.

\* \* \*

- 15 -

وَبَشِّرِ الصَّابِرِينَ  
الَّذِينَ إِذَا أَصَابَتْهُمُ مُصِيبَةٌ قَالُوا إِنَّا لِلَّهِ وَإِنَّا إِلَيْهِ رَاغِبُونَ

عادت حنان لمزلقها وقلها يكاد يخرج من صدرها من فرط السعادة.. لا تصبِق  
ما حدث من دقائق قبل أن تغادر سيارة عمر. استقبلتها والدتها التي لاحظت  
فرحتها:

- إيه طمني؟ الفرحة اللي على وشك بتقول قبلتي في الشغل.

حضنتها حنان وقبَّلتها وهي تخبرها:

- أه قبلت انا وإسراء.

- يا حبيبي لو اعرف ان الشغل هيفرحك كده كنت قلتلك اشتغلي من زمان.

- كل شيء بأوان ياماما.. بابا جه؟

- لا لسه.

دخلت حنان غرفتها.. وقبل أن تبدل ملابسها فتحت النافذة ووقفت..  
واتصلت بإسراء

ردَّت إسراء في لهفة:

- حنان.. معلش يا حبيبي مترعلش.

ردَّت حنان بهمس تخشى أن صوتها يرتفع فتسمعها والدتها:

- أزعل إيه.. ده انا النهارده اتولدت من جديد.

بدا صوت إسراء متعجبًا.. وسألها:

- حصل جديد بعد ما نزلت؟

حكيت حنان لإسراء كل ما حدث بعد تركها لهما.. كان صوتها كله سعادة وإسراء تدعو لها:

- ربنا يسعدك يا حنان.. انتي تستاهلي كل خير.

- عارفة كانت فرحتي متكمل لو كان أحمد موجود.. كان نفسي اجري عليه هو واحكي له.. كان نفسي يشوف عمر ويقول رأي فيه.

ضمنت إسراء.. فالحنن يجمعهما.. والفرح أيضًا.. ففرحة إحداها تسر الأخرى.

حاولت حنان أن تعتذر أنها تذكرت أحمد وذكرتها به.. لكن ما باليد حيلة.. فهي نفتقده بشدة ولا تجد أقرب من إسراء لتبوح لها بفرحها وحزنها المجتمعين في قلبها في نفس الوقت:

- إسراء.. أنا أسفة اني فكرتك بأحمد.

- أسفة على إيه.. هو انا ممكن انساه!

- أقولك حاجة.. أنا حاسة بالذنب اني فرحانة.. أنا منسيتش أحمد والله وفرحتي ناقصة بغيا به.. بس حاسة ان وجود عمر هيعوضني شوية عن أحمد.

- إفرحي يا حنان.. أحمد الله يرحمه كان نفسه يشوفك فرحانة.. إوعي تتكسفي من فرحتك هو لو حاسس بينا دلوقتي هيفرح لك أوي.

سمعت صوت والدتها بالقرب من غرفتها، فقالت هامسة:

- بابا جه ومش عايزة حد يحس بحاجة.

- مقلتبش اتفقتوا على إيه؟

- متفقناش على حاجة.. هو قالي الكلمتين اللي قلتهوملك وكنت قريبة من البيت فزلت.

- طيب اعرفي يا حنان هو ناوي على إيه.. وخلي بالك انتي متضمنيش هو بيشكر ازاي ولا عايز منك إيه.

- هيعوز إيه يعني.

- يا ستي حظي كل الاحتمالات.. شوفي بس هو ناوي على إيه وابقى احكي.

- حاضر.. يالا سلام.

بدلت حنان ملايسها سريعًا، وخرجت تساعد والدتها في إعداد الغداء.. وجلسوا جميعًا لتناول الغداء وحنان تحكي عن يومها- قبل لقائها بعمر- وعن العمل وفرحتها بوظيفتها المرتقبة.

\*\*\*

عاد عمر للمحل قبل إغلاقه بنصف ساعة.. لاحظ حمدي التغير على ملامح عمر عن البومين الماضيين.. فسأله:

- مين اللي جم دول؟

- ناس معرفة.

- أول مرة اشوفهم.

- هتشوفهم كثير بعدين.

قالها مبتسمًا، فضحك حمدي بعد أن استنتج

- باين على وشك.

انصرف حمدي ليرتب مشتريات المحل.. أما عمر فجلس شاردًا يستعيد لقاءه بحنان.. لا يصيِّق أن حنان تحبه كما يحبها.. حُب نشأ في ظروف صعبة لكليهما.. لكنه وُجد دون تدخل من أحدهما.

تفاجأ بزواجها السابق.. تفاجأ أيضًا بعدم قدرتها على الإنجاب. ولكن مشاجراته لن تؤثر أبدًا على حبه لها.

لاحظت علا ووالدتها السعادة التي تشع من عيني عمر.. فسألته والدته:

- كان مالك اليومين اللي فاتوا يا عمر؟ كان فيه مشكلة في المحل؟

رد نافيًا مطمئنًا لها:

- لا أبدًا.. ليه بتقولي كده؟

- هو انا مش عارفاك يعني.. لما بتكون مهموم ببيان عليك.

ردًا وابتسامته تملأ وجهه:

- كنت متضايق بس النهارده انا فرحان أوي.

دعت والدته وعلا له بدوام السعادة.. فأخبرهما:

- أصلي فكرت ولقيتني كنت غلطان.. الواحد مينفعش يعيش وحيد طول عمره.

تبادلت علا ووالدتها النظرات.. وظهر الامتعاض على وجه علا، بينما قالت والدته مشجعة راضية بقرار ابنها أنها كان:

- وماله يا ابني.. احنا هنعوز ايه غير رضاك.. بس المرة دي خلي بالك ومتضيعش كل حاجة على القسح والخروج علشان تتجوزوا بسرعة.

سألها مستدركا: انتي تقصدي مين؟

ردت بتلقائية: نيفين.

- لأ. مش نيفين خالص.. نيفين بعد ما ظهرت على حقيقتها لو هي آخر واحدة في الدنيا مش مرجع لها.

فتساءلت علا: تقصد مين يا عمر؟

رد وقد شع وجهه بالسعادة عند ذكر اسمها:

- حنان.

تساءلت والدته: حنان مين؟

ورددت علا هي الأخرى، تريد أن تتأكد:

- حنان مين؟

نظر لعلا مجيبا:

- حنان صاحبك.. حنان اللي كانت مع أخوها في المستشفى.

سألت الأم علا: انتي تعرفيها كويس يعني؟؟ كويسة الينت دي.

ردت علا بما تعرفه فقط.. من خلال اللقاءات البسيطة التي جمعتهما.

- كويسة يا ماما.. على أد معرفتي بيها.. بس لو عايز تخطبها يا عمر لازم تكلموا

بعض الأول وطبعًا ظروفهم دلوقتي مينفعش أبداً اني أقولها حاجة زي كده.

وضَّح عمر:

- إحنا اتكلمنا فعلاً.. كام مرة كده في المستشفى.. ولما اخوها اتوفى بعثلها رسالة عزيتها.

سألته والدته: لُحِت لها طيب؟

علا.. وأثناء حديث عمر.. شعرت أن هناك ما يخفيه عنها.. هناك ما يُسعد شقيقها ويسعدها أيضاً.. صوته.. ابتسامته.. تعابير وجهه تؤكد حقيقة واضحة.. عمر يحب..

اجاب عمر: ملمحتش.. أنا صرّحت لها اني عايز ارتبط بيها.

سألته والدته باهتمام: وقالت إيه؟

أراد عمر أن يوضّح لوالدته وشقيقته ظروف حنان: حتى لا يضع حنان في موقف حرج دون قصد منهما فيما بعد.

- قبل ما ترد عليها قالت لي ان ليها ظروف خاصة.

صمت قليلاً.. لاحظ اهتمام والدته وشقيقته بسماع المزيد.. فأكمل

- هي كانت متجوزة قبل كده.

علقت الأم: متطلقة يعني؟؟ مين السبب.

عمر: لسه مش عارف تفاصيل.. بس اللي اعرفه انها اتطلقت بعد ما اجهضت وشالت الرحم.

صرخت الأم: إيه؟؟ يعني ميتخلفش؟؟

ارتبكت علا.. واستاء عمر قائلاً:

- وهي اختارت لنفسها انها متخلفش.. دي إرادة ربنا.

علا: يمكن هي أحسن له من غيرها يا ماما.

الأم: أنا نفسي يتجوز علشان اشوف عياله.. مش يتجوز من واحدة هو عارف من الأول انها مش هتخلف.. واتطلقت علشان كده.

عمر: ماما.. حنان قبلت بظروقي وأنا قابل ظروقتها.

الأم مدافعة عنه: وانت فيك إيه؟؟ إنت أي واحدة تتمناك.

عمر: لا يا ماما مش أي واحدة تتمناني وانتي عارفة كده كويس فيبلاش تضحكي على نفسك وعليها.

الأم باستسلام: يعني إيه؟؟ انت عايز تتجوزها علشان بس وافقت عليك.. يا ابني يا حبيبي مش كل الناس نيفين.

عمر: أنا مش عايزها علشان بس هي رضيت بيا.. انا عايزها علشان حبيبتها وعمايز اكمل عمري معاها.

صمتت الأم في عدم رضا.. واقترحت علا:

- عمر.. فكر تاني.. فكر كويس قبل ما ترتبط معاها بوعده.. متقدر تعيش من غير أطفال.

صمتت عمر قليلاً.. رأت والدته في صمته بارقة أمل للعودة لرشده.

قال عمر ناهياً حواراً:

- انا من يوم واحد بس كنت شايف الدنيا سودة لأنني معيش لوحدي من غير  
الإنسانة اللي اكتشفت اني حبيبها.. النهارده بعد ما الأمل رجع لي والدنيا  
ضحكت لي جاين تقولولي فكر.. أنا راضي بيها آيّا كانت ظروفها.. لأنني ببساطة  
حبيبها.

وجهت علا حديثها لوالدتها:

- خلاص يا ماما.. عمر مش صغير وهو أدري باللي يريجه.

قالت الأم في محاولة أخيرة للاقناع:

- كان نفسي افرح بيه.. مع واحدة يكون أول بختها.. كان نفسي اشيل عياله..  
كده بيحرمني من الفرحة اللي مستنياها عمري.

تودد لها عمر.. متوتلاً مباركها:

- وإن قلت لك اني مش هبقي مبسوط غير معاه.. وهي دي اللي اخترتها.

صمتت الأم قليلاً.. ثم قالت باستسلام:

- هقول إيه.. ربنا يكتبك اللي فيه الخير.

نهضت علا مسرعة.. تعانق شقيقها:

- مبروك يا عمر.. ربنا يسعدك يارب.. هتروح نخطبها إمتى؟

- الله يبارك فيكي يا حبيبتي.. أنا لسه متكلمتش معاه في كل التفاصيل دي..  
بس أكيد يعني هنستى شوية.. ده اخوها لسه متوفي.

\*\*\*

في الفترة التالية.. زاد التقارب بين حنان وعمر من خلال الفيس بوك.. يوميًا يتحدثان بالساعات عن تفاصيل حياتهما الماضية ولمحات يتمنيان تحقيقها في مستقبلهما.

تأكد كل منهما أنه وجد في الآخر نصفه الذي تكتمل روحه بقربه.. كلما مرَّ يوم زاد الحب وقويت علاقتهما.

يريد عمر أن يلقاها.. يتحدث معها وجها لوجه لا من خلال الإنترنت.. يريد هي الأخرى أن تلقاه.. ولكنها تغطي أشياء كثيرة بنها والدها في عقلها.. وأكثر ما تخشاه أن تفقد ثقة والدها التي منحها إياها في الفترة القليلة الماضية.

خلال تلك الفترة.. يحاول عمر التقليل من نفقاته الخاصة قدر الإمكان كي يتمكن من توفير مبلغ قليل ليتمم خطبته على حنان.

مصاريفه تزداد.. استكمال علاج روان والتي بدأت تتحسن تدريجيًا حتى استطاعت المشي وحدها دون مساعدة.. ومصاريف دراستها بالإضافة لمصاريف البيت.. كلها أعباء يتقبلها بصدر رحب، ويعمل بقول الله تعالى "ومن يتق الله يجعل له مخرجًا ويرزقه من حيث لا يحتسب".

تشجعه حنان على الاهتمام بأسرته وتخيره دائمًا أنها تتقبل العيش معه في كل الأحوال.. يكفئها حبه ورجولته التي تجسدت في تحمله للمسئولية وحبه لأهله وحبه واحترامه لها.. ومن جهة أخرى.. بدأت حنان العمل وكان العمل فرصة جيدة لمساعدة إسراء على تقبُّل الحياة من جديد.

علاقة حنان بوالدها تحسنت بشكل كبير.. خرجت من عزلتها في غرفتها لمشاركة والديها جلساتها في الأوقات التي لا تتحدث فيها مع عمر.

لم يطو النسيان أحمد سواء في عائلته أو بالنسبة لإسراء.. سكن الحزن في ركن من القلب لن يمحوه الزمن.. وعاد كل لحياته.

بعد ثلاثة أشهر.. وأثناء حديث عمر مع حنان، قال لها حاسماً:

- هو احنا مش كفاية علينا كده؟

كتبت مازحة: كفاية إيه؟؟ عايز تسبتي.

- لأ.. عايز حي ليكي يبقي في النور.. عايز لما احب اشوفك احي لحد بيتك.. لما احب اخرج مهاكي مقوليليش لأ علشان خايفة من بابا.. احنا استنينا كثير وكفاية كده.

- ما انت عارف اني مكنتش اجرؤ على فتح سيرة خطوبة وتار فراق أحمد مبردتش.

- ودلوقتي؟

- دلوقتي فيه مشكلة تانية.

- إيه تاني؟

- بابا.. هو تفكيره متشدد شوية واخاف اقوله عليك يرفض لمجرد اننا بنحب بعض.

- يا سلاااام.. وإيه العمل؟

- اخطبني تقليدي.

- حاضر.. هاحي أقوله يا حاج لو سمحت جوزني ببتك تقليدي.

- مهززش.

- طيب قوليلي بجد عايزة إيه؟

- أنا مش هقدر افاتح بابا خالص.. أو على الأقل مش هقدر اقول اني بحبك وعايذاك.. فأنا فكرت اني اقول ان علا كلمتني عليك وكلمتك عليا.. يعني علا هي اللي بتقترح وتمشي الخطوات التقليدية.

- فهمتك.. معنديش مانع.. بس هو يعرف علا ولا هتقولي تعرفها مين؟

- أه يعرفوا اني اتعرفت على علا في المستشفى واننا بنتكلم دايما.

- خلاص.. ابدني تنفيذ الخطة.. وحددي معاد في أقرب وقت.

- حاضر.. هقولهم.

- امتي؟

- مش عارفة.. لما اشوف وقت مناسب.

- مفيش وقت مناسب.. قومي دلوقتي حالاً قوليلهم ان علا كلمتك ومستنية رد.. لحد ما انا افهم ماما وعلا.. يالا قومي.

نفذت حنان كلامه فوراً؛ فرغبتها أيضاً أن ترتبط به في أقرب وقت.. خرجت من شرفتها وذهبت للجلوس مع والديها.

أحاسيس مختلطة تشعر بها.. فرحة.. قلق.. خجل

استجمعت شجاعتها وقالت:

- بابا..

انتبه لها والدها، فقالت وهي تتجنب النظر في عينيه:

- علا كلمتي من شوية وقالت لي اقولكم.. إنها عايزة تيجي..

نظرت لوالدها فوجدتهما منتهين لها.. منتظرين أن تكمل، فقالت وهي تلتقي كلماتها حتى لا يفضحها صوتها وفرحتها.

- هي ومامتها واخوها عايزين بيجوا يتقدموا لي.

قالت وأطرقت رأسها للأرض.. بينما اعتدل والدها جالساً وهو ينظر لوالدها التي ارتسمت على محياها ابتسامة واسعة وهي تسأل:

- والنبي صحيح؟

وسألها والدها ليتأكد أنه لم يفهم خطأ:

- يتقدموا لك يعني عايذ يتجوزك؟

قالت بصوت أقرب للهمس:

- وهي ليها معني ثاني يا بابا.

نهضت.. تريد أن تنهي الموقف بأسرع وقت:

- فكروا وقولولي ارد عليها اقولها إيه؟

استوقفها والدها قبل أن تدخل غرفتها

- استني هنا.

توقفت.. وتوقف قلبها.. أغمضت عينها ودعت الله في سرّها أن يتم كل شيء

على خير.. تصنعت الهدوء والتفتت لوالدها:

- نعم؟

قال الأب بنبرة حانية:

- تعرفيه؟

كادت أن تنفي معرفتها به ، ولكنها عدلت عن ذلك قائلة:

- شفته كام مرة في المستشفى.. بمس مجتش مناسبة نتكلم.

الأب: هي قالت لك إيه بالخطيط؟

حنان: قالت لي اسألکم لو ممكن ييجوا يزورونا علشان يتعرفوا عليكم  
وبطلبوا إيدي لاختوها.

قالت الأم بحيرة: مكنش ينفع يستنوا شوية.. ده أحمد لسه..

ونظرت لزوجها لتستنتج رأيه وأكملت:

ولا إيه يعني احنا مش هنعمل حاجة.

الأب: طب هما عارفين انك كنتي...

قاطعت حنان. أبوة.. قتلها.

قال الأب حاسماً: خلاص.. خليهم ييجوا يوم الخميس الساعة 8.. نشوفهم  
ونتعرف عليهم والتي فيه الخير يقدمه ربنا.

\*\*\*\*

طلبت حنان من إسراء ألا تتركها في يوم كهذا.. لم ترفض إسراء بل على العكس ساعدتها على الاستعداد للقاء عمر وأسرته.

في هذه المرة لن يكون اللقاء عاديًا كالمرات السابقة.. اليوم يحضر خصيصًا ليطالب من والدها أن تكون زوجته رفيقة دربه.. أي سعادة أكثر!

ارتدت حنان بذلة سوداء، وطرحة فضية اللون.. وضعت القليل من مساحيق التجميل وجلست في غرفتها مع إسراء وهاتفت قلبها تدق مع عقارب الساعة. والدتها في غرفتها.. تسبح وتحمي الله أن يتمم بغيره، ووالدها يحاول السيطرة على قلبه.. وينتظر.

sa7eralkutub.com

بعد الموعد المحدد بخمس دقائق.. رن جرس الباب، قفزت حنان من مكانها في سعادة ووقفت تتفقد شكلها في المرآة.. واتجهت إسراء لباب الغرفة وفتحت جزءًا منه لتتمكن من سماع ما يحدث.. فكما أكد عليهما والد حنان بألا تخرج إحداهما حتى ينادي عليهما.

خرجت والدة حنان من غرفتها، وقفت خلف زوجها وهو يفتح الباب لاستقبال الضيوف.

ظهر عمر في المقدمة، خلفه والدته تمسك بيد روان، وخلفها علا تحمل علبة شيكولاته

استقبلهم والد حنان بترحيب:

- أهلاً وسهلاً.. اتفضلوا.

تقدّم عمر على عكازيه.. وصافح الأب، بينما ركزت الأم عينها على عكازي عمر  
وبدت عليها المفاجأة.. غير السارة.

استقبلت والدته وشقيقته.. محاولة ألا يلاحظ أحد تغييرها المفاجئ.

دار حديث بين عمر ووالد حنان لم تتبين منه الأم شيئاً.. كانت شاردة في ابنتها  
والعريس الذي يحمل عكازين الذي أتى لخطبتها.

ألهذا السبب دقّ بابهم وطلب ابنتهم؟؟ هل أجبرت حنان على قبوله بسبب  
وحدتها ولأنه الوحيد الذي جاء يطلبها؟

لماذا لا تدوم فرحتهم أبداً.. أحزان متتالية تهاجمهم وقت الفرح.. كتب عليها أن  
تحزن أبداً الدهر على أولادها.

حاول عمر التركيز في حديثه مع والد حنان رغم إدراكه تمامًا لنظرة والدتها  
إليه، والتي شعر بها نازًا أحرقت قلبه.

خوفه من رفضهم له كان أكبر من حزنه بسبب نظرتها.

والد حنان يحسن استقباله، ويتكلم بكل ود وأريحية معه ومع والدته التي  
يبدو أنها شعرت بشيء ما فكانت ترد ردود قصيرة فقط كلما وُجّه لها الحديث.

في غرفة حنان.. تقف إسراء خلف الباب الموارب محاولة سماع ما يدور في  
الغرفة.. وتجلس حنان متوترة.. تخاف من رفض والدها لأي سبب.. تخاف أن  
يذل لسان عمر ويغبره عن حهما.. تتمتم في سرها بالدعاء أن يمر اليوم  
بسلام.

سمعت حنان صوت اقدام والدتها تقترب من الغرفة.. دخلت عليهما وقالت مباشرة لحنان:

- انتي شفتيه قبل كده.. صح؟

لم تعلم حنان هل تقصد والدتها أنها رأته أم تقصد مقابلته وعلاقتها به.

قالت مرتبكة: أه.. شفته في المستشفى.

قالت الأم بنبهة حادة: يعني انتي عارفة انه عاجز؟

طعنتها الكلمة.. والوصف المبالغ فيه.. قالت معاتبة والدتها:

- العجز مش اللي ربنا ابتلاه بمرض أو نقص في قدرة من قدراته أو حرمان من حاسة من الحواس.. العجز الحقيقي اللي بيكون عنده كل النعم بس عنده نقص في الدين أو الأخلاق أو المشاعر.. العاجز صحيح هو اللي عنده كل حاجة ومش قادر يكون إنسان.

شعرت والدتها بالإحراج ورددت في ندم:

- أستغفرالله العظيم يارب.

سألتها إسراء:

- عمو رأيه إيه؟

الأم: معرقش.. بس انا حاساه مبسوط.

تبادلت حنان وإسراء ابتسامة سعادة.. وتذكرت الأم ما قامت من أجله:

- يالا يا حنان علشان تدخل عليهم بالصينية.

دخلت حنان تحمل صينية الجاتوه.. دقات قلبها أعلى من وقع خطواتها على الأرض.. دخلت الصالون وعيناها على الأرض.

رفعت عيتها لحظة. وجدت عمر ينظر لها مبتسماً. قابلتهم بفرحة وخجل.. تجاهلته كي تستطيع السيطرة على الصينية التي بين يديها قبل أن تسقط من شدة توترها.

اضطرت حنان أن تجلس رغم اضطرابها.. تراقبها إسماء بفرحة لأنها تعلم تماماً شعورها الآن.. فقد جربته من قبل مع أحمد.

أحمد.. سيرته جعلت دمة ساخنة تعرف طريقها إلى عيناها، ولكنها حدثها قائلة: "مش وقتك خالص". وتمكنت من حبس دمعها حتى لا تكون سبباً في فتح جرح يحاولون نسيانه مؤقتاً.

بدأ عمر حديثه الجاد موجهاً لوالد حنان.

- علا كانت قالت طلي لحنان.. وانا اتشرفت بيكم واتمنى نقبلوا طلي.

ابتسم والد حنان قائلاً: والله احنا اللي نتشرف ببيك يا ابني. والحقيقة انا الكام يوم اللي قاتوا سألت عليكم وسمعت كل خير.

عمر: طيب ياريت اعرف طلبات حضرتك.. أنا فهمت حضرتك كل ظروف وواعدك اني هعمل كل اللي اقدر عليه.

الأب: أنا مهميش لبنتي غير راجل يصونها.. إنما تجيب إيه أهو كله ليبتك وأنا مش هتدخل أبداً.. أنا هجهز بنتي زي أي عروسة وانت أهم حاجة تخلي بالك منها.

عمر: نقرا الفاتحة؟

الأب: أنا ليا بس طلب واحد.

عمر: أوامر حضرتك.

الأب: أنا مش عايز خطوبة.. ياريت تنجوزوا في أسرع وقت.

رد عمر معرجًا: والله أتمنى.. بس انا حاليا مش جاهز للجواز وقدامي مش أقل من سنة تقريبًا علشان اقدر اقرش الشقة.

الأب: يبقى نكتب الكتاب.. معلش سامحتي ظروف حنان متسمحش انها تقعد مخطوبة فترة طويلة.

عمر بفرحة لم يتوقعها: لو من بكرة يتفع نكتب الكتاب، أنا معنديش مانع.

فرح الأب من اهتمام عمر: لو تلحقوا الإيسوع الجاي بيبقي كويس.

عمر: تلحق إن شاء الله.. هستأذن حضرتك بس اني الإيسوع ده أبقى انزل مع حنان نجيب...

فاطمة الأب: معلش.. اتكلموا في التليفون وبعد كتب الكتاب ابقوا انزلوا واتقابلوا براحتكم.

وافق عمر وتمت قراءة الفاتحة في جو من السعادة والبهجة.. الكل سعيد.. عدا الوالدين.. فكل أم منهما كانت تتمنى لولدها الأفضل.

\*\*\*

قبل أن يغلد والد حنان للنوم. لاحظ امتعاض زوجته رغم أنها لم تعترض..  
فسألها:

- مالك.. شايفك كده مش مبسوطة؟

- كنت اتمنى انها تتجاوز واحد كويس.

- وعمر ماله.. أنا شايفه راجل كويس.

- مالك فرحان بيه أوي كده.. ده انت حتى مطلبتش منه أي حاجة.. انت عايز  
يقول علينا راميين البت.

- راميينها ليه.. هو احنا اللي قولنا له تعالي اتجوز بنتنا.. هو شكله عايزها  
وشايرها.

- بس يعني اللي ما قال هي جيب شبكة ولا يدفع مهر.

- بقولك إيه.. أنا ما صدقت يجيلها عدلها.. إحنا مش عايشين لها ولما نطمن  
عليها أحسن ما نسيبها لوخدما وهي لا لها ضمير ولا سند.. اللي كنت مطمئن  
عليها بوجوده راح ومبقالهاش حد خالص.

- وحنان.. انت مسألتهاش عن رأيا.. مش عايزين نكرر اللي فات.

- أسأل مين؟؟ انتي مكنتيش شايقاها فرحانة ازاي.. اطمني بتتك عايزاه وده  
واضح عليها أوي.

صممت الأم.. تفتنع بكلام زوجها.. ولكنها تغشى على مستقبل ابنتها.. ثم تفكر  
هل صحيح مستقبلها مع عمر أيها كان ما سيحدث فيه.. أفضل من وحدتها؟

تمددت على سريرها، حاولت النوم وهي تدعو الله أن يستر ابنها ويجعل حياتها القادمة كلها خير وسعادة.

\*\*\*

تم الاتفاق على أن يتم عقد القران في الجمعة التالية بعد أسبوع في منزل حنان بحضور الأسرتين فقط.. في أضيق الحدود: احترامًا للذكرى حبيب رحل بجسده ولم يرحل الحزن عليه بعد.

لم تتغير علاقة عمر بحنان بعد قراءة الفاتحة كثيرًا.. مكالمات هاتفية أثناء وجود كل منهما في عمله.. حديث ممتد على الشات ليلاً حتى النوم.. مرتين خلال الأسبوع ذهب إلى المدرسة وأوصلها هي وإسراء كل إلى بيته.. فقط ليراها ويغيرها كم يحبا ويشتاقي ليوم عقد القران.

\*\*\*

جلس عمر أمام والد حنان وبينهما المأذون.. يردد المأذون كلمات طلب الزواج ويرددها خلفه عمر.. قبل والد حنان طلبه وردد خلف المأذون كلمات القبول.. ثم اختلطت أصوات الجميع تدعو لهما بالبركة والجمع بينهما في خير. اختلطت التهاني.. كل يهنئ بعضه.

بعدما وصل والد حنان المأذون للباب، عاد فوجد حنان وعمر كل منهما واقف يتلقى التهاني في مكانه.. أفسح لحنان وهو يشاور لها:  
- تعالي جنب جوزك.

تقدمت حنان بخطوات خجلى تجاه عمر.. استقبلها عمر وقلبه يرقص فرحاً..  
مُدَّ يده يسلم عليها.. سلمت عليه.. سرت قشعريرة في جسديهما معاً.. ضمها  
إليه قبلها من جيبها.

سَلَّمَ نفسه لإحساسه بها.. لم يعبأ بالموجودين حوله: فهي زوجته أمام الله  
وأمام أهلها.

بعدما سرت القشعريرة في جسد حنان جراء لمسة عمر.. وجذبها نحوه.. بين  
ذراعيه فقدت إحساسها بالعالم وشعرت بالأمان فقط.. وجدت نفسها  
تحاوط ظهره بتواضعها.. أرادت أن تدع وجهها ينام على صدره، لكنها قبل أن  
تفعل أمسك رأسها بيده وقبَّل جبينها.

وجهاهما متقابلان.. عيناها في عينيه.

همس لها: مبروك.

ردت بسعادة لم تشعر بها من قبل:

- الله يبارك فيك.

انتهت لوقوفهما.. فقالت تدعوه للجلوس:

- أفضّل.

أخرج من جيب بذلته علبة قطيفة حمراء.. تفاجأت حنان بها.

فتح العلبة.. فسأته حنان:

- إيه ده؟

- شبكتك.

- بس انا مطلبتش حاجة ومكنتش اعرف انك هتجيب.

- مش لازم تطلي.. هي حاجة بسيطة أوي كنت اتمنى انها تبقي أكثر من كده.

أمسك يدها.. لم يتمكن من تلبسها الدبلة بيد واحدة والأخرى تستند على العكاز.. أمسكت منه العلبة بيد ومدت الأخرى له.

ألبسها الدبلة.. ثم سوارًا بسيطًا.. ثم ألبسته حنان الدبلة.

سادت السعادة على الوجوه.. ومال والد حنان على زوجته وهمس في أذنها: شفتي.. اللي شاري مبيستخسرش.

قاطعتها والدة عمر.. موجهة حديثها لمصطفى:

- هتنورونا امتي تشوفوا الشقة؟

الأب: مش لسه بدري على الجواز.

والدة عمر: ازاي بس.. حقكم تشوفوا الشقة وانا قلت لعمر تيجوا قبل كتب الكتاب بس انت اللي قلت بعدين.. حقك تطمن على بنتك.

الأب: أنا شايف ان عمر شانها.. ومتأكد اني ادبتها لراجل يصونها.. يبقى متفرق في إيه الشقة كبيرة ولا صغيرة.. تملك ولا إيجار.. هو جوزها وتعيش معاه في أي مكان.

عمر: معلى يا عمي.. لازم برضه تيجوا تشوفوا الشقة علشان لو فيه أي حاجة حنان عايزة تغيرها ألحق اعمل حسابي على اللي محتاجينه.

الأب: خلاص بكرة بعد العشا هنيجي نشوف الشقة ان شاء الله.  
صمت قليلاً ونظر لزوجته.. فنهضت من مكانها وهي تشير للإسراء.  
قالت تدعوهم للسفرة:  
- انفضلوا يا جماعة.. العشا جاهز.

\*\*\*

في اليوم التالي.. ذهبت حنان مع والدتها لمشاهدة الشقة.. استقبلهم عمر  
وأسرته.. وصعدوا جميعاً لشقة عمر.  
الشقة واسعة من البيوت القديمة.. أعجبت حنان.. تحتاج بعد التشطيبات  
ثم الفرش مباشرة.  
تجولت حنان في الشقة مع عمر.. وهي تتخيل حياتها القادمة فيها.. يسألها  
عمر كل لحظة والأخرى:  
- عايزة تغيري حاجة؟؟  
تجيبه بصدق  
- الشقة حلوة وأحلى مما تخيلت.  
ثم تردف بهمس:  
- وبعدين مش عايزين نتعطل.. اللي تقدر تجيبه هاته ونبقي نكمل بعدين.  
يرد بحماس أكثر منها:

- ربنا يرزقني ونتجوز النهارده قبل بكره.

بعدما انتهوا من مشاهدة الشقة.. نزلوا جميعًا.. وأصر عمر على توصيلهم.

ركبت حنان بجوار والدتها في الخلف.. وتركت والدها بجوار عمر.

نظراتها على عمر في مرآة السيارة.. يبادلها النظرات بين الحين والآخر.

تفكر.. هل سيدعوه والدها للجلوس معهم قليلًا.. تدعو الله أن يصِرَ والدها على دعوته.. تتمنى أن تجلس معه وحدهما:

منذ الأمس وبعد عقد القران لم يجلسا وحدهما سوى على الشات.. تريد اختلافًا.. تريد أن تشعر أنها بقربه عن ذي قبل.

أثناء انشغالها بعديثها الصامت.. سمعت عمر يقطع الصمت:

- بعد إذنك يا عمي.. هاخذ حنان نخرج شوية.

- وماله.. بس متأخروش.

رقص قلبها فرحًا.. تتعجل الطريق حتى يصل عمر لمنزل والدتها حتى تبقى بقربه

توقف عمر أمام منزل أسرة حنان.. نزل والدها.. ونزلت حنان ووالدتها.. اتجه والديها نحو العمارة.. وصعدت حنان بجوار عمر.

نظرت له قائلة: مغلنليش يعني اننا هنخرج.

- حبيت افاجئك.

قالت ضاحكة: مفاجأتك كثرت.

ردّ مزحتها: بدمتلك حلوة ولا وحشة.

- لا طبعاً حلوة.. من يوم ما عرفتك وانت جيت لي الفرح معاك.. ربنا يخليك ليا.

- ويخليكي ليا يا حبيبتي.

تسارعت دقات قلبها. وايتسمت بخجل. سألتها عمر:

- وشك احضر كده ليه.. بنتكسفي مني؟

- مش بتكسف منك.. بس فرحانة وانا بسمع منك الكلام الحلو ده.. عارف يا عمر.

- ايه يا حبيبتي.

- أنا أول مرة احب.. كل اللي حاساه معك عمري ما حسيتاه قبل كده.. أنا بحبك أوي.

- يعني مش هتندمي مع الوقت؟

ردّت بقلق: أنا خايفة انت اللي تندم.

- أنا ممكن اندم في حالة واحدة بس.

قلقت حنان.. وسألت باهتمام:

- ايه هي؟

- انك تزعلي مني لأي.. أنا انا محافظتش على وعدي ليكي بأني اعمل كل اللي يسعدك.

- أنا مش ممكن أزعل منك أبدًا.

نظراتهما المتبادلة تهيم حُبًا وغمًا.. توقف عمر بالسيارة.

نزل منها ونزلت حنان.. استدار ليقف جوارها ويشير أمامه:

- المكان ده سمعت انه حلو.. أول مرة احي هنا فقلت تكون أول مرة لينا مع بعض.

- أنا كمان مجتش هنا قبل كده.. ويقولها لك ثاني مش مهم المكان المهم اني معاك.

ارتبكت خطوات عمر، تذكر كلمات نيفين عند معايرتها له، واعترافها أنها تغفل من المشي جواره.. لاحظت حنان تباطؤ خطواته وشروده. سألته: مالك يا عمر؟

- مقيش.. اتفضلي.

أشار لها أن تمشي أمامه؛ كي لا يعرجها، لكنها توقفت مترددة. وسألته: هو انا لو حطيت إيدي في إيدك.. هضابقك؟

- أخاف اتقي اللي تضايقي..

تعجبت من إجابته.. فسألته

- هتضايق من إيه؟

ردًا بانكسار: إن القاس تشوفك ماشية مع واحد...

قاطعته حنان بمسكها ذراعه.. ومشت بجواره.

- مهمنيش حد.. انت حبيبي وسندي.. أنا مش هسيب إيدك طول ما احنا مع بعض.

انحنى بوجهه يقبل أصابعها التي تلمسك بذراعه.. لم يعبأ بالناس في الشارع.. ولا بالزوجة التي رأتهم وتكلمت مع زوجها بهمس وهي تنظر إليهما بنظرات حاقدة.. رأتها حنان فقالت لعمر هامة:

- الناس متحسدني عليك.. معرفوش انك فرحة جت بعد سنين طويلة حزن وقهر.

- الحمد لله على نعمة وجودك في حياتي.

أكمل طريقهما للمطعم.. تشبث بذراعه بحُب.. ومشى هو بفخر بجوار زوجته وحبيبته.

\*\*\*

أيام مضت بعد عقد القران.. حينما أتى لعمر في المحل شخص يسأل عنه. استقبله عمر قبل أن يعرف هويته.

عرّفه بنفسه: أستاذ عمر.. أنا المهندس هشام خطاب.

- أهلاً وسهلاً.. حمدي قال لي انك سألت عليا امبارح.. اتفضل.

جلس هشام.. وعمر في مقابلته.. وبدأ هشام كلامه:

- أنا ابن الحاج رفعت خطاب لو تسمع عنه.

صمت عمر قليلاً يحاول تدكّر الاسم.. ولكنه فشل.. فأكمل هشام كلماته:

- إحنا عندنا شركة مقاولات.. اشترينا الأرض اللي ورا البيت بتاع والدك الله يرحمه من إسبوعين بس.

مازال عمر يفكر في سبب حضور هشام والسؤال عنه يومين متتاليين..  
فسأله:

- مبروك.. أي خدمة أقدر أقدمها لحضرتك.

- الله يبارك فيك.. هي مش خدمة.. أنا جاي لك في عرض مباشر.

هز عمر رأسه إشارة ليكمل هشام حديثه.. أكمل الأخير:

- أنا عايز اشتري البيت بتاعكم بالأرض.. أنا عارف انكم ورثة وانك صاحب الرأي الأول والأخير.

ردّ عمر معتذراً: أكيد فيه سوء تفاهم.. أنا معرضتش البيت للبيع.

- مفهوم.. أنا اللي جاي اعرض عليك الشرا.

- إשמعني أنا؟

- الأرض اللي اشتريناها مع أرض البيت عندكم هنعمل عليها مشروع أبراج سكنية.. الموقع مغري والبيت بتاعكم قديم وكلها كام سنة ويجيله أمر إزالة.

- انت فاجئتني.

- أنا هكمل العرض بتاعي وادبلك وقت تفكر.. الأرض قدرنا قيمتها بـ 12 مليون.

سماع عمر للمبلغ المعروض جعله يزدرد لعبابه بصعوبة من المفاجأة.. قال  
كمن تذكر أمراً هاماً نسيه تماماً:

- بس العمارة فيها سكان.. وأنا لها شقة غير شقة والدتي.. لو أنا ووالدتي  
وافقنا الشقتين التانين متعمل فهم إيه؟

- السكان ممكن أدّي لكل مستأجر نص مليون جنيه وهو يتصرف.. وبالنسبة  
ليك ولوالدتك قاحنا ممكن نعملكم عقد إيجار في برج من أبراجنا لمدة سنة  
ولما البرج هنا يخلص تاخدوا شقتين ونعملكوا فيها واجب.. لو متسكن هنا  
هتاخذ كاش مع التسجيل 10 مليون وعقد تملك للشقتين اللي ليك  
ولوالدتك.. محتاج وقت أد إيه وترد عليا؟

مازال عمر نعت تأثير المفاجأة.. العرض مغر حقاً.. ولكنه لا يملك وحده حق  
التصرف.. ردّ على هشام:

- كام يوم كده يا بشمهندس اشاور العيلة عندي وأخذ رأي السكان.

- مفيش مشكلة.. ده الكارت بتاعي هستنى ردك في أسرع وقت.

تناول عمر الكارت.. مع وعد بسرعة الرد عليه.

\*\*\*

ساد الصمت عندما حكى عمر لوالدته ولعلا عن عرض بيع البيت.. كل يفكر  
في العرض غير المتوقع.. قالت الأم لعمر:

- وانت إيه رأيك؟

- الراي مش رأيي لوحدي.. أنا جيت اخد رأيكم.

علا بتفكير: انت شايف إيه؟؟.. المهلغ كبير يدوخ.

الأم: أنا عن نفسي مش عايزة حاجة من الدنيا إلا بيت بسترني والمهم عندي سعادتكم انتم.

عمر موجها حديثه لعلا: وانتي يا علا إيه رأيك؟

علا: إحنا محتاجين الفلوس.. انت علشان تتجوز ويبقى معاك قرش يربحك.. وأنا قدامي كتير علشان روان تتعلم ولو جوالي حاجة ابقى مطمئنة عليها.. ونسدد دين عمليتها.. إحنا عبء ثقيل عليك.

عمر معاتباً: من إمتى بيننا فلوس.. انتم ملزومين مني وأنا عمري ما اقصر معاكم باللي اقدر عليه.. روان بنتي ومسئولة مني تعليم وتربية لحد ما ربنا يقدرني واجوزها ان شاء الله.. بس لو فكرنا بالعقل هنلاقي ان الفلوس اللي هتبيح هتخلينا نعلمها في مدارس كونسمة.. تجيبها كل اللي نفسها فيه.. لو لا قدر الله أي حد فينا حصل له حاجة مفاجأة زي اللي حصلت لروان منمدش إيدنا للناس.. وأكد انا عايز اتجوز والفلوس هتختصر وقت كبير.

الأم: يعني رأيك نوافق؟

عمر: القرار الأخير ليكم.. أنا عن نفسي شايفه عرض ميتفوتش.

علا: نفى اغبيا لورفضناه.

الأم: والجيران؟

عمر: مامو قال هيديلهم فلوس.. يعني يقدرُوا يشتروا شقة في أي حته.

الأم: وافرض رقصوا.

عمر: لو رقصوا يبقوا بيوقفوا المراكب السايرة.. البيت صحيح قديم ولو جت له إزالة كلنا هنروح فين.. ولا انا ولا هما هنقدر نصلح البيت.. أنا هقولهم الكلام ده وافهمهم والي فيه الخير رينا يقدمه.

تلك الليلة.. نامت علا تحلم بمستقبل مشرق لابنتها

وطوال الليل الحديث ممتد بين حنان وعمر للحديث عن طرق إقناع سكان البيت للموافقة على إتمام البيع دون مشاكل.

\*\*\*\*

تمّ الاتفاق على البيع دون أي مشاكل من جهة السكان.. تم الاتفاق على البيع والتسجيل الرسمي خلال أسبوعين من رد عمر.

بعد كتابة العقد الابتدائي واستلام مقدّم البيع.. أول ما فعله عمر هو سد دين عملية روان.. ثم ذهب لحنان في منزلها.

استقبله والداها بترحاب كهافتهم.

وجّه حديثه لوالد حنان:

- عمي انا الحمد لله بعث البيت واخدت عربون.. وهنعزل خلال يومين ثلاثة في الشقة الإيجار لحد البرج ما يخلص.

ردّ والد حنان بفرحة حقيقية لعمر:

- مبروك يا ابني.. انت تستاهل كل خير.

نظر لحنان، ثم قال لوالدها:

- حنان وشها حلو عليا.. دخلت حياتي من هنا وربنا وسع رزقي من هنا.

والدة حنان: ربنا يوسع رزقكم ويهدي سرکم يا ابني.

عمر: أنا طالب من حضرتك طلب يا عمي.

الأب: أؤمر.

عمر: أنا عايز اقدم الجواز.. كل حاجة اتسهلت الحمدلله.. نزل من النهاردة

لو تحبوا نجيب العفش وكل حاجة ناقصة نجيبها.



الأب مترددا: بسرعة كيد.

عمر: هنستنى إيه؟

الأم متأثرة: مش لما تعدي السنة على اخوها اللي يرحمه.

عمر محاولا اقناعها: الله يرحمه.. متبالي سنة أو شهر أو 10 سنين في كل

الحالات أحمد الله يرحمه مش هيتنمي ولا الحزن عليه هيخلص.. واحنا مش

هنعمل قرح.. هنفرش البيت واخد حنان ونروح.. يعني بدل ما هتبقى هنا

هتبقى معايا في بيتها.. إيه رأيك يا حنان؟

نظر لها طالبا منها مساندته، لكنها كانت في موقف لا تحسد عليه.

تخشى إن وافقته تُحزن والدتها، وستكون في نظر والدتها ونظر نفسها أنانية..

تخشى موافقة والدتها فتُحرم من عمر شهوذا طويلة أخرى وهي تنحرق شوقا

لليوم الذي يجمعهما فيه سقف واحد.

نكست رأسها ووددت: مش عارفة.. اللي بابا وماما شايفينه.

صمت عمر.. شعر وقتها ان حماسه قتر عندما قابلته حنان بلامبالاة.

والدها.. كان يقرأ افكارهما معًا.. يحب عمر منذ أن رآه في المقابلة الأولى.. وها هو لم يخيب ظنه أبدًا.

قال لزوجته: كلام عمر مضبوط.. أحمد مش هيتنسي ولا بعد سنة ولا 10.

تنفّس عمر الصعداء، وارتسمت علامات الفرح على ملامح حنان.

فأكمل والدها: من بكرة حنان ومامتها إن شاء الله يتزولوا يكملوا اللي ناقصها وحددوا مع بعض المعاد اللي يناسبكم.

تلاقت نظرات حنان وعمر.. عيونهما تلمع بالسعادة.

عمر: حنان تنزل هي وطنط يجيبوا كل اللي ناقصها سواء لها شخصيًا أو للبيت.. بس بعد إذنك انا اللي هتكفل بكل حاجة.

الأب: حنان هنتجهز زي أي عروسة.. لو نقصها حاجة هتقولك.

عمر: يا عمي حضرتك قبلتي وأنا مكنش حيلتي حاجة خالص.. حاليا انا اقدر اتحمل كل حاجة يبقى أرجوك متعملش فرق بينا.

الأب: أنا لما قبلتك قبلت راجل لبنتي.. أنا أمنتك على بنتي وواثق ان عمرك ما هتخون الأمانة.. متخليش الكلام في الفلوس يدخل بيننا.. اللي حنان تحتاجه تجيبه سواء مني أو منك مش هتفارق.. أنا ابوها وانت جوزها.

عمر بحماس وسعادة:

- طيب اسبوع كفاية.. متهيا لي كفاية.

قالها منتظرا ردًا، فاندفعت حنان بنفس الحماس:

- أه كفاية اوي.

ثم شعرت بالخجل من اندفاعها فقالت بنبهة أهدأ:

- نلحق يا ماما مش كده؟

\*\*\*\*\*

انشغل عمر باستلام الشقتين الإيجار.. إحداهما لوالدته وعلا وأخرى  
تجاورهما.. ليقيم فيها مع حنان.

انشغلا عن بعضهما.. كل يستكمل ما يحتاجه في سباق مع الزمن.

انشغلا إلا عن حديثهما اليومي ليلاً.. وقبل الزواج بثلاثة أيام، كتبت حنان  
لعمر:

- عمر.. أنا عايزة اطلب منك حاجة.

- أومري يا حبيبتي.

- أنا عايزة ألبس فستان فرح.. عايزة أبقى عروسة بجدة.

- انتي أحلى عروسة في الدنيا.. بالنسبة لي مفيش أي مشكلة.. بس مامتك.

- هقولها.. وبعدين احنا مش منعمل فرح ولا حاجة.. أنا عايزة ألبس الفستان وتيجي تاخذني من الكواخير ونروح نتصور ويبقى ليانا صورة كبيبييرة ليوم فرحنا نعلقها في شقتنا.

- أحلامك أوامر يا عروسة.

أرسلت حنان له قلوبًا كثيرة ملأت بها الشات ثم أعقبها بجملة واحدة:

- اللي في قلبي أكثر بكثير من كل قلوب الدنيا.

\*\*\*\*

يوم زفاف حنان وبعد توصيلها لعش الزوجية.. ورغم سعادتها.. دموع والدتها اجتريت ذكريات كثيرة فأبكت كل الموجودين خاصة إسراء والدتها.

تمكّن والد حنان من السيطرة على نفسه بسرعة، فودّع حنان بعد مباركته لها ولعمر، وأخذ زوجته وإسراء والدتها، تاركًا العروسين ليبدأ حياتهما بدون دموع.

بعدما أغلق عمر الباب خلف والدته وعلا وزوان، عاد لحنان التي تنتظره في غرفتهما.

عند دخوله الغرفة.. كانت أثار الدموع مازالت في عينيها.

جلس جوارها مسح دموعها بطرف إصبعه، فأخذت يده وقبّلت راحتها:

- أنا حاسة أنك بتمسح آخر دموع حزن في حياتي.

- مكننشي اتمنى نبدأ حياتنا بدموع.

ضحكت مازحة وهي تُذَكِّرُه:

- طب ازاي واحنا معرفتنا جيت في أصعب ظروف ممكن نتخيلها.

ترك عكازيه وضمها لصدرة.. فألقت ألم السنوات الماضية في ركن مظلم من ذاكرتها وأغمضت عينها ووجهها في صدره تتنفس رائحته وترقص مع دقات قلبه.. تتشبث به وتلتصق به أكثر وأكثر

وهمسا معا كلٌ للآخر في نفس اللحظة:

- بحبك.

\*\*\*

أثناء إجازة نصف العام.. ومع قلة ساعات العمل في المدرسة لاحظت حنان افتعال الصدف ومحاولات التقرب منها هي وإسراء من أحد مدرسي اللغة الإنجليزية زميلهما في المدرسة.

في البداية، كانت حنان تصدّه وترد ردود قاسية جافة.. لكنه لم ييأس وظل يتعامل معها بأدب جم.. حتى انتهت لحقيقة لم تخطر لبالها.

شاب مهذب يتقرب من زميلتيه، إحداهما متزوجة.. يشهد الكل بأخلاقه ولم تر منه ما يثير حفيظتها.

حكى لعمر عنه.. في البداية غار عليها وطلب منها عدم التعامل المباشر معه، لكنها وضعت له إحساسها:

- أنا حاسة يا عمر إنه معجب بإسراء.

تناقش معها عمر وتفهم وجهة نظرها.. و طلب منها أن تكون معاملتها معه في أضيق الحدود حتى تتضح نيته.

\*\*\*\*

طوال الشهور التالية لزواجها، كانت حنان تتوق للأمومة بشكل كبير، تطول لحظات شرودها التي تتخيل فيها طفل يُحرك سكون المنزل الهادئ.. كلما كانت تضيق بتفكيرها كانت تذهب لشقة والدة عمر.. تجلس مع روان تستذكر معها دروسها.. تتحدث مع علا أو حماتها في أمور شتى.. أو تأتي والدتها لزيارتها.. ليهن عليها الفراغ في اليوم الطويل أثناء عمل عمر في المحل حتى يقترب موعد عودته فتجلس تنتظره.

تفكر.. هل يشعر عمر هو الآخر باحتياجه لوجود طفل في حياتهما.. تخاف من تفكيرها حتى لا تضع الاحتمالات التي لا تستطيع مجرد تخيلها.

يلح عليها خاطر واحد.. يسيطر على حياتها.. تتردد هل تخبر عمر به أم لا.. لكنها في إحدى الليالي بعدما عاد من عمله وأثناء تناولها العشاء.. قررت ألا تصمت:

- عمر.. عايزة أقولك حاجة شغلاني بقالي فترة كبيرة.

استشعر عمر أهمية ما ستحدث فيه من نبرة صوتها المترددة، فقال مشجعاً:  
قولي يا حبيبتي.

- أنا بقسمي ابقى أم.

تفاجأ عمر.. كيف لها أن تصبح أمًا؟؟ كيف يحقق لها أمنية كتب الله لها استحالة تحقيقها؟

رُدَّ هِدْوَهُ: أمر الله يا حنان.. الحمد لله على اللي احنا فيه.

- بس انت تقدر تحقق لي ده.

زاد تعجُّبه.. قال مبررًا:

- لو كنتي محتاجة علاج مكنتش مقصر معاكي.. بس ازاي؟

صممت.. كما صمت هو الآخر.. يستنتج أمرًا واحدًا..

هل ستطلب منه الزواج من أخرى؟

أراد أن يغير الجو العام للحديث

فقال لها ضاحكًا:

- إوعي تقوليلي اتجوز وناخد البيبي نكتبه باسمنا ونمثل فيلم الزوجة الثانية.

ضحكت رغمًا عنها لمزحته.. وقالت محبِّرة:

- تتجوز إيه.. ده انا كنت ادبلك.

- واهون عليكي.

- بتكلم بجد.

- الحمد لله على عيشتنا يا حنان.. إحنا ربنا كرمنا بأكثر مما نتخيل.

- وهيكرمنا أكثر إن شاء الله لو نقنت لي طلي.

- اللي هو إيه؟

- نكفل طفل يتيم.

صمت بعيد كلماتها في عقله.. نظراتها تنتظر منه ردًا.. لا يستطيع أبدًا رد نظراتها المتوسلة.. ربت على يدها يطمئنها:

- معنديش مانع.. نسأل الإجراءات إيه ونشوف.

هبت حنان من مجلسها تعانق عمر وتقبله وهي تشكره وتدعو له.



ذهب عمر وحنان لإحدى دور الأيتام الحكومية.. وجدا كل الشروط تنطبق عليهما.. كان لابد من اختيار الطفل.

الدار بها الأطفال من عمر أيام حتى سن الابتدائي.. مستوى الاهتمام والرعاية متدنٍ للغاية.. فأغلب الأطفال يرتدون ملابس رثة.. ولا يوجد اهتمام بنظافتهم.. ولا بنظافة المكان.

جري الأطفال على أكياس الحلوى التي أتوا بها.. بشكل يدل على حرمانهم من الحب والاهتمام.. والعلوى أيضًا.

كان الاختيار صعبًا: فاختيار طفل من وسط أطفال يرثي لحالهم كان أمرًا شديد الصعوبة

كلما وقع اختيار حنان على طفل.. وجدت طفلًا آخر تنجذب له.. وطفلة أخرى تداعبها بعلو الكلام.. وأخرى تتوسل إليها بجلب طعام تشهيه.

لم يختلف الحال كثيرًا بالنسبة لعمر؛ فما حدث مع حنان هو بالضبط ما شعر به عمر.. فأنتهى الزيارة هامسًا في أذنها:

- خليفنا نفكر مع بعض تاني وبعدين نختار.. الوضع كده صعب أوي.

خرجت حنان من الدار خالية الوفاض.. تتألم لحال الأطفال.. وتتألم لحالها، كانت تعتقد أنها ستعود حاملة طفلها.. طفلها هي وعمر وسيمتلأ المنزل بهجة بحضور الصغير.

تضايقت من عمر.. لماذا لم يدعها تختار؟ لماذا لا يشعر بحاجة للطفل؟ لماذا أنتهى الزيارة وعلى وجهه تلك النظرة المتأقفة.

التزمت حنان الصمت في الأيام التالية.. تجيب عمر عندما يتحدث إليها.. قل حديثها معه.. توترت العلاقة بينهما منذ تلك الزيارة.

كلما سألها عمر عما يعمل في صدرها تجيبه بلا شيء وتصمت.

دارت حنان في روتين يومها.. العمل صباحًا.. عودة لمنزلها والاهتمام بالاعمال المنزلية وإعداد الطعام.. تحضير الطعام لعمر بعد عودته ثم دخولها غرفتها للخلود للنوم مبكرًا لتعيد في الصباح نفس الروتين اليومي.

أثناء جلوس حنان في المدرسة، وجدت اتصالاً من عمر.

ردّت: أبوة يا عمر.

- انتي فين؟

- في المدرسة.. صحيت؟

- اه صحيت ونزلت.

- طيب لما اروح هكلمك.

- لا متكلمنيش.. اطلعي.

تعجبت حنان:

- أطلع لك قين؟

- أنا واقف بره المدرسة.. يالا اطلعي واستأذني علشان هتمشي معايا.

- في إيه يا عمر.. حد حصل له حاجة؟

- لا مشيش.. اطلعي بس.

- حاضر.

أغلقت معه.. واتصلت بإسراء تخبرها أنها لن تجلس لانتهااء اليوم الدراسي.

\*\*\*

بعدما تلقت إسراء في مكتبها اتصال حنان.. وجدت زميلها محمد منصور مدرس اللغة الإنجليزية يأتي لمكتبها ويجلس أمامها مباشرة:

- صباح الخير يا إسراء.

- صباح النور.

- أنا جاي لك في موضوع محدد عايز اكلمك فيه.

- اتفضل.

- متيألي مينفعش هنا.

نظرت إسرائ لزملانها في نفس المكتب.. نهضت ونهض محمد بالتبيعة وهي تردد:

- ممكن نتكلم بره.

بخروجهما.. وقف قبالتها وسألها:

- إسرائ.. أجازة الصيف قريرت ومش معرف اشوفك زي الأول.. أنا لازم احدد موقفني معاكي.

- موقف إيه؟

- كل ده لسه مش فاهمة اني معجب بيكي.

صعبت إسرائ.. تشعر من فترة بتقارب محمد منها.. فقد لمحت لها حنان بذلك منذ شهر.. لأول مرة يصرح لها.. حاولت التملص:

- معلىش انا مش بفكر في ارتباط دلوقتي.

- ليه؟

- علشان لسه منسيش خطيبي اللي اتوفى.. ومعتقدش هتساه.

- الوفاء شيء جميل.. بس الحياة برضه جميلة.

نظرت له بعدم فهم.. فوضّح لها:

- مثل مطلوب منك تنسيه.. وفي نفس الوقت مینفعلش تحببي نفسك في ذكراه.

تشكر.. كلامه ليس جديدًا عليها.. قالت له والدتها من قبل.. وقاله والدها.. حتى حنان قالت نفس المعنى تقريبًا.

هل محق في كلامه أم يبرر لغرض ما في نفسه؟

في كلتا الحالتين.. هل اقتنعت؟؟ هل ستتمكن من نسيان أحمد واستكمال حياتها؟

سمعت محمد يسألها:

- إسراء.. قلتي ايه؟؟ هتدي لنفسك ولها فرصة تقرب يمكن نكمل حياتنا مع بعض.. ولا هتفضلي أسيرة الذكريات.

همت أن ترفض رفضًا قاطعًا.. ولكنها ترددت قائلة:

- هفكر.. محتاجة وقت.

عقب محمد فرحًا: خدي الوقت اللي يريحك.. المهم ان فيه أمل.

\*\*\*

استأذنت حنان وخرجت من المدرسة لتجد عمراً ينتظرها في الخارج. ركبت بجواره وسألته بقلق:

- عمر انت كويس؟.. حصل حاجة في البيت؟

- مقيش حاجة.. الحمد لله.

- أو مال إيه اللي جابك؟

- وحشتيني.

رفعت حاجبها وتساءلت:

- ما احنا كل يوم مع بعض.

قال وهو يقود السيارة:

- لأ.. يقالك فترة أخدة جنب مني.. والهارده انا مش رايح الشغل وهنبقى مع بعض علشان فترة الصمت اللي دخلت حياتنا دي لازم تنتهي وبسرعة.

أشاحت حنان بوجهها لتتظر من النافذة.. صمت هو الآخر.. ذهب لأول مكان اجتمع فيه بعد عقد القران.. جلسا معاً.. بدأ كلامه قائلاً لها: زعلانة مني؟

ردت: لو قلت اني زعلانة منك أبقي يتبطر على النعمة اللي انا فيها.. بس انا مش قاهمة انت ليه ضحككت عليا وفهمتي انك موافق على كفالة طفل ولما روحنا وبقي بيننا وبين تحقيق الحلم خطوة تراجعت من غير ما تفكر تقول لي أسبابك إيه.

- مسألتيش ليه بدل ما تاخدي جنب لوحدك وتزعلي.

- علشان دي حاجة متنفّس تيجي بالضبط والإجبار.. يا تكون انت كمان ..  
عندك نفس الرغبة يا اما خلاص مالهاش لازمة.

- أنا كذبت عليكي في حاجة قبل كده؟

- لا.

- وانا قلت لك معنديش مانع.. تبقى دي رغبتى بجد.

- أو مال فيه إيه؟

- اتصدمت.. شكلهم وجع قلبي.

- والحل اننا نمشي؟

- مقدرتش اننا نختار الأحلى أو الأصغر أو الأنضف مثلاً.. اختيار ظالم  
للتانيين.. اشمعنى ناخد واحد دون الباقي.

- نقوم نسيبهم كلهم؟

- لأ طبعاً.. بس نعمل اللي ربنا يقدرنا عليه.. وكنت بفكر طول الأيام اللي فاتت  
مممكن نعمل إيه.

سألته حنان: ووصلت لحل؟

ردّ مبتسماً.. مطمئناً لها:

- وصلت.

سألته بعماس:

- إيه؟

- نعمل احنا دار أيتام ونهتم بالأطفال اللي زي دول.. أيتام أو مجهولي النسب أو أولاد شوارع.. نهتم بهم ونربهم ونعلمهم كويس.

صبرخت حنان من الفرح:

- عمرر.. انت حقيقي بشر زينا ولا ملاك رينا بعثك ليا من السما.

ضحك عمر واستدرك قائلاً:

- اصبري بس.. بشر وبفكر إن مشروع زي ده محتاج مصاريف.. ومش معنى ان معايا قلوب دلوقتي اني ممكن اصرف على المشروع ده مدى الحياة.. ومش عايز نتعرض اننا نطلب تبرعات من فاعلي الخير.. يا تجيلنا يا متجيلناش.

نسألت حنان بإحباط:

- يعني ايه؟؟؟ فكرة وبس؟

- عيب عليكي.. مش هقولك الفكرة من غير الحل.

- إلحقني طيب.

- بفكر نعمل مشروع ثاني بالتوازي.. حضانة خاصة على مستوى عالي.. وأرباح الحضانة تصرف على الدار.. وانتي يا ستي مش هيبقي عندك طفل واحد.. تخيلي بقي أطفال الحضانة وأطفال الدار.. بس ابقى ساعتها متنسينيش.

لم تتمالك حنان نفسها من الفرح، همست قائلة:

- لو مكنّا ش في الشارع كنت بوستك.

عُقب مازحًا: ما احنا ممكن نروح نبوس براحتنا.. بقولك مش رابع المحل  
التهادره.

نهضت حنان من مجلسها.. ناولته عكازيه المستنديين على مقعد مجاور..  
وقالت بلهفة:

سجل الكتب

sa7eralkutub.com

- طيب يلا بيننا.

\*\*\*

خلال الإجازة الصيفية قدمت حنان استقالتها من المدرسة وانشغلت بالإعداد  
لمشروعها.. تحمست علا للفكرة وطلبت من حنان مشاركتها في التنفيذ ماديًا  
ومعنويًا فرحبت بها حنان وتعاونتا معًا.

لم يترك عمر عمله في محل والده.. وترك لهما مسئولية إعداد وإدارة  
المشروعين.. مع الإشراف عليهما عن بُعد ومساعدتهما فيما تحتاجان إليه.

والدة عمر ووالدة حنان.. أيقنت كل منهما أنها كانت مخطئة في مخاوفها  
عندما رأت كل أم سعادة ولدها مع شريكه.

إسراء تركت بابًا موارثًا بينها وبين محمد في شهور الإجازة الصيفية.. يتحدثان  
عبر الفيس بوك والهاتف ويلتقيان في المدرسة.. ورغم انشغال حنان إلا أنها  
كانت تشجّعها على ترك الماضي والمضي قدمًا في المستقبل بخطوات ثابتة لا  
تريتها الذكريات.

تم افتتاح الحضانة مع بداية العام الدراسي.. تبعها بدء العمل في دار الأيتام..  
وتم تقسيم العمل بين علا وحنان فيما بينهما.

سعدت علا بالفرصة التي أُتيحت لها بالعمل؛ فالفراغ كان يزيد حزنها،  
والتعامل مع الأيتام وأصحاب الظروف القاسية جعل حزنها يذوب في  
أحزانهم.

انتهت شركة المقاولات من الأبراج السكنية، واستلم عمر وحنان شقتيها في  
البرج الجديد مكان بيت والده.. واستلمت والدته شقتها التي ستقيم فيها مع  
علا وروان.. دخلت روان الشقة تركض فرحاً بالمتزل الجديد.

نيفين كما هي.. مازالت تراقب الشارع الصاخب من نافذة منزلها البسيط..  
ترتفع عينها على امتداد البرج الجديد وتندم لتسرّعها.. ندمها لم يكن على  
عمر أبداً.. ولكن على ما آل إليه حال عمر وتبدله من الضيق إلى أيسر حال.

طلبت إسراء من حنان أن تصبحها لزيارة والديها.. صحبتها حنان دون تردد..  
وهناك في منزل والدي حنان، حكّت إسراء لهم جميعاً عن الخاطب الذي يلج  
للتقدم إليها.. مدحته حنان أمامهما.. وبكت الأم كما تبكي دائماً على أحمد،  
ولكنها باركت هي وزوجها لإسراء وتمنيت لها حياة سعيدة.

حنان.. يوماً عن يوم يزداد حبها لعمر.. كما تزداد جمالاً ونضارة بعدما زال  
همها واستعادت الاهتمام بنفسها.. تحمد الله أنه رزقها السعادة بعد  
الشقاء.. سبحانه صدق وعده عندما قال: فإن مع العسر يسراً.. إن مع  
العسر يسراً.. تدعو كل صلاة أن يديم الله السعادة بينها وبين عمر.. تدعو له  
بخير الدنيا والآخرة.

عمر.. تزداد سعادته كلما رأى أسرته سعيدة.. زوجته سعيدة وتعشقه كما يعشقها.. ووالدته راضية عنه.. وشقيقته خرجت للعمل وأصبحت لها حياة جديدة.. وطفلته الحبيبة روان استعادت كامل صحتها وتتقدم في الدراسة بتفوق.

ماذا يتمنى أكثر من ذلك؟؟

أيوجد على وجه الأرض من هو أسعد منه؟

تَمَّت بِحَمْدِ اللَّهِ

\* \* \*

نهاية

# قلوب مغلقة

أعادت ترتيب شعرها الأسود القصير بيديها، لاحظت أنه ازداد طولا حتى وصل لأعلى كتفها.. زفرت بضيق، ثم نهضت من فراشها متباطئة رغم نحافة جسدها ووقفت خلف الباب تسترق السمع لما يدور في الخارج.. تنأهى إلى مسامعها صوت التليفزيون المفتوح وضحك والدها ووالدتها على صوت الفيلم الكوميدي. ضحكاتهما ترقص على صرخات قلبها المذبوح وحياتها الكثيرة. قبل أن تعود لمكانها المعتاد فوق فراشها وقفت أمام مرآتها.. لم تطل النظر.. بحثت في درج تسريحتها عن المقص.. تناولته وقصت شعرها، وألقته أمامها بإهمال.

